

5841

ԱՐՇԱՄ ՏԱՏՐԵԱՆ

ԲԱՆԱՍՏԵՂԾԻՆ ՁԱՅՆԸ

ԳԻՐԲ ՄՏԱԾՄԱՆ,
ՔՆՆԱԴԱՏՈՒԹԵԱՆ
ԵՒ ԳՐԱԿԱՆՈՒԹԵԱՆ

Հ Ա Տ Ո Ր Ա Ռ Ա Ջ Ի Ն

1938

Տպարան ՍՍՀՍԿ - ՄԵՍՐՈՊ
Գառիբե.

081

S-25

081
S-25

ԱՐՇԱՄ ՏԱՏՐԵԱՆ

ԲԱՆԱՍՏԵՂԾԻՆ ՁԱՅՆԸ

ԳԻՐԲ ՄՏԱԾՄԱՆ,
ՔՆՆԱԴԱՏՈՒԹԵԱՆ
ԵՒ ԳՐԱԿԱՆՈՒԹԵԱՆ

Հ Ա Տ Ո Ր Ա Ռ Ա Ջ Ի Ն

Այս հասցի կը բովանդակէ

ՅԱՅՏԱՐԱՐՈՒԹԻՒՆ ԱՌԱՋԻՆ
ԻՄ ՄԱՐՄԻՆԻԱՒԷՋ...
Ո՛ՂՋ ԵՄ ՄԷՋՆ ԵՍ...
ՎԵՐԱԴԱՐՁ ՄԸ
ՆԱՄԱԿՆԵՐ
ՎԱԻԵՐԱԹՈՒՂԹԵՐ
ՎԿԱՅՈՒԹԻՒՆՆԵՐ
ԸՆԹԵՐՅՈՒՄՆԵՐ

Ա .

Գիտե՛մ թէ հայերէն երգեր գիտես, մէկ հատ
մը բնորէ եւ ըսէ,
Ըսէ՛ այս ամառան վրայ, այս ժողովուրդին վր-
այ, ինչ որ եիմա՛ կայ,
Խօսեղ գիւրիմաց ըլլայ, մա՛ր ու կնճռոտ բա-
նք մի՛ բանք,
Գիտես թէ պանդուխտ եմ ես, պանդուխտին
սիրաւ մի՛ կտայիր ... :
ՆԱՀԱՊԵՑ ԳՈՒԶՍԿ

Բ .

Ժողովուրդդ, ո՛վ Տէր, ինչպէ՛ս եր կգոր՝
Յրբ իր հետ ունէր, Հաւատի՛ն, Յայտի՛ն,
Յրրորդեալ Սիրո՛վ՝ սուրբ եռածանին...
ՎԱՀԱՆ ԹԷՔԷՆԱՆ

Գ .

Օ՛հ, երկրնէ՛ն, երկրնէ՛ն իմ մարդկային էու-
րեան,
Մարդկային բա՛ն մը անցաւ փորոցիկի մը
հրամա՛ն
Ու ես եիմա՛ եմ լեցուն խրոպիւնքով անասի-
ման...
ՍՐՇԱՄ ՏԱՏՐԵԱՆ



5841

ՅԱՅՏԱՐԱՐՈՒԹԻՒՆ ԱՌԱՋԻՆ

Այս հրատարակութիւնը կեանքին ու մտածումին մէջ վստահութեան արարք մը կ'արտայայտէ: Ու նաև՝ Հայ ժողովուրդին բնութեան մէջ: Աւելի՛ն: Անիկա վստահութեան արարք մը կ'արտայայտէ մանուկանդ՝ իմ անձնական հայութեանս մէջ ու մէ՛ջը իմ մարդկային կուսեանս:

Կ'ընդունիմ իմ ներկայ իրականութիւնս ա՛յնպէս ինչպէս որ է ու կ'ընդունիմ զայն՝ իր ամբողջութեանը մէջ:

Կ'ընդունիմ ես զիս այնպէս ինչպէս որ եմ ու ա՛յն որ եմ: Ու ասիկա՝ ամբողջովի՛ն ու մէջը իմ ներկայ իրականութեանս:

Կ'ընդունիմ Հայ ժողովուրդին ներկայ իրականութիւնը ա՛յնպէս ինչպէս որ է ու կ'ընդունիմ զայն՝ իր ամբողջութեանը մէջ:

Կ'ընդունիմ Հայ ժողովուրդը ա՛յնպէս ինչպէս որ է ու այն որ է: Ու ասիկա՝ ամբողջովի՛ն ու մէջը իր ներկայ իրականութեանս:

Ու կ'ընդունիմ այս բոլորը՝ որովհետեւ այս բոլորին մէ՛ջ միայն կը գտնեմ հոգեկան արժէքներ ու կը հաւատամ որ՝ այս արժէքներուն գիտակցութեամբն է միայն՝ որ կարելի է քանդել բոլոր այն տարրերը որոնք կը կազմեն մեր ժողովուրդին գոյութեան թշուառութիւնը, մեր ժողովուրդին ներկային մէջ և որոնք կը սպառնան մեր ժողովուրդին բնութեան տեւականացումին: Ու կ'ըսեմ. — այս արժէքներուն գիտակցելու համար, անհրաժեշտ է նախ զանոնք ընդունիլ ու զանոնք լընդունելու մեր արարքն է միայն՝ որ կրնայ զանոնք փրկել: Ու հոգեկան այս արժէքներուն փրկութեան մէջն է միայն՝ փրկութիւնը մեր ժողովուրդին:

1922էն ի վեր, Հայ մտաւորականութիւնը կ'անտեսէ ու անտեսելով՝ կը լքէ Հայ ժողովուրդին ճշմարիտ արժէքները: Ու ասիկա՝ որովհետեւ Հայ մտաւորականութիւնը կը մերժէ Հայ ժողովուրդին ներկայ իրականութիւնը ու Հայ ժողովուրդը՝ իր ներկայ իրականութեան մէջ, ինչպէս կը մերժէ անիկա՝ իր ներկայ ու սեփական իրականութիւնն ու ինքզինքը՝ իր ներկայ իրակա-

նութեան մէջ: Ու այս արժէքները կը փոխարինէ քաղաքականութեամբ մը, որ mythe մըն է միայն: Ու ամէն mythe, ամէն տեղ ու ամէն ժամանակ, կ'ընդդիմանայ ճշմարտութեան: Հայ ժողովուրդին ճշմարտութիւնը Հայ ժողովուրդին ներկային մէջն է և ոչ թէ՛: Հայ ժողովուրդին ապագային մէջ կամ մէջը Հայ ժողովուրդին անցեալին: Ու ինչ որ կար Հայ ժողովուրդին բնութեան մէջ իբրև արժէք, Հայ ժողովուրդին պատմութեան սկիզբն իսկ, ներկայիս ալ, Հայ ժողովուրդին բնութեան մէջ կայ՝ իբրև արժէք: Ու եթէ կան արժէքներ, որոնք կորսուած են դարերու ընթացքին, անոնք կորսուած են որովհետեւ անոնք Հայ ժողովուրդին բնութեան ինքնայատուկ արժէքները չէին: Աւելի՛ն: Անոնք արժէքներ չէին:

* * *

Իւրաքանչիւր հայ անձի մէջ շարժում մը կայ, որ ներքին է, որ ազա՛ւ է, որ բանական է, որ կը բխի իր մասնայատուկ բնութենէն, իր ընդհանրական (Հայ ժողովուրդին բնութեան սահմաններուն մէջ՝ միայն ընդհանրական ու ընդհանրական՝ մարդկային բնութեան սահմաններուն մէջ այն չափով՝ որով ընդհանրական է Հայ ժողովուրդին բնութիւնը՝ մարդկային բնութեան մէջ) բնութեան ազդեցութեան ներքեւ և կը վաւերացուի այս վերջինէն, որ իր ամբողջ էութիւնը ներքին գործունէութեան մը մէջ կը դնէ և որով, իւրաքանչիւր հայ անձի իրականութիւնը, ամէ՛ն տեղ ու ամէ՛ն վայրկեան, կը վերստեղծուի իր մէջ: Աւելի՛ն: Այս ներքին շարժումը, իր բացարձակութեամբն իսկ, ամէն տեղ ու ամէ՛ն վայրկեան, կը վերստեղծէ, իւրաքանչիւր հայ անձի համար, ամբողջ Հայ ժողովուրդը: Ու ասիկա՝ որովհետեւ, Հայ ժողովուրդը, իր իրականութեան մէջ, հարազատ արտայայտութիւնն է իւրաքանչիւր հայ անձի սեփական իրականութեան:

Հայ ժողովուրդին մէջ, ներքին այս շարժումը ծնած է, աճած և զտուած է, դարերու ընթացքին: Ու անիկա է որ՝ դարերու ընթացքին, Հայ ժողովուրդին բնութիւնը յայանաբերած է, այսինքն՝ իրականացուցած է: Բայց այս ներքին շարժումը չէ՛ որ կառուցած է Հայ ժողովուրդը: Բայց այս ներքին շարժումը չէ՛ որ Հայ ժողովուրդը պահած է Հայ ժողովուրդը: Ու ասիկա՝ որովհետեւ այս ներքին շարժումէն առաջ, Հայ ժողովուրդին մէջ կայ մտածումը Հայ ժողովուրդին: Ու այս մտածումին գլխաւոր նկարագիրը՝ միութիւնն է: Ու իւրաքանչիւր հայ, այս միութեան գաղափարը իր սիրոյն միջոցաւ միայն կրցած է ունենալ



և կրնայ ունենալ: Ու ճշմարիտ սէրը տեւականօրէն ներկայ մըն է ու տեւականօրէն՝ ներկային մէջ, նման բարոյականին, նման մտածումին ու նման գիտակցութեան:

Այս ներքին շարժումը միակ ճամբան է որ հայ անձը, ուստի Հայ ժողովուրդը կը ասնի՝ Հայ ժողովուրդին բնութեան: Ու հայ անձին փրկութիւնը, ուստի՝ փրկութիւնը Հայ ժողովուրդին, Հայ ժողովուրդին բնութեան մէջն իսկ է: (1)

Ամէն հայ անհատ որ կանգ կ'առնէ ինքն իր մէջ ու ինքզինքին դէմ, կը գանգատի ինքզինքին՝ ինքզինքէն և Հայ ժողովուրդէն: Բոլոր հայ անհատները, որոնք կանգ կ'առնեն իրարու մէջ և իրարու դէմ, կը գանգատին Հայ ժողովուրդին ներկայ իրականութենէն և Հայ ժողովուրդէն և իրենք իրենցմէ՝ երբ անկեղծ են: Ես չեմ տեսած հայ անհատ մը որ գանգատ մը չունենար իր բերնին մէջ ու մէջը իր սրտին ու մտքին: Արդ, ամէն գանգատ դժգոհութիւն մը կը պարփակէ: Ու ամէն դժգոհութիւն՝ դժգոհութիւն է որովհետեւ մարդը՝ տեսնելով հանդերձ իրողութիւն մը այնպէս՝ ինչպէս որ է, կը տեսնէ, նոյն իրողութիւնը, այնպէս, ինչպէս որ պէտք էր ըլլար: Ու երբ հայ անհատը կը յայտարարէ իր դժգոհութիւնը, անիկա այս երկու իրողութիւնները միայն տեսնելով չի գոհանար: Անիկա իր մէջ կը կրէ սեղ'ը երկրորդ իրողութեան ու նաև՝ զայն իրականացնելու կամքը: Ու իւրաքանչիւր

(1) Կը վախճամ այս շարժումէն օրինակներ յիշել, պարզապէս, որովհետեւ կը վախճամ օրինակներու մէջ սահմանափակել այս շարժումը որ անսահման է ինքն իր մէջ: Բայց ի սէր յատկութեան ու յետոյ՝ ըսելէ վերջ անսահմանութիւնը այս շարժումին ու հաստատելէ վերջ մանաւանդ՝ թէ ամէն օրինակ սահման մըն է միայն, կը համարձակիմ տալ օրինակներ: — Ամէն հայ որ արժանի է Հայ անունին կը զգայ շարժում մը իր ամբողջ էութեանը մէջ, երբ կը լսէ ու կանգ կ'առնէ Անդրանիկի, Վարդանի, Կոմիտաս Վարդապետի, Ս. Մեսրոպի անուններուն առջեւ: Կը զգայ շարժում մը, երբ կը լսէ հայերէն երգ մը, օտար քաղաքի մը մէկ փողոցէն անցած պահուն: Կամ շարական մը՝ Հայ Եկեղեցւոյ մէջ: Եարժում մը, երբ կը տեսնէ Հայ Եկեղեցին, Հայ Դպրոցը, Հայ մանուկները: Եարժում մը, երբ կը կարդայ գաղթական, որբ, Հայ, անցեալ, ներկայ ու ապագայ բառերը: Եարժում մը, երբ ուրիշներ ցոյց կուտան իրեն իր Հայ ըլլալը: Եարժում մը՝ երբ կը տեսնէ, թուղթին վրայ կար, Արարատի պատկերը, որբերու խմբանկար մը կամ խմբաւորում մը հայ շերտներու: Եարժում մը՝ երբ իր դէմ կը ծածանի օտար դրօշակ մը կամ մանաւանդ՝ Եռագոյնը: Եարժում մը՝ երբ կը տեսնէ լուսանկարները Հայաստանի մէջ կառուցուող աւաններու: Կամ՝ սինէմայի մէջ: Եարժում մը, շարժում մը, շարժում մը միշտ, որ սկիզբ մըն է անշուշտ, բայց հայ անձին կամրին գործունէութիւնը միայն կրնայ զայն շարունակելու Զայն փրկել:

չիւր հայ անհատի մէջ տեւականօրէն ներկայ է քառապանքը: Ու ասիկա՝ որովհետեւ Հայ անհատին տառապանքը այն միջոցն է, որ կը տարածուի միջևը Հայ ժողովուրդին ներկայ իրականութեան այնպէս՝ ինչպէս որ է անիկա և այնպէս ինչպէս որ պէտք էր ըլլար: Ու այս տառապանքը նոյնն է իւրաքանչիւր հայ անհատի մէջ: Ու այս տառապանքը ես կը կոչեմ նախնական իրողութիւնը Հայ ժողովուրդին ներկայ իրականութեան, ինչպէս կը կոչեմ նախնական իրողութիւնը Հայ ժողովուրդին բնութեան, իւրաքանչիւր հայ անհատի ներքին շարժումը:

Հայ ժողովուրդը, իր ներկայ իրականութեան մէջ պէտք ունի իմաստութեան մը, այսինքն՝ մտածելու և գործելու ձեւի մը: Արդ, ես այս իմաստութիւնը կը տեսնեմ միայն այն ձեւին մէջ որով հայ մտաւորականութիւնը կը մարդկայնացնէ նախնական իրողութիւնը Հայ ժողովուրդին բնութեան ու նախնական իրողութիւնը՝ Հայ ժողովուրդին ներկայ իրականութեան: Այսինքն՝ այն ձեւին մէջ որով հայ մտաւորականութիւնը հաղորդակցութեան կը մտնէ, Հայ ժողովուրդին երկու նախնական իրողութիւններուն հետ: Ու այս ձեւը՝ այս երկու նախնական իրողութիւնները ընդունելի է նախ և ոչ թէ՛ անոնց մերժումն ու ժխտումը:

Այս դիտողութիւնները, ինչպէս նաև ուրիշ բազմաթիւ դիտողութիւններ զորս մեր ժողովուրդը կ'ընէ ինքն իր մէջ, կը հաստատեն իրականութիւններ որոնք մեր ժողովուրդին բնութեան շարժումներուն սկզբնաւորութիւններն են: Ու մեր ժողովուրդին ներկայ իրականութիւնը կազմուած է մեր ժողովուրդին բնութեան անհրաժեշտութիւններուն սկզբնաւորութիւններով միայն: Ու այս սկզբնաւորութիւնները տեւականօրէն սկզբնաւորութիւններ կը մնան, քանդուելով իրենք իրենց մէջ: Ու ասիկա՝ որովհետեւ անոնք կը բախին սպառնալիքներու և արգելքներու որոնք պարտադրուած են մեր ժողովուրդին՝ արտաքին աշխարհին կողմէ: Ու մանաւանդ՝ որովհետեւ մեր մտաւորականութիւնը կ'անտեսէ ու կ'արհամարհէ զանոնք:

Ես կը օտուցակեմ այս սկզբնաւորութիւնները ոչ թէ՛ զանոնք փոխելու համար, այլ լրացնելու համար զանոնք: Այսինքն՝ զանոնք փրկելու համար: Ու իմ կամքիս գործունէութիւնը հո՛ս է ու հո՛ս է միայն: Մարդ կը կամենայ իրականացնել միայն այն կարելիութիւնները որոնք կը գտնուին իր սեփական իրականու-

թեան մէջ: Մտորդ կը կամենայ ինչ որ սկսուած է իր մէջ բնական-
 նօրէն: Ու կամենալ կը նշանակէ շարունակել: Եւ կամ ոչինչ չի
 նշանակեր: Մեր մէջ կամեցողութիւն չկայ կ'ըսեն ինծի: Ու
 ինչպէս կը հասկնամ ես բոլոր անոնք՝ որոնք կ'ըսեն ինծի ասի-
 կա: Ու ինչպէս կը հասկնամ ես իրենց սխալը: Իրենց սխալը՝ որ
 է Հայ ժողովուրդին բնութեան պարտադրել անհրաժեշտութիւն-
 ներ՝ որոնց օտար է Հայ ժողովուրդին բնութիւնը և որոնք ան-
 կարելիութիւններ են Հայ ժողովուրդին ներկայ իրականութեան
 համար: Այսինքն՝ որոնք Հայ ժողովուրդին ներկայ իրականու-
 թեան մէջ գոյութիւն իսկ չունին:

Մտորդկային էակը որ զոնն է անարդարութեան, տեւականօ-
 րէն կը կրէ իր մէջ ծանր ու այրող ու կենդանի տրամութիւն մը
 ու հիմա, ես գիտեմ՝ թէ իմ տրամութիւնս կուգայ ինծի, ինչպէս՝
 իւրաքանչիւր հայու, այն գիտակցութենէն որ ես ունիմ և ո-
 րով ես գիտեմ թէ՛ մեր ժողովուրդը ու մեր ժողովուրդին հետը
 ես, ըլլալով հանգերձ գոնը իմ հայրերու սխալին, ես զոնն եմ
 մասնաւորաբար, մարդկային անարդարութեան: Ու այս տրամու-
 թիւնը, այսինքն՝ անարդարութեան այս կնիքը զարնուած է իւ-
 րաքանչիւր հայ դէմքի վրայ, իւրաքանչիւր հայ սրտի մէջ, իւ-
 րաքանչիւր հայ նայուածքի խորը: Ու այս տրամութիւնն է որ
 շղթայած է Հայ ժողովուրդին մէջ, բնութիւնը Հայ ժողովուրդին:
 Ու անհրաժեշտ է յողթել այս տրամութեան, ձեռքազատելու հա-
 մար բնութիւնը՝ Հայ ժողովուրդին: Ու ասիկա՝ որովհետեւ Հայ
 ժողովուրդին փրկութիւնը, մէջն է Հայ ժողովուրդին բնութեան
 գործունէութեան և ոչ թէ՛ մէջը Հայ ժողովուրդին պատմու-
 թեան: Եւ ոչ ալ՝ մէջը Հայ ժողովուրդին ապագային:

Ու սիրով միայն կարելի է քանդել այս տրամութիւնը: Գի-
 տեմ, Գիտեմ: Իմ տրամութիւնս կ'անհրաժեշտանայ իմ մէջս այն
 պահերուն միայն, երբ ես կը յորդիմ սիրով, իրերուն, իրակա-
 նութիւններուն, մարդերո՛ւն և բնութեան առջև: Ու այս պա-
 հերուն է որ ես կը զգամ որ ես մարդկային էակ մըն եմ ու կ'ըմ-
 բռնեմ.— մեծ, գեղեցիկ, ազնի՛ւ ու իրական բան մըն է մարդ-
 կային էակ մը ըլլալը: Ու իմ մարդկային էակ մը-ըլլալու վկաս,
 իմ հա՛յ ըլլալս է: Ու ես ամբողջ Հայութիւնը, սխոյ և միու-
 թեան մէջ միայն կրնամ տեսնել, բռնել և ըմբռնել:

Տեւական ու կենդանի սպասում մը կայ իմ էութեանս իւ-

րաքանչիւր հիւլէին մէջն իսկ կարծես ու այս սպասումը լուսա-
 շորուած է անհուն յոյսով մը որ կը կառուցանէ իրականութիւնը
 իմ անձիս: Ու նոյն սպասումն ու նոյն յոյսը ես միշտ կը գտնեմ
 իւրաքանչիւր հայու դէմքին վրայ, աչքի՛ն մէջ, ձայնին և շեշ-
 տին մէջ, լուսութեան, շարժումին ու անշարժութեան մէջ: Ու կը
 հաւատամ որ, այս սպասումն ու այս յոյսը աւելի՛ իրական են
 քան բոլոր այն իրականութիւնները որոնք կը շրջապատեն զիս,
 իւրաքանչիւր հայ ու ամբողջ Հայ ժողովուրդը: Ու այս սպա-
 սումն ու այս յոյսը, ինչպէս իմ մէջս, նոյնպէս իւրաքանչիւր հա-
 յու մէջ, նոյնպէս ամբողջ Հայ ժողովուրդին մէջ, սպասումն է,
 յոյսն է այն անարդարութեան վախճանին, որ զարկած է զիս, որ
 զարկած է իւրաքանչիւր հայ ու ամբողջ Հայ ժողովուրդը: Ու
 մեծութիւնն ու իրականութիւնն ու գեղեցկութիւնը իմ սպասու-
 միս ու իմ յոյսիս, ինծի կուտան ուժ և քաջութիւն, պայքարե-
 լու համար ո՛չ թէ այս անարդարութեան քանդումին համար, այլ՝
 կառուցանելու համար արդարութիւնը որուն արժանի եմ ես, և
 որուն, ինծի նման ու ինծի հետ, արժանի է իւրաքանչիւր հայ
 ու ամբողջ Հայ ժողովուրդը, մէջը բոլոր ժողովուրդներուն, ժա-
 մանակին ու բնութեան: Մէջը մարդկութեան ու տիեզերքին:

Օտար պետութիւնները մեզի մեր անկախութիւնը խոստա-
 ցած ըլլալուն համար չէ՛ որ մեր ժողովուրդը արժանի է անկա-
 խութեան ու ես կը պահանջե՛մ օտար պետութիւններէն մեր ժո-
 ղովուրդին անկախութիւնը, պահանջելէ՛ վերջ զայն մեր ժողո-
 վուրդէն նախ, այլ որովհետեւ, մեր ժողովուրդը, ինքն իր մէջ,
 արժանի է իր սեփական անկախութեան: Ուստի՝ մեր ժողովուր-
 դին անկախութիւնը արդարութիւն մըն է:

Հայրենիքի պահանջումը, ներկայիս, փոխած է իր բնութիւնն
 ու իր արտայայտութիւնը, գրեթէ բոլոր ժողովուրդներուն մէջ:
 Այս պահանջումը անտեսական անհրաժեշտութիւնն է, իր բնու-
 թեան և իր արտայայտութեան մէջ: Մեր ժողովուրդը միայն, բո-
 լոր ժողովուրդներուն մէջ, իր հայրենիքը կը պահանջէ շո՛տ ա-
 շելի բարձր և շո՛տ աւելի օրինաւոր գաղափարով մը: Ու այս
 գաղափարին արժէքն ու արդարութիւնը, մեր ժողովուրդին՝ ար-
 դարութեան ու արժէքին գիտակցութիւնն է: Մեր ժողովուրդին
 արժէքն է: Ու այս արժէքը, մեր ժողովուրդը իր արիւնոջն է որ
 շահած, նուիրականացուցած, սրբացուցած է: Աւելի՛ն: Զայն օ-
 րինաւորած է:

Մեր ժողովուրդին վրայ կատուած են բազմաթիւ սպառնալիքներ ու կա՛ն սպառնալիքներ՝ մեր ժողովուրդին մէջ: Ու այս սպառնալիքները լուրջ են: Ո՛չ մէկ ճիգ իմ կողմէս զանոնք յեղաշրջելու, մերժելու և ժխտելու: Ո՛չ մէկ ճիգ նաև անոնց տալու տարբեր բնութիւններ և տարբեր երեւոյթներ, խարելու համար զիս ու մեր ժողովուրդը: Զանոնք կարելի է յաղթել միա՛յն ու միայն իրենց բնութեան ու այս բնութեան սահմաններուն մէջ: Բայց նախ անհրաժեշտ է քանդել, մեզմէ դուրս, այն հասարակական յենակէտը ուր անոնք կը միանան իրարու, ինչպէս նաև քանդե՛լ այն հասարակական յենակէտը մեր սրտին մէջ, որ մեղսակից մըն է արտաքին աշխարհին հետ:

* * *

Այս սպառնալիքները գոյութիւն ունին, որովհետև գոյութիւն ունի Հայ ժողովուրդը: Ուրեմն՝ Հայ ժողովուրդը սեփական բնութիւն մը ունի ու այս սեփական բնութիւնը՝ իր սեփական գոյութիւնը: Ու ասիկա՝ որովհետև այս սպառնալիքներուն գոյութիւնն իսկ կը հաստատէ բնութիւնն. ու գոյութիւնը Հայ ժողովուրդին: Աւելի՛ն: Ամբողջ մարդկութեան մէջ, Հայ ժողովուրդը իրականութիւն մը ստեղծած է ու այս իրականութիւնը գոյութիւն պիտի չկրնար ունենալ, եթէ Հայ ժողովուրդը գոյութիւն չունենար:

Բայց ունի՞ արժեք մը այս իրականութիւնը ինքն իր մէջ: Այս հարցումը հաւասար է հետեւեալ հարցումին. — Հայ ժողովուրդը ունի՞ արժեք մը ինքն իր մէջ: Ա՛րդ, Հայ ժողովուրդին արժէքին մեծութեան ու իրականութեան չափը, այն պայքարն է որ անիկա կը մղէ դարերէ ի վեր, այս սպառնալիքներուն դէմ: Իմ ամբողջ ճիգս կը կեդրոնանայ, այս պայքարին աւելի՛ կենդանութիւն, աւելի՛ տարողութիւն, աւելի՛ գիտակցութիւն տալուն մէջ: Այսինքն՝ իմ ճիգս ուղղուած է Հայ ժողովուրդին ներկայ իրականութիւնը լուսաւորելու, զայն վերածելու արժէքներու և այսպէսով, զայն յաւիտենականացնելու, Հայ ժողովուրդին ներկային մէջ, մարդկութեան ու աշխարհին մէջ: Ու մէջը՝ արեւելիքն: Ու այս գործը կարելի է կառուցանել, ստեղծելով պատմական վիճակ մը: Աւելի ճիշդը, արդէն գոյութիւն ունեցող պատմական վիճակին տալով աւելի՛ մեծ նշանակութիւն մը, աւելի՛ մեծ իրականութիւն մը ու զայն ընելով աւելի՛ մարդկային, մեր ժողովուրդին մարդկային ճշմարտութեամբը: Ու այս ճշմարտութիւնը մէջն է մեր ժողովուրդին բնութեան:

* * *

Հայ ժողովուրդին համար, անհատապէս ու հաւաքաբար, միակ

հարցը, իբրև հայ գոյութիւն ունենալն է, այսինքն չմեռնիլն է: Ու ասիկա՝ որովհետև Հայ ժողովուրդը, իր ամբողջութեանը մէջ, ինքզինքը կը գտնէ բռնուած իր կոկորդէն: Յուսահատութիւնը մէջն է բոլոր հոգիներուն ու այս հոգիներուն համար, իրենց յուսահատութիւնը չունի ո՛չ իմաստ, ո՛չ արժէք և ո՛չ ալ կարելիութիւն մը: Ա՛րդ, ինձի համար կարեւորն ու միակ հարցը, մեր ժողովուրդին գոյութիւնը ապահովելը չէ, այսինքն՝ իբրև հայ տեւելը չէ: Ինձի համար, նախընտրելի է անշուշտ, մեռնիլ իբրև հայ, քան թէ վիայն գոյութիւն ունենալ, քան թէ մեռնիլ իբրև տեւէ մէկը: Ինձի համար անհրաժեշտ է ապրիլ, այսինքն՝ իրազործել իմ մարդկային էակի և հա՛յ անհատի բնութեանս անհրաժեշտութիւններն ու կարելիութիւնները: Ու կառուցանել արժէքներ՝ ապրելով վիայն: Յետոյ՝ ինձի համար անհրաժեշտ է իմաստ մը տալ, գիտակցութեան վերածել, արժէքաւորել այն յուսահատութիւնը որ ես կը գտնեմ իմ հոգիս մէջ: Աւելի՛ն: Այս յուսահատութեան մէջն իսկ գտնել իմ յոյսս, իմ հաւատքս, իմ սէրս ու իմ կամքս: Ի՛մ փրկութիւնս:

* * *

Կորուստը ամէն տեղ է ու կորուստին նման՝ կորուստին վախը: Ու այս վախին արտայայտութիւնը ես կը տեսնեմ ամէ՛ն հայու դէմքին վրայ, ես կը լսեմ ամէ՛ն հայու բերնէն ու ես կը կարդամ ամէ՛ն անգամ՝ որ հայերէն տող մը կը կարդամ, հայերու վերաբերեալ: Ու այս վախին գոյութիւնը, իւրաքանչի՛ւր հայու մէջ, կը հաստատէ նմանութիւնը իւրաքանչի՛ւր հայու: Կը հաստատէ բնութիւնը Հայ ժողովուրդին:

* * *

Ամէ՛ն օր քիչ մը աւելի՛ ու ամէ՛ն օր աւելի՛ խորապէս, Հայ ժողովուրդին բնութիւնը ու այս բնութեան գիտակցութիւնը, հայ անհատին մէջ, կը ծածկուին խաւարներով ու կը կորսուին խառնուրդի մը մէջ՝ որ աշխարհն է ուր բացակայ է Աստուած: Մեր պապերուն համար դարեր պէտք եղան, անսահման զոհողութիւններ, անձկութիւններ, տառապանքներ և սէրեր պէտք եղան, բռնելու, զտելու և հաստատելու համար Հայ ժողովուրդին բնութիւնը, այսինքն՝ յսակութիւն մը կառուցանելու համար սիեզերքի մէջ, եկեղեցիի մը նման: Ու այս անփոխարինելի յսակութիւնը, ներկայիս, իւրաքանչիւր հայ անհատի մէջ, ուստի ամբողջ Հայ ժողովուրդին մէջ, կը քանդուի, ինչպէս ժամանակին կը քանդուէր մեր երկիրը, գիւղ առ գիւղ, քաղաք առ քաղաք, աւա՛ն առ աւան: Ու այս քանդումին դէմ, հայ անհատը, ուստի Հայ ժողովուրդը, անտարբեր չէ, ինչպէս անիկա անտարբեր չէր երէ՛կ,

իր գիւղին, իր քաղաքին քանդուածին դէմ: Բայց, իր մեծամասնութեանը մէջ, ինչպէս երէկ, նոյնպէս այսօր. Հայ ժողովուրդը, այս քանդուածին դէմ (դէմ կ'ըսեմ ու կը ստորագծեմ և ասիկա արդէն կը բացատրէ իմ մտածումս իր ամբողջութեանը մէջ) կը կենայ անշարժ, կրաւորական ներկայութեան մը մէջ որ գիտակցութեան բացակայութիւնն իսկ է, իբրև թէ տեսարանի մը առջև գտնուէր և ոչ թէ՛ այս քանդուածը իր էութեան քանդումն իսկ ըլլար: Ու այս կրաւորականութիւնն է որ կը կորսնցնէ զայն, ցրուելով իր ներքին բոլոր զօրութիւնները երազանքին, տենչանքին, գանգատին, անձկութեան, բողոքին ու վախին մէջ, մինչ անցեալին, անիկա կը մնար ամբողջ ինքն իր մէջ: Ու ասիկա՝ որովհետև քանդուածը արտաքին էր միայն և ոչ թէ՛ ներքին, ինչպէս է հիմա: Ու այս պատճառաւ իսկ, միշտ յոյս մը ունէր Հայ ժողովուրդը իր էութեան ամէնախորտուկ մասին մէջ ու այս յոյսն էր ամբողջ իր իրականութիւնը: Ու ինչպէս մարդկային անհատին, նոյնպէս հայ անհատին, նոյնպէս Հայ ժողովուրդին փրկութիւնը մէջն է իր յոյսին:

Անհատը կը փոխուի մասնաւորաբար ա՛յն ազդեցութիւններուն ներքեւ որոնց բնութիւնը տարբեր է իր բնութենէն: Այսինքն՝ որոնց բնութիւնը օտար է իր բնութեան: Հայ անհատը որ կ'ապրի միայն իր հայ բնութեամբը, այսինքն՝ որ միայն հայ կ'ըլլայ, անհրաժեշտօրէն, իր ներկայ պայմաններուն մէջ, ենթարկուած է փոփոխութիւն մը կրելու: Բայց հայ անհատը, իր հայութեան մէջ յառաջանալով, երբ կը հասնի իր մարդկութեան ու հայ ըլլալով հանդերձ կ'ըլլայ մա՛րդ, աւելի՛ երկարօրէն կը տեւէ իր հայութեան մէջ ու կը փրկէ զայն:

Ողբերգութիւն մը կայ որ մեր ժողովուրդին ողբերգութիւնն է և որ ո՛չ մէկ ուրիշ ժողովուրդինը չէր կրնար ըլլալ. չի կրնար ըլլալ ու չէ՛ արդարև: Ու երբ ես իմ իւրաքանչիւր շարժումիս կը զգամ զայն իմ մէջս, կը զգամ նաև զայն իմ շուրջս: Ու ես զիս կը գտնեմ գինուորազրուած այս ողբերգութեան մէջ, այնքա՛ն խորապէս ու այնքա՛ն ձակատաղրականօրէն, որքան մէ՛ջը աշխարհի իրականութեան: Ու ո՞րն է այն հայը որ չի գտնուիր՝ մէ՛ջը այս ողբերգութեան ու չի կրեր զայն իր մէջ, նմա՛ն իր սրտին, նմա՛ն իր մտքին, նմա՛ն իր արիւնին:

Մեր ժողովուրդը ենթարկուած է իր արտաքին պայմաններուն

րուն ու մեր ժողովուրդին գոյութիւնը կախում ունի այս արտաքին պայմաններէն: Բայց մեր ժողովուրդին ողբերգութիւնը չի գտնուիր այս ենթարկումին մէջ այլ մէջը հետեւեալ իրականութեան. — հակառակ որ մեր ժողովուրդին գոյութիւնը կախում ունի իր արտաքին պայմաններէն, այս արտաքին պայմանները անկարող են մեր ժողովուրդին բնութիւնը մեղի բացատրելու: Ու ասիկա՝ որովհետև այս պայմանները ո՛չ մէկ յարաբերութիւն չունին մեր ժողովուրդին բնութեան հետ, ուստի, այս բնութեան արժէքին հետ: Մեր ժողովուրդին կեանքին աղբիւրը մեր ժողովուրդին բնութեան մէջն է: Բայց այս արտաքին պայմանները կրնա՛ն դեր մը տալ մեր ժողովուրդին գոյութեան:

Մեր ժողովուրդը կը զանազանուի ուրիշ ժողովուրդներէն ո՛չ միայն իր բնութեան ինքնութեամբը, այլ մասնաւոր՝ իր բնութեան ինքնութիւնը իրականացնելու, այսինքն՝ զայն տեւականացնելու իր կամովը, որ անշուշտ մէջն է իր բնութեան ինքնութեան: Ի՞նչ խորհուրդ է, Հայ ժողովուրդին բնութեան իսկ ներգոյ, որ Հայ ժողովուրդը, դարերու ընթացքին պահած է Հայ ժողովուրդ: Այս խորհուրդէն զատ, որ զտաքսան խորհուրդն է ըստ իս, ի՞նչ բան կրնար արգիլել Հայ ժողովուրդը միանալու պարսիկներուն (Քրիստոնէութենէն առաջ), միանալու յոյներուն՝ որոնք Քրիստոնեայ էին իրեն նման, միանալու թուրքերուն, երբ այս միացումով ամե՛ն իրաւունք պիտի ունենար անիկա, այսինքն՝ այլեւս պիտի դադրե՛ր զրկանքներ, նուաստացումներ և տառապանքներ կրելէ: Պիտի դադրե՛ր զոհեր տալէ: Պիտի դադրե՛ր զոհուելէ:

Մեր ժողովուրդին՝ իր բնութեան ինքնութիւնը տեւականացնելու կամքին մէջ, ես կը տեսնե՛մ, մեր ժողովուրդին կատարելութեան գաղափարը ու ամբողջ արժէքը մեր ժողովուրդին կը գտնուի այն յարաբերութեան մէջ որ կա՛յ մեր ժողովուրդին բնութեան ինքնութեան և իր կատարելութեան գաղափարին միջև: Այսինքն՝ մեր ժողովուրդին արժէքը, մեր ժողովուրդին բնութեան խորքին ու ձեւին մէջ չէ, այլ մեր ժողովուրդին ընթացքին արժէքը, մեր ժողովուրդին կամքին մէջն իսկ է, որ մեր ժողովուրդը կը մղէ՛ իր բնութեան ինքնութիւնը իրականացնելու: Ու այս ինքնութիւնը սկզբունքն է Հայ ժողովուրդին կամքին:

Ու Հայ ժողովուրդին արժէքը, իր ներկայ իրականութեան մէջ, ինչպէս իր անցեալին, կը կայանայ, իր կատարելութեան գաղափարին պարփակած ազատութեան փարուծին ու այս ազատ-

տութեամբ ընտրած, իր ընդունած դիրքին մէջ: Այսինքն՝ իր բնութեան ինքնութիւնը, իր ներկայ իրականութեան մէջ իրանացնելու իր տրամադրութեան մէջ:

Ո՛չ ոք և ո՛չ մէկ բան պիտի չկրնան զիս համոզել թէ՛ մեր հայրերը մեռան, պարզապէս մեռնելու համար, պարզապէս մեռած ըլլալու համար: Ընդհակառակը, ես կը հաւատամ որ անոնք մեռան՝ որպէսզի մեզ չըլլայինք այնպէ՛ս, ինչպէս եղած էին իրենք: Ուրեմն անոնք մեռան մեզի համար: Ու պէտք է խոստովանիլ.— մեռնելը դիւրին բան մը չէ եւ մտնաւանդ ուրիշ մը համար մեռնելը, երբ նոյն իսկ այդ ուրիշը քու գաւակից է:

Մեր կուսակցութիւններն ու մեր հաստատութիւնները, տեւականօրէն կը գանգատին՝ որ մեր ժողովուրդին մեծ մասը կը մերժէ միանալ իրենց: Այս գանգատը կը հաստատէ իրականութիւնը Հայ ժողովուրդին մէկ մասին մերժումին ու ինքն ալ, իր կարգին, իրականութիւն մը կ'ըլլայ: Ու կարծուածէն աւելի լուրջ իրականութիւններ են, Հայ ժողովուրդին մեծագոյն մասին այս մերժումն ու այս մերժումին պարփակած միութիւնը: Պէ՛տք է ըսել աւելին: Այս մերժումը, եթէ ոմանց մէջ վատութիւն է, ուրիշներու մէջ՝ վախ, անտարբերութիւն կամ անհոգութիւն, Հայ ժողովուրդին լաւագոյն մասին մէջ, ուստի՝ արժէքաւոր մասին մէջ, անիկա ուրիշ բան մըն է ու զուր է մեր կուսակցութիւններուն ու մեր հաստատութիւններուն անոնց վրայ նետած ամբաստանութիւնն ու անէծքը: Ճանչնալ բնութիւնն ու ձեւերը այս մերժումին: Յետոյ՝ քննել զայն, քննելով անոր պատճառը: Այն գործը, որ ես մեք գործը կը կոչեմ, այս մերժումներուն պարփակած միութեան վրայ ու միութեամբ միայն կարելի է կառուցանել:

Մեր ժողովուրդին այն մասը՝ որ ամենէն աւելի պէտք է պահանջէ, խեղդուած է իր նիւթական թշուառութեան մէջ: Ու միւս մասը չի պահանջեր, որովհետեւ իր հանգիստը կը նախընտրէ աւելի՛ քան փրկութիւնը Հայ ժողովուրդին, ուստի՝ փրկութիւնը իր սեփական հայութեան: Կա՛յ միջին մասը որուն կը նայիմ յոյսով: Ու ասիկա՝ որովհետեւ մեր ժողովուրդին այս մասն է որ կը հաւատայ դեռ բարեկարգութեան մը կարելիութեան, այս բարեկարգութեան կարելիութիւնը իր մէ՛ջն իսկ կրելով: Ու Հայ ժողովուրդին այս մասը կազմուած է, ընդհանրապէս, հայ երիտա-

ւարդներէ: Թէև խոստովանիմ.— տակաւին անիկա բացէ ի բաց չարտայայտեր իր հաւատքն ու պահանջը: Ու ասիկա՝ որովհետեւ այս հաւատքն ու այս պահանջը դեռ կազմակերպուած չեն իր մէջ: Գիտակցութեան վերածուած չեն դեռ: Այս հրատարակութեան առաջին նպատակը զանոնք գիտակցութեան վերածելն է:

Հայ ժողովուրդին բնութեան ու իր ներկայ իրականութեան մէջ, դեռ կենդանի են, Հայ ժողովուրդին փրկութեան բոլոր տարրերը: Ու այս հաստատումին կոթնելով է որ ես կ'ըսեմ.— Դեռ չէ հասած վայրկեանը պոռալու.— Կրցողը քող ազատ իր հոգին: Ու այնքան ատեն որ դեռ չէ հասած պարտութեան այս վայրկեանը, իմ մէջս կա՛յ հաւաքաբար փրկուելու հաւատքն ու կամքը: Այս հրատարակութիւնը, այս հաւատքն ու այս կամքն իսկ է եւ ոչ թէ՛ այս հաւատքին ու այս կամքին ապացոյցը միայն:

Յաղթել բոլոր վտանգներուն որոնք կը սպառնան Հայ ժողովուրդին գոյութեան և յաղթել բոլոր դժուարութիւններուն՝ որոնք Հայ ժողովուրդին բնութեան սեփական զարգացումին արգելք կը հանդիսանան, կարելի է միայն կազմակերպելով գոյութիւնը Հայ ժողովուրդին: Ու կազմակերպութեան այս գործին սկզբունքներն ու պայմանները առնելով, մեր ժողովուրդին բնութեան և մեր ժողովուրդին ներկայ իրականութեան անհրաժեշտութիւններուն մէջէն: Ու ասոր համար, հարկ է, նախ ճանչնալ այս անհրաժեշտութիւնները: Ու որպէսզի կարելի ըլլայ Հայ ժողովուրդին ներկայ իրականութիւնն ու այս իրականութեան մէջ Հայ ժողովուրդը ճանչնալ, անհրաժեշտ է վերահաստատել մեծութեանց յարաբերութիւնը Հայ ժողովուրդին զգացումին և բանականութեան, ինչպէս նաև Հայ ժողովուրդին իրականութեան և այս իրականութեան արտայայտութեան միջև: Ու ասիկա՝ որովհետեւ այս յարաբերութեան բացակայութիւնն է պատճառը այն հակասութիւններուն, այն անհասկացողութիւններուն և այն յուսահատութեանց որոնք կան մեր մտաւորականութեան զաղափարներուն և գործունէութեան մէջ ու նաև մէջը՝ մեր մտաւորականութեան ու մեր ժողովուրդին:

Կը հասկնամ որ, ժողովուրդին մտքին մէջ, ժողովուրդին ներկան, անցեալն ու ապագան մի շտ վիպային երեւոյթ մը ստանան: Ու ժողովուրդի մը մտաւորականութեան առաջին պարտականութիւնը, ժողովուրդը տեւականօրէն իր ներկային, ապագային

ու անցեալին հանդէպ ունեցած իր վիպային գաղափարներէն ետ-
քաշելուն և անոնց տեւականօրէն իրականութիւն մը տալուն մէջ
կը կայանայ: Ու մեր մտաւորականութիւնը չէ կրցած ճանչնալ
իր պարտականութիւնը, ուստի՝ չէ կրցած կատարել ի՛ր գործը:
Ու ասիկա՝ որովհետեւ ինքն ալ, մեր ժողովուրդէն աւելի, վիպա-
յին երեւոյթի մը մէջ է որ կը տեսնէ մեր ժողովուրդին ներկան,
անցեալն ու սպազան:

Վիպային այս երեւոյթը յստակօրէն ի յայտ կուգայ այն թեր-
թերու ու գրքերու լեզուին և ոճին մէջ, որոնք լոյս կը տեսնեն
ամէն օր, մեր ներկայ իրականութեան մէջ: Ու ժամանակաշրջ-
անի մը լեզուն և ոճը, կը պարփակեն, այդ ժամանակաշրջանին
մտայնութիւնը: Ու մեր մտաւորականութեան լեզուն և ոճը, ա-
մենէն աւելի, մեր քաղաքական գրականութեան մէջ է որ վի-
պային են: Ուրեմն՝ մեր քաղաքական մտայնութիւնն է որ ամե-
նէն աւելի վիպային է, երբ ամենէն աւելի, անիկա էր որ իրա-
պաշտ պէտք էր ըլլար: Ամէն բանէ առաջ, հայ մտաւորականու-
թեան ձեռքը հայերէն բառարան մը ասա՛լ:

Մեր ժողովուրդին ամբողջական իրականութիւնը իր գոյու-
թեան մէջ չէ ներկայիս և ոչ ալ՝ իր պատմութեան մէջ: Ուստի,
ամէն անգամ որ մենք կը մտածենք ու կը գործենք միայն մեր
ժողովուրդին գոյութեան համար ու գոյութեամբ, մեր ժողովուր-
դին պատմութեան համար ու պատմութեամբ, մենք կ'իյնանք
սխալին մէջ: Այսինքն՝ վնասակարին մէջ: Սխալ է, ուստի՝ վնաս-
ակար, ամէն գաղափար ու ամէն գործ որ մեր ժողովուրդը կը
հեռացնէ իր սեփական բնութենէն, որ արգելք մը կ'ըլլայ մեր
ժողովուրդին սեփական բնութեան իրականացումին: Ու փոխա-
դարձաբար, ճի՛շդ է, ուստի օգտակար՝ ամէն գործ ու ամէն գա-
ղափար՝ որ մեր ժողովուրդը կը մօտեցնէ իր բնութեան, որ մի-
ջոց մը կ'ըլլայ մեր ժողովուրդին բնութեան իրականացման հա-
մար:

Ես չեմ կռթնիր, անսահման վստահութեամբ, մեր ժողովուր-
դին բնութեան վրայ, այսինքն՝ ես չունիմ ու չեմ կրնար ունե-
նալ մեր ժողովուրդին սպազային վրայ, այն անսահման վստահու-
թիւնը որ մեր ժողովուրդը մի՛շտ ունեցած է իր մէջ: Ու ասիկա՝

որովհետեւ գիտեմ թէ՛ Աստուծոյ իսկութենէն զատ ո՛չ մէկ ուրիշ
իսկութիւն չի պարփակեր վստա՛հ եւ անսահման տեւողութիւնը
քի գոյութեան: Այսինքն՝ ո՛չ մէկ գոյութեան տեւողութիւն, ու-
րոշուած չի կրնար ըլլալ՝ ի՛ր իսկութեամբը: Ու ասիկա՝ որովհե-
տեւ ամէն գոյութեան համար արտաքինը գոյութիւն ունի ու այս
պատճառաւ իսկ եթէ անկարելի է ըսել. — Աստուած գոյութիւն
ունի, կարելի է ըսել. — Աստուած է:

Հայ ժողովուրդը մի՛շտ քննադատած է իր անցեալը և մի՛շտ
գանգատած անկէ՛ իբրև ժողովուրդ, իբրև պետութիւն ու իբրև
կառավարութիւն: Ու ասիկա՝ որովհետեւ անիկա երբե՛ք չէ քըն-
նադատած իր ներկան ու չէ՛ գանգատած՝ իր ներկայէն: Անիկա չունի
գիտակցութիւնը ներկային: Այսինքն՝ անիկա իր ներկային մէջ
մի՛շտ տենջացած է և ո՛չ թէ միշտ ունեցած, և ո՛չ թէ միշտ ունենալու
աշխատած: Ու ասկէ՛ որպէս զի անիկա կարենայ ըմբռնել սխալ
մը կամ ճշմարտութիւն մը և զանոնք զանազանել իրարմէ, միշտ
ժամանակը անհրաժեշտ է եղած իրեն համար: Ու այս ժամանակը
անիկա կը կոչէ փորձառութիւն, մինչ իրականութեան մէջ, այս
ժամանակը սովորութիւն մըն է միայն: Ու անշուշտ, անիկա օր
մը պիտի իյնայ ու խեղդուի ժամանակին, սխալին, նիւթին մէջ,
եթէ մեր մտաւորականութիւնը շարունակէ ըլլալ ա՛յն, որ է 1922է
ի վեր:

Ժամանակը մեծագոյն թշնամին է Հայ ժողովուրդին: Բայց
ժամանակը կրնայ մեծագոյն բարեկամը ըլլալ Հայ ժողովուրդին:
Ու ասոր համար՝ անհրաժեշտ է փոփոխութիւն մը ստեղծել մեր
ներկայ գոյութեան մէջ: Ու նոյնպէս: Դրամը մեծագոյն թշնամին
է Հայ ժողովուրդին ու Հայ ժողովուրդին մեծագոյն բարեկամը
կրնայ ըլլալ գրամը: Այս գիտակցութիւնն է որ զիս կը կապէ Հ.
Բ. Ը. Միութեան:

Մեր անցեալին ճանաչումը, գիտակցութիւնը, ներկայու-
թիւնն ու գործունէութիւնը մեր ներկային մէջ ու մեր ներկա-
յին համար, անհրաժեշտ են մեզի: Ու ասիկա՝ հետեւեալ պատ-
ճառներով:

Ա.— Մեր ժողովուրդը ամէն բանէ առաջ, գիտակցութեան
տագնապէ մը կը տառապի: Ու ասիկա՝ որովհետեւ մեր ժողովուր-
դը արկածի մը ենթարկուած է: Ու այս արկածին պատճառաւ,

մեր ժողովուրդին բնութիւնը, իր ամբողջութեամբը, ներկայ չէ մեր ժողովուրդին մէջ, ուստի մեր ժողովուրդին բնութեան գործունէութիւնը՝ մեր ժողովուրդին ներկայ իրականութեան մէջ ամբողջ չէ: Աւելին: Այս արկածը, ամէն բան այլափոխած է մեր ժողովուրդին մէջ ու մեր ժողովուրդին շուրջ: Ու պատճառաւն այս այլափոխութեան և պատճառաւն այս ամբողջին բացակայութեան, հայ անձը, ամէն տեղ ու ամէն վայրկեան կը կասկածի հայ անձին: Ու ստիկա՝ որովհետեւ ամէն տեղ ու ամէն վայրկեան հայ անձը կը կասկածի ինքզինքէն:

Բ.— Մեր ժողովուրդին բնութեան վրայ, մեր ժողովուրդին ներկայ իրականութեան մէջ, կախուած են սպառնալիքներ: Ու այս սպառնալիքներուն դէմ, մեր ժողովուրդին զգուշութիւնը, երկիւղն և ինքնապահպանումը ու այս սպառնալիքներուն դէմ մեր ժողովուրդին պայքարելու անհրաժեշտութիւնը, մեր ժողովուրդին համար գո՛ւր վատնումներ են և չլթայումներ: Ու ստոնք կը ըզբաղեցնեն մեր ժողովուրդը, ժամանակին մէջ զայն հեռացնելով իր բնութեան ստեղծագործ անհրաժեշտութիւնէն: Ու այս սպառնալիքներուն պատճառաւն իսկ, մեր ժողովուրդին բնութիւնը, իր ներկայ իրականութեան մէջ, ինքզինքը ամբողջութեամբ յայտնաբերելու անկարելիութեան մէջ կը գտնուի:

Գ.— Մեր ժողովուրդին բնութիւնը, մեր ժողովուրդին ներկայ իրականութեան մէջ, շրջապատուած է արգելիքներով: Մեր ժողովուրդը օտար է բոլոր այն երկիրներուն մէջ ուր անիկա կը քաշքշէ իր գոյութիւնը: Ու այս արգելքները, այսինքն՝ այս օտարութիւնը, կը սահմանափակեն ազատութիւնը մեր ժողովուրդին: Ու այս սահմանափակումը, մեր ժողովուրդին բնութիւնը կը դնէ ինքզինքը ամբողջութեամբ ցուցայայտելու անկարելիութեան մէջ:

Ես կը կրկնեմ.— Մեր ժողովուրդին, իր պատմութեան մէջ, իր բնութեան իրականացուցած արժէքներուն ճանաչումը, մեր ներկային մէջ, կ'աւելցնէ ճանաչումը մեր ժողովուրդին բնութեան: Ու այս արժէքներուն գիտակցութիւնը, ներկայութիւնն ու մասնակցութիւնը մեր ժողովուրդին ներկային մէջ, մեր ժողովուրդին համար, յուսալու, հաւատալու, սիրելու և գործելու և ինքզինքին վրայ վստահութիւն ունենալու պատճառներ են: Ուստի՝ մեր անցեալը անհրաժեշտ է մեզի, մեր ներկային մէջ, մեր ժողովուրդին պատմական վիճակ մը ստեղծելու համար: Մեր ժողովուրդը՝ մեր ներկային մէջ, ամբողջ ընելու համար:


Մեր ժողովուրդին պատմութեան մէջ ճակատագրապաշտութիւն մը կայ, ինչպէս ամէն ժողովուրդի պատմութեան մէջ: Ու

ժողովուրդի մը պատմութեան ճակատագրապաշտութիւնը, ժողովուրդի մը պատմութեան մեռած մասն է: Մեր ժողովուրդը կը սահմանափակուի իր պատմութեան ճակատագրապաշտութեան մէջ, այսինքն՝ իր պատմութեան մեռած մասին մէջ: Ու ստիկա է պատճառը, մեր ժողովուրդին ներկային մէջ, մեր ժողովուրդին պատմութեան անգործունէութեան, անբերութեան և անիրականութեան: Դարձեալ, այս պատճառաւն է որ, մեր ժողովուրդը, իր ներկայ իրականութեան մէջ, կը սպասէ ինքզինքին, առանց ինքզինքը յայտնաբերելու ճիգը ընելու: Ու դարձեալ, պատմական ճակատագրապաշտութեան հետեւանքով է որ, մեր ժողովուրդը իր ներկայ իրականութեան մէջ, կ'ենթարկուի արտաքին աշխարհին, առանց ճիգ մը ընելու, այս արտաքին աշխարհն ու արտաքին աշխարհին մէջ՝ ինքզինքը փոխելու: Ու ինքզինքը փոխելու ճիգին մէջ՝ ինքզինքը ճանչնալու: Ու ինքզինքը ճանչնալով՝ ինքզինքը կառուցանելու:

Մեր ժողովուրդին ներկայ իրականութեան մէջ, պատմական վիճակ մը ստեղծելու համար, անհրաժեշտ է նախ ժամանակ մը ստեղծել: Ու ժամանակ մը ստեղծելու համար՝ փոփոխութիւն մը: Ու ստիկա՝ որովհետեւ մեր ժողովուրդին սեփական ժամանակը չէ՛ որ փոփոխութիւն մը կը ստեղծէ, այլ՝ մեր ժողովուրդին փոփոխութիւնն է որ կը ստեղծէ սեփական ժամանակը մեր ժողովուրդին: Ու մեր ժողովուրդը կրնա՛յ, իր ներկայ իրականութեան մէջ, ի յայտ բերել այս փոփոխութիւնը, իր սեփական ձեռքերով, այն ատեն միայն, երբ, յաղթելով իր պատմութեան ճակատագրապաշտութեան ու փրկելով ինքզինքը՝ պատմական ճակատագրապաշտութեանէն (ժողովուրդ մը դիւրութեամբ չկրնար ինքզինքը ազատել իր պատմութեան ճակատագրապաշտութեանէն, գիտե՛մ: Բայց ամէն դիւրութիւն մաս է ու ամէն կեանք՝ դժուարութիւն), կը մտնէ իր ներկայ իրականութեան մէջ, հաւաքական շարժումովը իր իմացականութեան ու կամքին, իր հոգիին ու ներքին կենդանութեան, ինքզինքը շարունակելու իր մէջ բնականօրէն զգացած անհրաժեշտութեան ու իր կոչումին: Այսինքն՝ իր բնութեան իրականացումով իսկ, երբ կը ստեղծէ իր սեփական ազատութիւնը: Ու ստոր համար անհրաժեշտ է քանդել նախ՝ պատմական ճակատագրապաշտութիւնը, ինչպէս նաև քանդել ցնորաստութիւնը, պարզամտութիւնը, սովորամոլութիւնը, քօնֆօրմիզմը, անհատապաշտութիւնն ու իտէալապաշտութիւնը մեր մտքին:

Հայ անհատը որ կ'ուզէ մտածել ու գործել մեր ժողովուրդին

49. 17896-58



մէջ, ստիպուած է մտնել հասարակութեան մէջ: Ու ստիկա՛ որովհետեւ անհատական գործը միշտ դուրսն է ժամանակէն ու մեր ներկային մէջ, մեմք սահմանափակուած ենք ժամանակով: Ու ասկէ՛ ժամանակաշրջանը որուն մէջ մենք կը քաջքշենք մեր գոյութեան ու մեր բնութեան գիտակից ու անգիտակից կտրելիութիւնները, ժամանակին մէջ՝ մեր հայրենիքն է: Այսինքն՝ մեր հայրենիքը, մեր ժողովուրդին ներկայ իրականութեան մէջ, մեր ժողովուրդին ներկայ անհրաժեշտութիւնն է: Ուրեմն, հայ անհատին գործունէութիւնը, իբրև հիմ ունի ու կրնայ միայն ունենալ, իր սեփական անհրաժեշտութիւնը, որ անհրաժեշտութիւնն է Հայ ժողովուրդին: Ու այս անհրաժեշտութիւնը ո՛չ մէկ ժողովուրդի մէջ, չէ այնքան մեծ ու ծանր՝ որքան է մեր ժողովուրդին մէջ: Ըսել կ'ուզեմ.— Ո՛չ մէկ ժողովուրդ, ներկայիս, ամբողջ աշխարհի վրայ, նուազ ազատ չէ որքան Հայ ժողովուրդը: Ու անհրաժեշտ է, հայ անհատին համար, ամբողջ Հայ ժողովուրդին համար, քաջութեան արարքով մը, ընդունիլ այս անհրաժեշտութիւնը, համակերպիլ անոր ու անոր մէջն իսկ գտնել իր փրկութիւնը: Ու ամէն փրկութիւն ինքնայատուկ է ամէն մարդու համար, ամէն ժողովուրդի համար: Աւելի՛ն: Ո՛չ մէկ մարդու համար, ո՛չ մէկ ժողովուրդի համար, ո՛չ մէկ փրկութիւն այնքան յատկանշականօրէն ինքնայատուկ չէ, որքան հայ մարդուն համար ու Հայ ժողովուրդին: Ու ստիկա հասկնալի է: Ու հասկնալի է նաև.— Հայ ժողովուրդին փրկութեան ինքնայատուկ ըլլալն անգամ, կը հաստատէ Հայ ժողովուրդին բնութեան արժէքը:

Մեր կուսակցութիւնները կը խօսին միայն իրենց կուսակցութեան պատկանող հայերուն համար ու կը խօսին դեմ՝ ուրիշ կուսակցութիւններու պատկանող հայերուն: Խօսիլ ամբողջ Հայ ժողովուրդին համար: Ու խօսելու համար ամբողջ Հայ ժողովուրդին, անհրաժեշտ է նախ պատասխանատուութիւն մը ստանձնել: Ամէ՛ն հայ, կուսակցական կամ ոչ, կը սարսափի պատասխանատուութիւն մը ստանձնելէ: Ու այս տկարութիւնը ինձի կ'ըսէ՝ թէ այս տկարութեան պատճառը ուրիշ տկարութիւն մըն է.— Հա) անձը վստահութիւն չունի ինքն իր վրայ: Եւ ստիկա՛ որովհետեւ հայ անձը կազմակերպուած չէ ինքն իր մէջ՝ իբրև հայ ու իբրև մարդ: Ու մեր ժողովուրդին ներկայ անկազմակերպ վիճակը, հարազատ պատկերն է հայուն ներքին ու անձնական անկազմակերպութեան:

Խօսիլը բաւական չէ: Անհրաժեշտ է խօսելէ առաջ և խօսելու

ընթացքին ճիգ մը ընել հասկցուելու համար: Ու սկզբնական ճիգը պէտք է կեդրոնացնել լեզուին արտայայտութեան վրայ: Մեր լեզուն, ներկայիս, ահաւոր ստախոսութիւն մըն է միայն: Ու ասկէ՛ անիկա չունի ո՛չ մէկ արդիւնադործութիւն մեր ժողովուրդին մէջ: Վերահաստատել մեր լեզուին արդիւնադործութիւնը՝ վերահաստատելով նախկին յատակութիւնն ու ազնուականութիւնը մեր լեզուին: Ու ասոր համար անհրաժեշտ է վերահաստատել յատակութիւնն ու ազնուականութիւնը մեր մտքին:

Յեղափոխական մը կայ իմ մէջս, որովհետեւ ես ըմբռնած եմ խորունկ պատճառները իմ տառապանքիս՝ որ տառապանքն է մեր ժողովուրդին և դատողութիւն մը բերած՝ այս տառապանքին մէջ ու այս տառապանքին շնորհիւ: Ու անկարելի է յեղափոխական չըլլալ մեր անհատական ներկայիս մէջ ու մէջը՝ մեր ժողովուրդին ներկայիս: Ու յեղափոխական մը ըլլալու համար, անհրաժեշտ չէ՛ երիտասարդ ըլլալ: Ու այս գիտակցութեամբն է՝ որ ես կը նայիմ իմ ետիս, նայելով հանդերձ իմ շուրջս ու իմ առջևս: Ու որ հայուն մէջ քնացող յեղափոխական մը չկայ:

Ու մեր ժողովուրդին ներկայ իրականութեան մէջ, միայն ու միայն բարոյականի յեղափոխութեան մը ու բարոյական յեղափոխութեան մը կարելիութիւնները կան: Ու բարոյականը երբե՛ք թէօրիք չէ, այլ՝ տեւականօրէն գործնական է: Ասիկա՛ որովհետեւ բարոյականը, նման արդարութեան, տեւականօրէն ներկան է ու միայն ներկային մէջ կրնայ ըլլալ: Վաղը անբարոյական է ինչպէս անբարոյական է երէկը: Այսօրը միայն բարոյական է: Ու բարոյականութիւնը որ վաղուան համար միայն բարոյականութիւն մըն է և ոչ թէ՛ այս օրուան համար, անբարոյականութիւնն իսկ է: Ու մեր յեղափոխութիւնը անբարոյական յեղափոխութիւն մը և անբարոյականութեան յեղափոխութիւն մը եղաւ, իր ըսկզբունքներուն մէջ, որովհետեւ մեր յեղափոխութիւնը գործեց ապագային համար, անտեսելով մեր ժողովուրդին ներկան:

Որպէսզի ես կարենամ ինքզինքս ճանչնալ, անհրաժեշտ է ինձի համար, որ ես գործեմ, որ ես իրականացնեմ բոլոր այն նկարագիրները որոնք կը կազմեն իմ անձս: Ասիկա՛ որովհետեւ իմ կամքիս օրէնքը՝ իմ կամքիս արտայայտութիւնն է միայն: Ու կամքիս գործունէութիւնը անհրաժեշտ է տարածել բոլոր մարզերուն մէջ: Գեղարուեստը անբուական է ինձի՛ իմ էութիւնս

ամբողջութեամբ իրականացնելու համար: Ինծի անհրաժեշտ են նաև քաղաքականութիւնն ու բարոյագիտութիւնը: Այսինքն ինծի համար անհրաժեշտ են ամբողջ աշխարհը, ամբողջ մարդկութիւնը, ամբողջ կեանքը: Ու այս բոլորէն առաջ՝ ամբողջ Հայ ժողովուրդը:

Մեր ժողովուրդը, ներկայիս, գոյութիւն միայն ունի ու գոյութիւնը բաւական չէ մարդուն: Ու կասկածը կայ իւրաքանչիւր հայու մէջ, որովհետև իւրաքանչիւր մարդկային էակի մէջ կայ գոյութեան անբաւականութեան գիտակցութիւնը: Ու յետոյ՝ որովհետև ասուգութիւնը միայն գործով կարելի է տեւականօրէն ո՛ղջ պահել ու մեր ժողովուրդին ներկային մէջ, չկայ գործ մը որուն կառուցումին համար, մեր ժողովուրդը ի գործ դնէր իր ամենէն կենդանի ու ամենէն ներքին իրականութիւնը: Այսինք՝ այն իրականութիւնը որ մեր ժողովուրդը ոտքի կը բռնէ և զայն կ'ընէ Հայ ժողովուրդը և ոչ թէ՛ ուրիշ ոեւէ ժողովուրդ մը:

Իւրաքանչիւր հայու մէջ, այս կասկածը պղտոր է, խորո՛ւնկ է ու իր խորութեամբն իսկ՝ հեռաւոր: Բայց անիկա մի՛շտ կենդանի է, մի՛շտ իրական է, ու մերթ գիտակից և յաճախ՝ անգիտակից ու մութ ու ծանր: Ու այս կասկածն է որ, տեւականօրէն կը ջարդէ հայ անհատին բնութեան խոյանքները ու կը նետէ զայն յուսահատութեան մէջ, անշարժութեան մէջ, կորուստին մէջ: Ու այս կասկածին գործունէութիւնը, օր ըստ օրէ կ'աճի՛, կը մեծնայ, կը շատնայ՝ հայ անհատին մէջ, թթխմորի մը նման: Ու անշո՛ւշտ մեր ժողովուրդին կրած՝ յուսախաբութիւնները, մեր ժողովուրդին ներկայ իրականութիւնն ու ապագային անորոշութիւնն են, պատճառները այս կասկածին: Բայց մանաւանդ՝ այս կասկածին պատճառը, մեր ժողովուրդին ներկային մէջ, մեր ժողովուրդին բնութեան անգործութիւնն է: Ու ասիկա՝ որովհետև, մեր ժողովուրդը, իր բնութեան այս անգործութեան մէջ, ինքզինքը կը զգայ նուաստացած ու նուազած, ու կը կասկածի ինքն իր վրայ: Ու յետոյ՝ որովհետև, մեր ժողովուրդը, իր անգործութեան պատճառաւ իսկ, ի՛ր մէջ ու մէջը իր ներկային, չի գտներ ո՛չ մէկ սեփական արժէք:(1)

(1) Այս կասկածը առատօրէն ի յայտ կուգայ, ամէն օր, մեր օրաթերթերուն մէջ, ուր ամէն գրող կը կենայ վերացական ընդհանրացումներու մշուշին վրայ, վախճալով խորութենէն, այսինքն՝ վախճալով մեր ժողովուրդին մասնայատուկ իրողութիւններուն մէջ մտնելէ: Աւ նաեւ՝ հայ մաւաւորականներուն անհատական խօսակցութիւններուն մէջ, որոնք մի՛շտ վերացական ընդհանրացումներ են: Ու մարդկային միտքը կ'ապաստանի վերացական

Ա՛րդ, այս կասկածը քանդելու և անկէ ձեռքազատելու միակ միջոցը, բարոյական գործն է: Բարոյական գործը իւրաքանչիւր հայուն, իւրաքանչիւր հայ հաստատութեան, իւրաքանչիւր հայ կազմակերպութեան: Ու այս գործը, մեր գործը կը կոչեմ ես:

Այն գործը, որ մեր գործն է, չէ՛ գործը մեր կուսակցութիւններուն և հաստատութիւններուն: Ու ասիկա՝ որովհետև անոնց գաղափարաբանութիւններուն բնութիւնը չի պարփակեր բնութիւնը մեր գործին: Ես հակառակ չեմ կուսակցութեան գաղափարին: Բայց ես գիտեմ՝ թէ անոնք անկարող են իրականացնելու մեր գործը, այնքան ատեն որ կը մնա՛ն բանտարկուած իրենց ներկայ սկզբունքներուն մէջ: Ու մեր գործը չլսած մը չի կրնար հասցնել մեր կուսակցութիւններուն և հաստատութիւններուն ընդհակառակը: Ու չեմ ըսեր. — Անոնց գործը աւելի բարձր է կամ աւելի ցած՝ քան մեր գործը: Բայց կ'ըսեմ. — մեր գործը մեր հաստատութիւններուն և կուսակցութիւններուն գործերէն տարբեր գործ մըն է: Աւելի՛ն Անհրաժե՛տ գործ մըն է: Ու ասիկա՝ որովհետև բոլոր այն ճշմարտութիւններուն մէջ, որոնց ուժովն ու տարողութեամբը կը գործեն մեր կուսակցութիւններն ու մեր հաստատութիւնները, չի կայ ճշմարտութիւն մը իսկ, որուն ներկայացուցած անհրաժեշտութեան և արժէքին մէջ, հայ ժողովուրդը, իր ամբողջութեամբ, հոգեկան և իմացական զուտ և անշահախնդիր հաղորդութիւն մը ունենայ: Ու ասիկա է պատճառը այն գեթա՛խ իրականութեան որուն գիտակցութիւնը ունի ամէ՛ն հայ, ժամանակ առ ժամանակ: Ու այս գիտակցութիւնը կ'արտայայտէ անիկա, երբ կը դանգաճի մեր ժողովուրդին մէջ տիրող միութեան պակասէն: Բայց ի՞նչպէս կարելի է ստեղծել միութիւն մը առանց այս հաղորդութեան:

Այս բոլորը, սակայն, չի նշանակեր՝ որ մեր ժողովուրդին մէջ, ներկայիս, չկայ ճշմարտութիւն մը որուն ներկայացուցած անհրաժեշտութեան և արժէքին մէջ, Հայ ժողովուրդը, իր ամբողջութեամբ, հոգեկան և իմացական զուտ և անշահախնդիր հագորդութիւն մը գտնէ: Այլ կը նշանակէ. — մեր կուսակցութիւն-

ընդհանրացումներու մէջ, երբ կասկածը խորապէս կը ընկնի իր մէջ և երբ անիկա կ'ամչնայ ու կը վախճայ իր կասկածը արտայայտելու:

Բայց մանաւանդ՝ այս կասկածը, իբրև հայ ու իբրև մարդ, մեր մէջ ամենէն գիտակցօրէն եւ ամենէն ցաւատանջ կերպով արտայայտած է Պրն. Վահան Թէքէեան, իր բանաստեղծական գործով: Ու անիկա մի՛շտ կրցած է քանդել այս կասկածը՝ իր քերթուածներու վերջաւորութեան՝ արարքովը իր արուեստին:

ները ու մեր հաստատութիւնները, չեն գտած, չեն կրցած կամ չեն ուզած գտնել այն մարդկային ճշմարտութիւնը, որով կարելի պիտի ըլլար հաստատել այս հաղորդութեան միջոցաւ՝ միութիւնը մեր ժողովուրդին մէջ: Ու այս ճշմարտութիւնը ես կը գտնեմ միայն ու միայն մեր ժողովուրդին բնութեան նախնական իրողութեան մէջ և մէջը մեր ժողովուրդին ներկայ իրականութեան նախնական իրողութեան:

Ինչ որ կայ մեր ժողովուրդին մէջ իբրև գերագոյն իրականութիւն, այն հոգեկան արժէքն է որ միայն Հայ ժողովուրդինն է և որով Հայ ժողովուրդը՝ Հայ ժողովուրդը կ'ըլլայ: Այս հոգեկան արժէքն է որ Հայ ժողովուրդը կը ներմուծէ մարդկութեան մէջ, իբրև Հայ ժողովուրդ: Կորսնցնել այս արժէքը, կը նշանակէ կորսնցնել Հայ ժողովուրդը: Ու այս արժէքը Հայ ժողովուրդը միշտ ունեցած է իր բնութեան մէջ և միշտ ունի, նոյն իսկ, իր ներկայ իրականութեան մէջ: Ապացոյց.— Ինձի համար անկարելի է երեւակայել հայ լեզուն, հայ ճարտարապետութիւնը, հայ երաժշտութիւնը, Ս. Մեսրոպ մը, Վարդան մը, Նարեկացի մը, Քուչակ մը, Կոմիտաս Վարդապետ մը, Բաֆֆի մը, Անդրանիկ մը, ուրիշ ո՛չ մէկ ժողովուրդի մէջ: Ու իւրաքանչիւր հայ կրնայ ըսել, ինչպէս ես կ'ըսեմ.— ես զիս, այնպէս ինչպէս որ եմ, չեմ կրնար երեւակայել ուրիշ ո՛չ մէկ ժողովուրդի մէջ և մեր ժողովուրդը՝ այնպէս ինչպէս որ է՝ ուրիշ ո՛չ մէկ ժողովուրդի սեղ և իր պատմութեան ընթացքին՝ ուրիշ ո՛չ մէկ ժամանակաշրջանի մէջ: Ու կ'ընդունիմ ես զիս ու կ'ընդունիմ իմ սեփական պարտականութիւնս իբրև հայ ու իբրև մարդ:

Ներկայիս, Հայ ժողովուրդին դժբախտութեան պատճառը, հայ մտաւորական դասակարգին գաղափարաբանութիւններուն տարբերութիւնները, սխերը, ատելութիւնները, կիրքերը, սխալներն ու տխմարութիւնները չեն միայն Չե'ն նաև հայ մտաւորականութեան, Հայ ժողովուրդէ'ն, ուստի և ի'ր ներկայէն փախուստն ու ապագային մէջ ապաստանիլը: Չէ՛ նաև՝ հայ մտաւորականութեան միայն քաղաքականութեամբ զբաղիլը: Մեծագոյն պատճառը Հայ ժողովուրդին դժբախտութեան, հայ մտաւորականութեան այն շարժումն է որով անիկա կը լիք, Հայ ժողովուրդին գերագոյն իրականութիւնը, այսինքն՝ հոգեկան այն արժէքները որոնք Հայ ժողովուրդը կ'ընեն Հայ ժողովուրդը: Ուրեմն՝ լիումն է Հայ ժողովուրդին: Բազմաթիւ են ապացոյցները այս

չքուսինս: Ես անոնցմէ երեքը միայն կը յիշեմ հոս, որոնք կը բխին իրարմէ ու կը թափին իրարու մէջ:

Ա.— Ահաւասիկ վաթսուն տարիէ ի վեր, իւրաքանչիւր հայ հաստատութիւն, իւրաքանչիւր հայ միութիւն, իւրաքանչիւր հայ կազմակերպութիւն, կ'այրի՛, կը մտածէ ու կը գործէ բոլոր այն արբերութիւններով եւ այն արբերութիւններուն մէջ միայն, որոնք կը գտնադանեն, կը բաժնեն ու կը հեռացնեն զանոնք իրարմէ, անտեսելով, արհամարհելով, լքելով այն նմանութիւնները, աւելի'ն, այն նմանութիւնը, որ Հայ ժողովուրդին բնութիւնն իսկ է, որով իւրաքանչիւր հայ հայ է և որով ամբողջ Հայ ժողովուրդը՝ Հայ ժողովուրդը: Որ իւրաքանչիւր հայու հոգեկան արժէքն է: Այսինքն՝ իւրաքանչիւր հայու ներքին Վարդանն է, ներքին Նարեկացին է, ներքին Անդրանիկն է, ներքին լեզուն է, ներքին երաժշտութիւնն է, ներքին ճարտարապետութիւնն է, ներքին բանաստեղծութիւնն է: Այս հրատարակութեան միակ ճիշդը, իւրաքանչիւր հայու մէջ, այս նմանութիւնը արթնցնելն է: Եւ իւրաքանչիւր հայ, այս նմանութեան մէջ, ինքնաճանաչումի, մարմնակցութեան, գիտակցութեան, ներկայութեան, մտածումի և գործի կանչն է:

Բ.— Այս նմանութիւնը, այսինքն՝ Հայ ժողովուրդին բնութեան միակ արժէքը, այսինքն՝ Հայ ժողովուրդին մտածումը, հայ եկեղեցին է որ գտած, գիտակցութեան բերած և հաստատած է Հայ ժողովուրդին գոյութեան մէջ: Հայ ժողովուրդը, Քրիստոնեայ բոլոր ազգերուն մէջ, առաջին ազգն է: Ու այս միութիւնը, ուստի այս գոյութիւնը, Հայ ժողովուրդին մէջ պահած է ինքզինքը ու իր պահպանումն իսկ՝ պահած է Հայ ժողովուրդը իբրև Հայ ժողովուրդ, մինչև մեր յեղափոխական շարժման ըսկիզբը: Ու մեր յեղափոխական շարժումն է որ, Հայ ժողովուրդին գոյութեան մէջ քանդած է այս նմանութիւնը, այսինքն՝ այս արժէքը: Բայց Հայ ժողովուրդին ամբողջ դժբախտութիւնը, այս քանդումն մէջ չէ միայն Անիկա մէջն է հետեւեալ հաստատումին.— մեր յեղափոխական շարժումը, քանդելով մեր ժողովուրդին գոյութեան մէջ, մեր ժողովուրդին միութիւնը, ուզած է ստեղծել ուրիշ միութիւն մը ու չէ կրցած զայն ստեղծել: Ու այս ներքին նմանութեան, այս ներքին արժէքին, այս միութեան բացակայութիւնը՝ Հայ ժողովուրդին գոյութեան մէջ, Հայ ժողովուրդը ըրած է այն՝ որ է այսօր, իրողապէս: Ու այս բոլորէն վերջ, անհրաժեշտ է դնել հետեւեալ հարցումը.— Հայ եկեղեցին, Հայ ժողովուրդին ներկայ իրականութեան մէջ, գործնականօրէ'ն, կրնա՞յ վերահաստատել այս միութիւնը, այս արժէքը, այս նման

նութիւնը: Այսինքն՝ վերահաստատել ինքզինքը Հայ Եկեղեցիին՝ միայն կրնայ տալ պատասխանը այս հարցումին և ոչ թէ ես: Ու երբ կը գրեմ այս բառերը, վե՛ր կ'առնեմ գլուխս ու կը նայիմ Հայ Եկեղեցիին ու իմ աչքերս և դէմքս ողորուած են արցունքով, բողբոջով և յոյսով:

Գ.— Հայ մտաւորականութիւնը, 1922էն ի վեր, մի՛շտ մտածած է և գործած, իր պարագային մէջ ու պարագային համար ինչպէս նաև՝ իր անցեալին մէջ ու անցեալին համար: Ու ասիկա՝ բոլորովին անտեսելով իր ներկան, ուստի ներկան Հայ ժողովուրդին: Այսինքն՝ հայ մտաւորականութիւնը, անտեսելով Հայ ժողովուրդին բնութիւնը, մտածած է և գործած, Հայ ժողովուրդին պատմութեան մէջ ու պատմութեան համար: Ես կը նախընտրեմ մեր ժողովուրդին բնութիւնը մեր ժողովուրդին պատմութեանէն: Ու ասիկա՝ որովհետև մեր ժողովուրդին պատմութիւնը, մեր ժողովուրդին ինքնութիւնը դեռ ամբողջութեամբ իրականացած չէ ու ամէ՛ն բնութիւն, որ կը պահէ իր զտութիւնը՝ չէ կորսուած: Ու ոչի՛նչ չէ կորսուած մեր ժողովուրդին բնութեան մէջ: Ոչինչ չէ՛ կորսուած երբեք:

* * *

Այս գիտողութիւններուն, ինչպէս ամբողջ այս հատորին, ինչպէս ամբողջ այս հրատարակութեան մէջ, ոմանք պայքար մը պիտի նշմարեն անշուշտ: Չեմ գիտեր որքա՛ն ճիշդ պիտի ըլլայ այս բառը անոնց մտքին մէջ: Բայց ես կ'ըսեմ.— եթէ կա՛յ պայքար մը իմ ճիգիս մէջ, այս պայքարը ուղղուած է միմիայն մեր մտաւորականութեան դէմ և ոչ թէ՛ մեր ժողովուրդին: Ու ասիկա թող չնկատուի իբրև շողորթութիւն: Ու ասիկա թող չընդհատուի իբրև արհամարանք: Ես միայն սէր ունիմ մեր ժողովուրդին հանդէպ: Ու ինձի համար պարտականութիւն մըն է մեր ժողովուրդին ըսել իրեն համար ունեցած իմ զգացումներս ու յիշեցնել իրեն.— հայ մտաւորականութիւնը, Հայ ժողովուրդին համար միայն արհամարանք և միայն օղորտորութիւն ունի: Ու ասիկա ես կը տեսնեմ ամէ՛ն օր հայ թերթերուն մէջ: Ու պատճառը այս իրականութեան.— հայ մտաւորականութիւնը միայն բառերով կը մտենայ Հայ ժողովուրդին (երբ կը մտենայ) ու իր բառերը անիմաստ են և զուր: Իրեն նման: Հայ մտաւորականութիւնը չի ճանչնար Հայ ժողովուրդը: Հայ մտաւորականութիւնը չի սիրեր Հայ ժողովուրդը: Բայց կը տեսնայ անիկա՝ որ Հայ ժողովուրդը հասկնայ զինքը ու տա՛յ իրեն, ինչ որ ինքը կը

սպասէ տնկէ, կը պահանջէ անկէ: Ու այս տենչանքը, ինչպէս ամէ՛ն տենչանք, կը կապուի Հայ ժողովուրդին բնութեան ստորին մասին ու այս մասը, անկարող է արդարացնելու հայ մտաւորականութեան տենչանքը: Ու ասիկա՝ որովհետև այս տենչանքը մի՛շտ կ'առնի Հայ ժողովուրդին բնութեան ստորին մասին սանձանքերը: Ու հոս կը սկսի պատրանքն և յուսախաբութիւնը: Ներմուծել հայ մտաւորականութիւնը Հայ ժողովուրդին մէջ: Սէրը անհրաժեշտ է:

* * *

Մեր յեղափոխութեան ձախողումին համար կարելի է բազմաթիւ բացատրութիւններ տալ, ինչպէս կարելի է բազմաթիւ բացատրութիւններ տալ, մեր ներկային մէջ, մեր հաստատութիւններուն անարդիւնաբերութեան: Ու ասիկա՝ որովհետև ինչպէս մեր անցեալին, նոյնպէս մեր ներկային մէջ, մեր հաստատութիւններուն սկզբունքներուն և մեր ժողովուրդին ներկային միջև մի՛շտ պարագայ մը գոյութիւն ունեցած է և ունի: Քանզեւ այս պարագայ ամէ՛ն բանէ առաջ ու ամէ՛ն պարագայ կը քանդուի, երբ կը լեցուի կեանքով, երբ կը լեցուի ճշմարտութեամբ, երբ կը լեցուի մարդով: Ու ամէ՛ն կեանք, ամէ՛ն ճշմարտութիւն ու ամէ՛ն մարդ ներկային մէջն է ու ներկա՛ն է:

* * *

Ես իրականութիւն մըն եմ: Դո՛ւն իրականութիւն մըն ես: Հայ ժողովուրդը իրականութիւն մըն է: Բոլո՛ր ժողովուրդները իրականութիւններ են: Աշխարհը իրականութիւն մըն է: Արդ, արուած իրականութեան մը համար անհրաժեշտ է որ գոյութիւն ունենայ պատճառ մը որով այս իրականութիւնը ունենայ գոյութիւն կամ գոյութիւն չունենայ: Եթէ Հայ ժողովուրդը գոյութիւն ունի, պէտք է պատճառ մը՝ որով անիկա գոյութիւն ունի: Ու եթէ Հայ ժողովուրդը գոյութիւն չունի, պատճառ մը պէտք է՝ որ արգիլէ Հայ ժողովուրդը՝ որ գոյութիւն ունենայ: Ու այս պատճառը կա՛մ Հայ ժողովուրդին բնութեան մէջն իսկ և կամ՝ Հայ ժողովուրդին բնութեանէն դուրս: Այսինքն՝ ուրիշ իրականութեան մը մէջ որուն բնութիւնը բոլորովին տարբեր է Հայ ժողովուրդին բնութեանէն Պատճառը, որով հայ-չորքոտանի մը գոյութիւն չունի, հայո՛ւն և չորքոտանիին բնութիւններէն իսկ կը բխի: Այսինքն՝ հայուն բնութիւնը չի պարփակեր չորքոտանիին գոյութիւնը և ոչ ալ՝ չորքոտանիին բնութիւնը՝ գոյութիւնը հայուն: Ու երկու գոյութիւնները միասին՝ հակասութիւն մը կը պարունակեն: Ու ասիկա՝ որովհետև իւրաքանչի՛ր իրականու-

թիւն ունի իր սեփական բնութիւնը ու իւրաքանչիւր բնութիւն՝ իր սեփական գոյութիւնը: Ու ամէն բնութիւն կը պարփակէ իր սեփական գոյութիւնը: Մեր ժողովուրդին սեփական բնութիւնը կը պարփակէ մեր ժողովուրդին սեփական գոյութիւնը: Ու այն օրը, ուր մեր ժողովուրդին սեփական բնութիւնը կը դադրի իր սեփական գոյութիւնը պարփակելէ, այսինքն՝ այն օրը, ուր Հայ ժողովուրդին սեփական բնութիւնը կը մեռնի, Հայ ժողովուրդը կը դադրի գոյութիւն ունենալէ իբրև Հայ ժողովուրդ:

Ա՛րդ, մեր ժողովուրդին պատմութիւնը, բոլոր ազգերու պատմութիւնները, մեր ժողովուրդին սեփական բնութիւնը ու սեփական բնութիւնը մարդուն ինձի կ'ըսեն.— մեր ժողովուրդին բնութիւնը իր մէջ չի պարփակեր իր մահուան պատճառը, այլ՝ այս պատճառը կը գտնուի իրմէ դուրս: Ու յետոյ՝ անոնք կ'ըսեն ինձի.— մեր ժողովուրդին բնութիւնը իր կեանքին պատճառը կը պարփակէ ի՛ր մէջ և ոչ թէ՛ իրմէ դուրս: Այլ խօսքերով՝ մեր ժողովուրդը չապրի՛ր բոլոր այն իրականութիւններով որոնք արտաքին են իրեն, բայց այս արտաքին իրականութիւնները կըրնան զայն սպանել: Մահաւանդ՝ այն պայմաններուն մէջ որոնցմով շրջապատուած է մեր ժողովուրդը, ներկայիս: Ու այս արտաքին իրականութիւններուն դիմադրելու համար անհրաժեշտ է կամէր Ու կամքին գործունէութիւնը: Այսինքն՝ կամեցողութիւնը: Ամէն բան կը կայանայ այս հարցումին մէջ:— Հայ ժողովուրդը կ'ուզէ՞ դեռ, ինչպէս անիկա ուզած է դարերու ընթացքին, ապրիլ իբրև Հայ ժողովուրդ, բոլոր ժողովուրդներուն մէջ, ժամանակին մէջ, աշխարհին ու Խեղբերքին մէջ: Այո՛ կամ ոչ: Անհրաժեշտ է որ՝ Հայ ժողովուրդը այլևս սա՛յ ինքզինքին այս հարցումն ու պատասխանը այս հարցումին: Իմ մասիս խօսելով, ես տուած եմ արդէն զայն: Ու այս հրատարակութիւնը՝ այս պատասխանն իսկ է:

Ամբողջ աշխարհի մէջ, գոյութիւն չունի ո՛չ մէկ ուրիշ իրականութիւն որ կարենայ աւելի՛ օգտակար ըլլալ հայ մարդուն քան հայ մարդը: Ու ասիկա՝ որովհետև բոլոր իրականութիւններուն մէջ այն իրականութիւնը որ աւելի օգտակար է հայ մարդուն, ա՛յն իրականութիւնն է որ աւելի բնականօրէն ու անհրաժեշտօրէն կը պատասխանէ իր բնութեան կանչներուն: Հայ մարդուն բնութեան հայ մարդուն բնութիւնը միայն կը պատասխանէ, կը համապատասխանէ (զեղեցի՛կ ու հրաշալի՛ բառ): Ու աշ-

խարհի բոլոր մասնայատուկ ու հասարակ իրականութիւններուն մէջ, հայ մարդո՛ւն բնութեան՝ հայ մարդուն բնութեան համապատասխանելու կարողութեան պատճառաւ, Հայ ժողովուրդին բնութեան համագոյ զտւթիւնն է: Ու ամէն՝ զտութիւն ինքնութիւն մը կ'ենթադրէ, ինչպէս ամէն ինքնութիւն՝ միութիւն մը, ինչպէս ամէն միութիւն սէր մը ու ինչպէս ամէն սէր՝ ազատութիւն մը: Ուստի, հայ մարդը հայ մարդուն բնութեան մէջ՝ միայն կրնայ իրապէ՛ս ազատիլ և ազատ ըլլալ: Հայ մարդը հայ մարդուն բնութեան մէջ՝ միայն կրնայ իրապէս սիրել ու սիրուիլ: Հայ մարդը հայ մարդուն բնութեան մէջ՝ միայն կրնայ իրապէ՛ս միանալ ու միութիւն մը կազմել: Հայ մարդը հայ մարդուն բնութեան մէջ՝ միայն կրնայ իրապէս գտնել իր ինքնութիւնը և ինքնութիւն մը ունենալ: Հայ մարդը հայ մարդուն բնութեան մէջ՝ միայն կրնայ իրապէս տիրել իր զտութեան և զուտ ըլլալ, այսինքն՝ ինքզինքին տիրել ու ինքզինքին ըլլալ: Արդ, հայ մարդուն փրկութիւնը հայ մարդուն մէջն է: Հայ ժողովուրդին փրկութիւնը Հայ ժողովուրդին մէջն է: Միայն: Տեւականօրէն միայն:

Ընթերցող, այն անձը, այն գաղափարն ու այն գործը որ կը մնասէ քեզի, կը մնասէ նաև ինձի: Ու ընդհակառակը, այն անձը, այն գաղափարն ու այն գործը՝ որ օգտակար է քեզի, օգտակար է նաև ինձի: Հաւատա՛ այս իրականութեան: Ու վստա՛հ եղի՛ր որ քու այս հաւատքը գերագոյն ազդակն է Հայ ժողովուրդին միութեանն ու Հայ ժողովուրդին միութիւնը՝ Հայ ժողովուրդին փրկութեանն(1)

Կարելիութիւն մը կը զգամ ու կը տեսնեմ իմ մէջս, ինչպէս մեր ամբողջ ժողովուրդին մէջ, որովհետև այս կարելիութեանն առաջ, ես կը զգամ ու կը տեսնեմ իրականութիւն մը իմ մէջս ու մէջը մեր ժողովուրդին: Ու իմ զգացած ու տեսած կարելիութիւնս, կարելիութիւնն իսկ է իմ զգացած ու տեսած իրականութիւնս: Ու ինչպէս որ ես այս կարելիութիւնը կը զգամ ու

(1) Անշո՛ւշտ, անասունէն աւելի օգտակար կրնայ ըլլալ հայ մարդուն, Ափրիկէի վայրենի մարդը եւ նոյն իսկ՝ թուրք մարդը: Անշո՛ւշտ, Ափրիկէի վայրենի մարդէն ու թուրք մարդէն աւելի, հայ մարդուն օգտակար կրնայ ըլլալ ֆրանսացի մարդը: Ու անշո՛ւշտ, ֆրանսացի մարդէն ու բոլոր մարդերէն աւելի, հայ մարդուն միայն հա՛յ մարդը կրնայ օգտակար ըլլալ: Բնականօրէն: Անհրաժեշտօրէն:

կը տեսնեմ այս իրականութեան մէջ, նոյնպէ՛ս, այս իրականութեան մէջն իսկ է որ կը զգամ ու կը տեսնեմ այն արգելքները որոնք կ'արգելեն որ այս կարելիութիւնը ինքնիրմով ու անմիջապէս իրականութիւն մը ըլլայ: Ու այս արգելքներուն յաղթահարելիութիւնը մէջն իսկ կը գտնուի այն մարդկային ստեղծագործ գործին որ իմ մարդկային էութեանս մէջն է և ոչ թէ՛ իմ զգացած ու տեսած իրականութեանս ու կարելիութեանս մէջ: Այս ստեղծագործ գործէն առաջ, այս արգելքները անյաղթելի էին ու առանց անոր, անյաղթելի՛ պիտի մնային: Ուրեմն՝ այս արգելքներուն յաղթահարելիութիւնը իմ մարդկային գործս է որ ստեղծեց: Ու իմ մարդկային գործս, շնորհի՛ւ այս ստեղծագործութեան, իր կարգին, ստեղծագործ գործ մը կ'ըլլայ: Ու իմ գործովս ես կուտամ իմ մարդկային էակ մը ըլլալու պայտօցայ: Ու իմ, այս տրուած մարդկային էակը ըլլալուս պատճառն ու վկան, իմ հայ ըլլալս է: Աւելի՛նս իմ հայութիւնս է:

* * *

Այն գործը որ մեր գործն է ո՛չ ոքի գործը չէ: Ու ասիկա՛ որովհետեւ այս գործը կարելիութիւն մըն է և ոչ ոք, կ'ըսեմ, ո՛չ ոք, չունի, չի ներկայացներ և չէ՛ այն իրականութիւնը որ մենք ունինք, որ մենք կը ներկայացնենք, որ մենք ենք: Ո՛չ ոք: Ո՛չ մեզմէ՛ առաջ, ո՛չ մեզի հետ և ոչ ալ՝ մեզմէ՛ վերջը: Ու ասիկա՛ որովհետեւ ո՛չ ոք չէ մտածած ու չի կրնար մտածել ա՛յն որ մենք մտածած ենք ու կը մտածենք, ա՛յն որ մենք զգացած ենք ու կը զգանք, ա՛յն որ մենք գիտենք, տեսած ենք ու կը տեսնենք, ըմբռնած ենք ու կ'ըմբռնենք: Այսինքն՝ ո՛չ ոք չէ գրաւած ու չի կրնար գրաւել ժամանակին եւ միջոցին մեջ այն սեղր որ մեզ գրաւած ենք եւ որ մեր սեղն է: Մեր ընելիք գործը մե՛ր գործն է և ոչ թէ՛ ուրիշի մը գործը: Ու այս գործը, ինչպէս ամէ՛ն կարելի գործ, ստեղծագործութիւն մըն է: Ու ամէ՛ն ստեղծագործութիւն բանութիւն մը կ'ենթադրէ:

* * *

Իմ ներկայ իրականութեանս մէջ ինչ որ կա՛յ իբրև գաղափար, իմ ներկայ իրականութեանս կարելիութիւնն իսկ է: Ու այս կարելիութիւնն է որ զիս ոտքի կը բռնէ իմ ներկայ իրականութեանս մէջ և ոչ թէ՛ իմ ներկայ իրականութիւնս է որ զիս կը բռնէ ոտքի, ըսել կ'ուզեմ, որ ինձի կենդանութիւն կուտայ: Ասիկա ճի՛շդ է աւելի՛ գուտ չափով մը, ամբո՛ղջ մեր ժողովուրդին համար: Ուստի՛ մեր ժողովուրդը ոտքի բռնողը, մեր ժողովուրդին ներկայ իրականութեան պարփակած կարելիութիւնն է և ոչ թէ՛ իրականութիւնը:

* * *

Ամէ՛ն անգամ որ հայերէն թերթ մը կը կարգամ կամ կը խօսիմ հայու մը հետ, կարելիութեան մասին, կը նշմարեմ որ, հայուն համար կարելի է ամէ՛ն բան որ անկարելի չէ: Ու այս իրականութիւնը ինձի ցոյց կուտայ՝ թէ ասիական որքա՛ն խորապէ՛ս մեր մտքին մէջ ներկայ է մեր յեղափոխութեան սկզբունքի հիմնական սխալը, որ նոյն այս սխալն է. — կարելի է և ամէն բան որ անկարելի չէ: Ա՛րդ, այն բանը որ անկարելի չէ, կարելի չէ՛ միշտ և անմիջապէս: Ու ասիկա՛ որովհետեւ ժամանակ ըստած բանը գոյութիւն ունենալուն համար է որ ամէ՛ն կարելիութիւն իր սեփական իրականութեան մէջն է որ կարելիութիւն մըն է և այս իրականութեանէն դուրս, անիկա չունի՛ գոյութիւն և չի կրնար ունենալ: Ու ասիկա՛ որովհետեւ իրականութիւնը չէ որ կարելիութեան մը կը յաջորդէ, այլ՝ կարելիութիւնն է որ իրականութեան մը կը յաջորդէ ու կարելիութիւնը, իր իրականացած վայրկեանին իսկ կ'ըլլայ ուրիշ իրականութիւն մը ու այս իրականութիւնն ալ, իր կարգին, կը պարփակէ ուրիշ կարելիութիւններ: Նայէ՛ մանուկին ու պիտի հասկնաս այս բոլորը: Իմ փորձառեկութեանս արարը, ամէ՛ն տեղ ու ամէ՛ն վայրկեան, իմ աղաս է:

* * *

Կը տեսնեմ: Մեր հաստատութիւնները երբ ընտրութիւն մը կ'ընեն կարելիութիւններու մէջէն կարելիութիւն մը որդեգրելով, կը կարծեն, կը հաւատան իրենց ազատութեան և կարելիին այս ընտրութիւնը կը կոչեն իրենց ազատութիւնը, կը կոչեն ապացոյցը իրենց ազատութեան: Աւա՛ղ: Ազատութիւնն է որ կը ստեղծէ կարելիութիւնը: Մեր ներկայ իրականութեան մէջ կա՛ն բազմաթիւ կարելիութիւններ ու այս կարելիութիւնները գոյութիւն ունին, որովհետեւ գոյութիւնն ունի մեր մարդկային ազատութիւնը մեր մէջ: Որովհետեւ մեր ազգային գաղափարը դեռ ազատութիւն մը կը պարփակէ իր մէջ, ինչպէ՛ս ամէն գաղափար: Այսինքն՝ որովհետեւ դեռ Հայ ժողովուրդը ազգային գաղափար մը ունի իր մէջ:

* * *

Մեր յեղափոխութիւնը այնպէս՝ ինչպէս փորձեցին իրականացնել մեր կուսակցութիւնները, ձախողեցաւ, որովհետեւ անիկա դեռ անկարելիութիւն մըն էր, տրուած ժամանակին ու մեր ժողովուրդին տրուած մատուցական զարգացումին մէջ: Ու իրաւունք ունէր 1860 սերունդը, որ յեղափոխական կարելիութեան

առաջ, կ'ուզէր ստեղծել յեղափոխական իրականութիւն մը, այսինքն՝ կ'ուզէր պատրաստել Հայ ժողովուրդը, անկախութեան և ազգութեան գաղափարներուն, ազգութեան և անկախութեան գաղափարներուն արժանի ընելու համար զայն:

* * *

Որպէսզի կարելիութիւն մը հնար ըլլայ իրականացնել, անհրաժեշտ է որ, նախ, այս կարելիութիւնը պարփակող իրականութիւնը գոյութիւն ունենայ, այսինքն՝ նախ կարելիութիւնը գոյութիւն ունենայ: Ու յետոյ՝ անոնք որոնք կ'ուզեն իրականացնել այս կարելիութիւնը, ճանչնան իրականութիւնն ու այս իրականութեան պարփակած կարելիութիւնը: Այս հրատարակութիւնը ճիշդ մըն է, Հայ ժողովուրդին ներկայ իրականութեան ճանաչումին ծառայելու և այս իրականութեան սահմանները հաստատելու համար: Ուստի, ճիշդ մը՝ ճանչնալու և ճանչցնելու, զտելու, հաստատելու և կառուցանելու համար ա՛յն կարելիութիւնը, որ Հայ ժողովուրդին կարելիութիւնն է, Հայ ժողովուրդին ներկայ իրականութեան մէջ: Այս հրատարակութիւնը ճիշդ մըն է մասնաւոր՝ մասնակցութեան, ճանաչումի, գիտակցութեան, ներկայութեան, մտածումի և գործի կանչելու համար բոլոր առանձինք, որոնք հա՛յ են ու կը հաւատան իրենց հայութեան ընտելութեան և այս ընտելութեան արժէքին:

* * *

Այս օր, մեր ժողովուրդին մէջ, կա՛ն բազմաթիւ կարելիութիւններ որոնք գոյութիւն իսկ չունէին 1922էն առաջ: Ու սակա՛ւ որովհետեւ այն իրականութիւնը որ այս օր մեր ժողովուրդինն է, 1922էն առաջ չէ՛ր իրականութիւնը մեր ժողովուրդին: 1922էն առաջ մեր ժողովուրդը ուրի՛ց իրականութիւն մը ունէր և այն իրականութիւնը՝ ուրի՛ց կարելիութիւն մը: Ամէ՛ն իրականութիւն ունի իր սեփական կարելիութիւնը:

* * *

Մեր ժողովուրդին մէջ, իւրաքանչի՛ւր հաստատութեան վարչապետութիւնը, դրութիւն մըն է ու այս դրութիւնը չէ՛ տանըւած մեր ժողովուրդին իրականութենէն ու չէ՛ ձեռնած մեր ժողովուրդին իրականութեան վրայ: Անիկա առնուած է և ձեռնած գաղափարի մը վրայ որ մեր ժողովուրդին ապագային մէջն է միայն կամ՝ կրնայ ըլլալ: Ասկէ՛ այն անսահման անորոշութիւնը, այն անսահման պղտորութիւնն ու այն անսահման անհասկացողութիւնը որոնք գոյութիւն ունին մեր ժողովուրդին ներկայ իրականութիւնն ու մեր հաստատութիւններուն միջև: Ու ասկէ՛ նաև՝ անզորութիւնը մեր հաստատութիւններուն, մեր ժողովուրդ-

դին ներկայ իրականութեան մէջ: Աւելի՛ն: Մեր հաստատութիւնները ո՛չ միայն մեր ժողովուրդին անգոյ ապագային մէջ կ'երկարին ու կ'անշարժանն, այլ նաև՝ անոնք կրնան պահանջիլ ուրի՛ց ուրի՛ց ժողովուրդի մը եւ մեր ժողովուրդին մէջ, ուրի՛ց ուրի՛ց ժամանակաշրջանի մը: Արդ, ո՛չ մէկ ժողովուրդ մեր ժողովուրդը չէ ու չի կրնար ըլլալ ու չկրնար ներկայացնել մեր ժողովուրդին իրականութիւնը: Ու մեր ժողովուրդը, իր ներկայ իրականութեամբ, չէ՛ գտնուած իր պատմութեան ո՛չ մէկ ուրի՛ց ժամանակաշրջանին մէջ և ապագային ալ չկրնար գտնուել: Մեր ժողովուրդին ապագան մեր ժողովուրդին ներկային մէջն է կամ մեր ժողովուրդին ապագան գոյութիւն չունի:

* * *

Ես ինքնուրոյն հարց մըն եմ ու իմ ինքնուրոյնութիւնս կը հաստատէ՛ իմ ինքնութիւնս, որ ինքնութիւնն է իւրաքանչիւր հայ անհատի և ամբողջ Հայ ժողովուրդին: Ուստի, ինձի նման, ինքնուրոյն հարց մըն է ամբողջ Հայ ժողովուրդը իր ներկայ իրականութեան մէջ, ինչպէս անիկա մի՛շտ եղած է ինքնուրոյն հարց մը, իր պատմութեան ամբողջ ընթացքին: Ու այս պատճառաւ իսկ, Հայ ժողովուրդը մի՛շտ ունեցած է իր տկարութիւններն ու զօրութիւնները, ինչպէս ես ունիմ, իմ տկարութիւններս ու զօրութիւններս: Ու դարձեալ, այս պատճառաւ իսկ, ինչ որ ճիշդ է ուրի՛ց ժողովուրդի մը համար, ճիշդ չէ՛ մեր ժողովուրդին համար: Ու ամէ՛ն անգամ՝ որ մենք կը բողոքանք մեր ժողովուրդը ուրի՛ց ժողովուրդի մը հետ, մենք կ'իշխանք սխալին մէջ: Ու ամէ՛ն անգամ՝ որ մենք կ'ուզենք օրինակ առնել ուրի՛ց ժողովուրդէ մը, մենք կը խեղդուինք սխալին մէջ: Ու ամէ՛ն սխալ պատճառն է մարդուն թշուառութեան: Ու ամէն թըշուառութիւն պատճառն է մահուան:

* * *

Հայ ժողովուրդը, իր ներկայ իրականութեան մէջ, ինքզինքը տեւականօրէն կը զգայ իր զո՛ւտ կարելիութեան վերածուած: Ու սակա՛ւ որովհետեւ տեւականօրէն իր գոյութիւնը կը փախչի՛ իր առջեւէն, տեւականօրէն պարսպ մը ձգելով Հայ ժողովուրդին առջև ու Հայ ժողովուրդը ոտքի բռնողը, զայն Հայ ժողովուրդը ընողը, իր կարելիութիւնն է: Եւ որովհետեւ Հայ ժողովուրդը մարդկային էականութեամբ ինքզինքը, եւ որպէս զի անիկա կարենայ ընել կը կառուցանէ ինքզինքը: Եւ որպէս զի անիկա կարենայ գտնել ինքզինքը, անհրաժեշտօրէն, անիկա պարտի ինքզինքը բռնել, իր սեփական կարելիութեան ներկայութեան մէջ: Ու այս կարելիութիւնը՝ այնպէ՛ս ինչպէս որ է, չէ՛ արուած ուրի՛ց ո՛չ

մէկ գիտակցութեան: Հայ ժողովուրդէն զատ, բոլոր միւս ժողովուրդները, զայն կը ճանչնան իբրև ցուցայայտուած ժողովուրդ մը: Եւ սակայն, Հայ ժողովուրդը ի՛րապէս է հոն՝ ուր կայ բոն մը որ կախում ունի իրմէ և միայն իրմէ: Հոն՝ ուր Հայ ժողովուրդը կրնայ նայել ինքզինքին՝ իբրև պատճառք ինքզինքին: Ու այս պատճառը Հայ ժողովուրդին բնութեան զտութիւնն է: Այսինքն՝ Հայ ժողովուրդին բնութեան յատկանիշերուն կառուցած հաւասարակետութիւնն է: Ու Հայ ժողովուրդը կը պատկանի իր սեփական պատճառին:

* * *

Հայ ժողովուրդը, ի՛ր ներկային մէջ, լքուած է միմիայն իր սեփական ուժերուն և այս ուժերը սահմանափակուած են ժամանակով և միջոցով, ժողովուրդներով և կառավարութիւններով: Պէտք է այլևս գիտնալ.— Հայ ժողովուրդը կրնայ տիրել միայն ա՛յն հարստութիւններուն, որոնք անիկա կրնայ տալ ինքզինքին, իր ներկայ իրականութեան մէջ իր սեփական ճակատին քրտինքով: Պէտք է այլևս գիտնալ.— Հայ ժողովուրդը բանտարկուած է ի՛ր ստանձնութեան, այսինքն՝ ի՛ր բնութեան և իր ներկայ իրականութեան անհրաժեշտութիւններուն մէջ ու ասիկա՝ որովհետեւ չկայ ո՛չ մէկ հասարակական չափ ի՛ր և իր շրջանակին միջև: Ու ո՛չ ոք չի կրնար թափանցել սահմաններէն ներս իր մտերմութեան: Ու պէտք է գիտնալ դեռ.— Հայ ժողովուրդին ներկայ իրականութեան մէջ, իւրաքանչիւր հայ անհատի համար, ժամանակը եկած է, հաւաքելու իր բոլոր հոգեկան ուժերը և վերագտնելու իր մէջ, ա՛յն մասնակցութիւնը՝ Հայ ժողովուրդին ամբողջականութեան՝ որ ցոյց կուտայ բոլոր հայ անհատներուն, իրենց ճակատագրին հասարակացութիւնը:

* * *

Հայ ժողովուրդը, իր ամբողջութեան մէջ միայն գոյութիւն ունի ինքնիրմով՝ իբրև Հայ ժողովուրդ: Ըսել՝ թէ հայ անհատ մը գոյութիւն ունի, կը նշանակէ ըսել.— հայ անհատ մը գոյութիւն ունի ա՛յն չափով միայն, որով անիկա մաս կը կազմէ Հայ ժողովուրդին ամբողջականութեան: Աւելին: Ա՛յն չափով՝ որով հայ անհատը գիտակցորէն կը մասնակցի Հայ ժողովուրդին ներկայ իրականութեան:

* * *

Ամէ՛ն որ աւելի յստակօրէն կը զգամ, կը տեսնեմ ու կ'ըմբռնեմ ա՛յն պարտականութիւնները զորս ես անձնապէս ունիմ աշխարհին ու մարդկութեան հանդէպ: Ու ամէ՛ն որ աւելի յըստակօրէն կը զգամ թէ՛ աշխարհին ու մարդկութեան հանդէպ ունեցած պարտականութիւններս ես կրնամ իրենց ամբողջութեան

մէջ միայն իրականացնել, ամէ՛ն որ աւելի՛ ես ինքզինքս ըլլալով: Այսինքն՝ ամէ՛ն որ աւելի՛ իրականացնելով իմ հա՛յ մարդու բնութիւնս իրականութեան այս հաստատումը կը հաստատէ ուրիշ աւելի՛ մեծ իրականութիւն մը.— և որովհետեւ ես մէկ մասնիկն եմ Հա՛յ ժողովուրդին, մասնիկի մը ունեցած պարտականութիւնը անհրաժեշտօրէն ունի՛ ամբողջութիւնը, այսինքն՝ ամբողջ հայ ժողովուրդը: Ու ինչպէս որ ես ինքզինքս ըլլալով է որ կրնամ կատարել իմ պարտականութիւնս, նոյնպէս, Հայ ժողովուրդն ալ, ինքզինքը ըլլալով է որ կրնայ միայն կատարել իր պարտականութիւնը աշխարհին ու մարդկութեան հանդէպ: Այսինքն՝ Հայ ժողովուրդը ամբողջապէս Հայ ժողովուրդ ըլլալով: Ու փրկութիւնը ամէ՛ն տեղ ու ամէ՛ն ժամանակ ինքզինքը ըլլալուն մէջն է և ոչ թէ՛ ուրիշը: Ու մարդը ինքզինքը կրնայ ըլլալ, իր սեփական տեղւոյն ու իր սեփական ժամանակին մէջ միայն ըլլալով: Այսինքն՝ ըլլալով մէջը իր ներկային:

* * *

Հայ մարդ մը ինծի աւելի՛ սուստօրէն, աւելի՛ բնականօրէն ու աւելի՛ արդարօրէն կրնայ օգնել, իմ ինքզինքս ըլլալու իմ ճիգի՛ս մէջ, քան սեւէ ուրիշ մարդ մը: Ու փոխադարձաբար՝ Հայ մարդու մը ինքզինքը ըլլալու իր ճիգին մէջ ես կրնամ աւելի՛ օգտակար ըլլալ քան սեւէ՛ ուրիշ մարդ մը: Ու ինչ որ ճի՛շդ է ինծի համար, ու ինչ որ ճի՛շդ է սեւէ հայ մարդու համար, ճի՛շդ է ամբողջ Հայ ժողովուրդին համար: Ու Հայ ժողովուրդին միա՛կ ճշմարտութիւնը ա՛յն նմանութիւնն է որ բնականօրէն կա՛յ իւրաքանչի՛ւր հայ մարդու մէջ և ամբողջ Հայ ժողովուրդին մէջ և որ Հայ ժողովուրդին բնութեան իսկութիւնն է: Ու այս ճշմարտութիւնը, ինչպէս ամէ՛ն ճշմարտութիւն, կը պարփակէ հայ մարդուն մտքին գործունէութիւնը: Ու այս ճշմարտութեան ճանաչումը կախում ունի հայ մարդերու միջև գոյութիւն ունեցող հասարակացութեան յստակութենէ՛ն, անկեղծութենէն ու գիտակցութենէն: Ու հայ մարդերու միջև հասարակցութիւն մը կարելի՛ է հաստատել միայն ու միայն Հայ ժողովուրդին բնութեան հաղորդութեան մէջ:

* * *

Որպէսզի ես կարենամ ես զի՛ս ըլլալ ամբողջութեամբ, այսինքն՝ ես հայ մարդ մը կարենամ ըլլալ, այսինքն՝ հա՛յ ժողովուրդին բնութիւնը կազմող նկարագիրերը իրականան իմ մէջս, անհրաժեշտ է որ ես ազատ ըլլամ: Ազատ եմ հիմա: Երբ կը նայիմ ես ինծի ե՛ս իմ մէջս, կը զգամ որ ազատ եմ ես: Բայց ա-

ազատութիւնը լրացած իրականութիւն մը չէ։ Ազատութիւնը ազատութիւն է միայն՝ երբ գործունէութեան մէջ է։ Արդ, ամէն գործունէութիւն կ'արտաքնանայ։ Ու ես չունիմ արտաքին ազատութիւն ու ինծի նման ամբողջ Հայ ժողովուրդը չունի արտաքին ազատութիւն։ Ու այն որ կորսնցուցած է իր ազատութիւնը՝ դժբախտ մըն է։ Ես դժբախտ մըն եմ։ Ամբողջ Հայ ժողովուրդը դժբախտ մըն է։ Հայ ժողովուրդը, ուստի՝ ես, կը գտնուինք դժբախտութեան մը մէջ։ Ու դժբախտութեան մէջ մարդը ամբողջ չէ ու չի կրնար ըլլալ ու ամբողջ ըլլալ չի կրնալուն համար է որ մարդը դժբախտ է։ Հայ ժողովուրդը, իր ներկային մէջ, ամբողջապէս ինքզինքը կորենայ ըլլալու համար անհրաժեշտ է որ ունենայ իր ամբողջ ազատութիւնը։ Ու Հայ ժողովուրդը չունի՝ իր ամբողջ ազատութիւնը։ Ու չի կրնար ունենալ։ Ուրեմն։

Ուրեմն, ընդունիլ մեր ներկան ու ես զիս՝ իմ ներկայիս մէջ։ Ընդունիլ Հայ ժողովուրդին ներկան ու Հայ ժողովուրդը՝ իր ներկային մէջ։ Ուրեմն՝ ընդունիլ իմ դժբախտութիւնս, այսինքն՝ դժբախտութիւնը Հայ ժողովուրդին։ Ինչո՞ւ համար։ Պարզապէս կարենալ ճանչնալու համար իմ դժբախտութեանս բնութիւնն ու այս բնութեան սահմանները։ Ու իմ դժբախտութեանս բնութեան ու սահմաններուն մէջ միայն աշխատիլ՝ ես զիս ըլլալու համար։ Հայ ժողովուրդին բնութիւնը իրականացնել։ Իմ կեանքս, քու կեանքդ, Հայ ժողովուրդին կեանքը Հայ ժողովուրդին դժբախտութեան մէջն են միայն։ Ու ամէն կեանք, անհրաժեշտորէն, յոյս մը կը պարփակէ։ Իմ փրկութիւնս մէջն է իմ յոյսիս։ Քու փրկութիւնդ քու յոյսիդ մէջն է։ Հայ ժողովուրդին փրկութիւնը, Հայ ժողովուրդին յոյսին մէջն է միայն։ Ես կը կրկնեմ.— Հայ ժողովուրդին փրկութիւնը մէջն է Հայ ժողովուրդին յոյսին։ Հայ ժողովուրդին յոյսը՝ մէջը Հայ ժողովուրդին կեանքին։ Ու Հայ ժողովուրդին կեանքը՝ մէջը Հայ ժողովուրդին դժբախտութեանս։ Ամէն բան ըլլալէ առաջ հայ ըլլալ։ Ամէն բան գիտնալէ առաջ գիտնալ թէ՛ ես հայ եմ ու դո՛ւն հայ ես։ Ամէն բան ընելէ առաջ, յիշիլ՝ թէ ես հայ եմ, դո՛ւն հայ ես ու Հայ ժողովուրդ մը կայ։ Այսինքն՝ ամէն բանէ առաջ իմ ինքնութեանս և քո՛ւ ինքնութեանդ, այսինքն՝ Հայ ժողովուրդին ինքնութեան գիտակցութիւնը ունենալ։ En droit գոյութիւն ունեցող ինքնութիւնը, en fait ինքնութեան վերածել։ Ու ասիկա՝ որովհետեւ, իմ անգիտակից աշխարհիս մէջ, բնականորէն, անհրաժեշտորէն, ամէն բան ըլլալէ առաջ ես հայ եմ, դո՛ւն հայ

ես, Հայ ժողովուրդը Հայ ժողովուրդն է։ Կարեւորը գիտակցութիւնն է։

Հայ ժողովուրդին ներկայ իրականութեան մէջ, Հայ ժողովուրդին ունեցած գիտակցութիւնը դժբախտ գիտակցութեան հետեւեալն է։ — Հայ ժողովուրդը, իր մտաւորական դասակարգին մէջ մասնաւանդ՝ կը նախընտրէ տեսչալ քան ունեւալ ու իր տեսչանքին մէջ, անիկա կը գտնէ ժամանակն ու միջոցը ողբալու ու ինքզինքը ըլլալու թուականը կը յետաձգէ անսահման ու անորոշ ապագայի մը։ Ու ասիկա՝ որովհետեւ անիկա չընե՛ր արա՛րքը որ անհրաժեշտ է, ի՛ր ներկային մէջ մտնելու և իր ներկային մէջն իսկ ինքզինքը իրականացնելու։ Ու այս յետաձգումին պատճառաւ իսկ, հայ մտաւորականութեան երեւակայութիւնը կը լքէ՛ ինքզինքը ժամանակին հոսանքին մէջ։ Հայ մտաւորականութիւնը կը յետաձգէ՛ իր ապրելու արարքը ու չապրելուն պատճառաւ իսկ, հայ մտաւորականութեան մտածումը կ'որորուի միջևը՝ իր ներկային, որմէ անիկա պարզ հպում մը կը խնդրէ միայն ու ապագայի մը (չեմ ըսեր ի՞նչ ապագային) որ կուտայ երազին ըրո՛ր գորութիւններուն առիթը ամենէն ամուլ թափառումին՝ որ վատնում է միայն։ Տխո՛ւր և անուոր։

Ներկայիս, մեր ներկան կ'իյնայ տեւականօրէն մեր անցեալին մէջ ու ասիկա՝ որովհետեւ ամէն ներկայ կ'իյնայ անցեալին մէջ այն վայրկեանին իսկ՝ երբ մենք կը գաղբինք կենդանի եւ աժմէական շահ մը գտնելէ անոր մէջ։ Այսինքն՝ երբ մենք մեր բնութիւնը չենք յայտնաբերեր մեր ներկային մէջ։ Հայ ժողովուրդը կենդանի և այժմէական շահ չի տեսներ ու չի գտներ իր ներկային մէջ, որովհետեւ հայ մտաւորականութիւնը չի տեսներ զայն։ Ու ի՞նչպէս կարելի է կենդանի և այժմէական շահ գտնել ներկային մէջ, առա՛նց բնութեան յայտնաբերումին։ Լեցնե՛լ Հայ ժողովուրդին գոյութիւնը՝ Հայ ժողովուրդին բնութեամբ։

Այժմէականութեան վերածել մեր տառապանքը, մեր թըշուառութիւնը, մեր յոյսը, մեր իրաւունքները, մեր անցեալի արժէքները, մեր սէրը, մեր հաւատքը, մեր բնութիւնը։ Ու ասիկա՝ նախ քանդելու համար ինչ որ կա՛յ մեր մտքին ու մեր գոյութեան մէջ իբրև պատրանք։ Յետոյ՝ քա՛ղելու համար չփո-

թուփիւնն ու անիշխանակամութիւնը մեր մտքին ու մեր սրտին։
 Ու աւելի յետոյ՝ հասկնալու համար մեր ներկայն ու մեր ներկա-
 յին մէջ՝ զմեզ։ Ու այս բոլորը այժմէականութեան վերածելու
 համար, անհրաժեշտ է, մեր ժողովուրդին, ուստի իւրաքանչիւր
 հայ անձին վրայ կախուած սպառնալիքն ու արգելքը զգալ, բըռ-
 նել ու ճանչնալ, իր անմիջական ու վշտակոծ իրականութեան մէջ։
 Այսինքն՝ գիտակցութեան վերածել մեր ներկայ իրականութիւնը
 ու մեր նրբկայ իրականութեան մէջ, մեր բնութիւնը։

Այժմէականը իմ մտքիս մէջ չունի այն տարողութիւնն ու
 այն իմաստը զորս օրաթերթերը կուտան անոր։ Այժմէականը,
 ինծի համար հետեւեալն է. — մեռնող ժամանակին այն կէտը՝
 ուր, իրողութեան մէջ, մեր ժողովուրդին ողբերգութիւնը կ'ապ-
 րի։ Եւ որ՝ մեր ժողովուրդին ներկայ իրականութեան մէջ, մեր
 ժողովուրդին բնութեան ու գոյութեան իրականութիւնն է։

Հայ անհատը, ուստի Հայ ժողովուրդը կանչել իր սեփական
 ճակատագրին ներկայութեան մէջ ու ցոյց տալ անոր՝ թէ իրեն
 կը պատկանի զայն ստեղծելու գործը։ Յոյց տալ անոր. — 1922էն
 ի վեր, անիկա կը գոյանայ միայն ստանալով իր սեփական ճա-
 կատագիրը, իբրև թէ իր սեփական ճակատագիրը, իրեն համար,
 արտաքին բան մը ըլլար։ Յոյց տալ անոր. — 1922էն ի վեր, ա-
 նիկա կը դիտէ իր սեփական ճակատագիրը տեսարանի մը նման
 ու այս է պատճառը իր յուսահատութեան։ Յոյց տալ անոր. —
 ստեղծագործութեան մէջ միայն կ'արթնան հոգիին բոլոր գո-
 րութիւնները ու հայ անհատին, ուստի Հայ ժողովուրդին փրկու-
 թիւնը, իր հոգիին գործութիւններուն գործունէութեան մէջն է
 միայն։ Յոյց տալ անոր. — իր սեփական ճակատագրին ներկայու-
 թեան մէջ միայն կը ծնի ինքզինքին ու տիեզերքին հանդէպ
 ունեցած պարտականութեան զգացումը ու այս ներկայութեան
 մէջն է միայն որ անիկա կը տանջէ հայ անհատը։ Ու այս ներքին
 տանջանքը՝ տանջանքն է հայ անհատին գիտակցութեան ու գի-
 տակցութեան այս տանջանքովն է որ կրնայ ապրիլ հայ անհատը,
 ուստի՝ Հայ ժողովուրդը՝ Այսինքն՝ գիտակցութեան այս տան-
 ջանքն է որ հայ անհատը կը մղէ գործունէութեան ու իր գոր-
 ծերուն կենդանութիւնը, գեղեցկութիւնն ու արժէքներն են միայն
 որոնք կարող են ձեռքազատելու հայ անհատը, ուստի Հայ ժողո-
 վուրդը, իր գիտակցութեան այս տանջանքէն։ Ու անհրաժեշտ է

այս ձեռքազատումը։ Ու ստիկա՝ որովհետեւ յաղթանակը այս
 ձեռքազատումին մէջն իսկ է ու առանց յաղթանակի (չեմ ըսեր
 առանց պայքարի) կեանք չկայ՝ ու առանց կեանքի՝ տեւողու-
 թիւն։

Անշուշտ, հայ անհատին, ուստի Հայ ժողովուրդին գիտակ-
 ցութիւնը, իր առաջին քայլին իսկ, կը բախի իր սեփական ան-
 կարողութեան և արտաքին արգելքներու և սպառնալիքներու։
 Ու հայ անհատին գիտակցութեան անկարողութեան և արտա-
 քին արգելքներու և սպառնալիքներու իրականութիւններուն
 հաստատումը կ'ընէ, այս երեք իրականութիւնները քանդարե-
 լու այն թռիչքը որ կը գտնուի հայ անհատին, ուստի Հայ
 ժողովուրդին գիտակցութեան մէջն իսկ։ Ու հո՞ս է որ կը սկսի
 հակասութիւնը և այս հակասութիւնն է որ կը ստեղծէ՝ կը հաս-
 տատէ և օրինաւոր կ'ընէ տառապանքը հայ անհատին, ուստի՝
 տառապանքը Հայ ժողովուրդին, զոր ես Հայ ժողովուրդին ներ-
 կայ իրականութեան նախնական իրողութիւնը կոչեցի։ Ու ստի-
 կա՝ որովհետեւ այս տառապանքն է որ հայ անհատին մէջ կու-
 տայ ծնունդ և աճում հայ անհատին ոգիին։ Ու այս ոգին,
 իբրև հայու և իբրև մարդու ոգի, ունի իր սեփական արժէքը
 ու առանց Հայ ժողովուրդին ներկայ իրականութեան, անիկա
 պիտի չկրնար գոյութիւն ունենալ այնպէս ինչպէս որ է ներկա-
 յիս։ Աւելին։ Անիկա կ'աճի՝ իր շուրջի ղժռարութիւններուն
 մէջ։ Ու այս ոգին կը բերէ հարց մը որ տեւականօրէն կը վե-
 ընստեղծուի։ Ու այս հարցը լուծելու անհրաժեշտութիւնը որ
 հայ անհատը կը զգայ՝ իր ամենախոր՝ և ամենաիրական մասին
 մէջ, իսկութիւնն իսկ է հայ անհատին իմացականութիւնն ու
 քին։ Ու երբ հայ անհատը կ'ընդունի իր իմացականութիւնն ու
 կամքը ի գործ դնել, անիկա կ'ընդունի՝ օրէնքը իր Պարտակա-
 նութեան։ Այո՛, գլխադիր պարտականութեան։

Անոնք որոնք հաւատք չունին Հայ ժողովուրդին վրայ, ի-
 բրեցմէ ոչինչ կը սպասեն ու ոչինչ կը պահանջեն։ Ու անոնք ո-
 ռոնք իրենցմէ ոչինչ կը սպասեն ու ոչինչ կը պահանջեն իրենց
 ներկային մէջ, տեւականօրէն կը նային իրենց անցեալին։ Ու կը-
 բաւարական այս կեցողածքը կը տանի զանոնք իրենց մահուան
 ես իմ մարդկային էութիւնս կը սպասեմ ու կը պահանջեմ ինք-
 զինքէս։ Ու իմ մարդկային էութիւնս կրնամ ունենալ, ամենա-

հարազատօրէն, սպասելով ու պահանջելով ինչպէս յաջողութեամբ իմ հայութիւնս: Ու որքան որ ես կարենամ իրականացնել իմ հայութիւնս, այնքան ես կրնամ իրականացնել իմ մարդկութիւնս: Ու որքան որ ես կարենամ իրականացնել իմ մարդկութիւնս՝ ես այնքան կրնամ իրականացնել իմ տիեզերականութիւնս: Ու որքան որ ես կարենամ իրականացնել իմ տիեզերականութիւնս՝ ես այնքան կրնամ իրականացնել զԱստուած:

Ընթերցող, այս էջերուն մէջ ինչպէս յաջորդներուն, կա՛ն անշուշտ ոճի՛, լեզուի և արտայայտութեան թերութիւններ: Դուն առ միտքն էականը՝ որ մտածումն է: Ու թող որ քեզ յիշեցնեմ. — իմ շո՛ւտ և շատ բան ըսելու մոլորութիւնս է պատճառը այս թերութիւններուն: Ու նաև՝ իմ կրկնութիւններս: Բայց ես չե՛մ վախնար իմ կրկնութիւններէս ինչպէս ոեւէ՛ կրկնութենէ: Ու մի՛շտ իմ մէջս կայ երկիւղը հասարակ ըլլալու: Քու օգնութեամբք միայն ես կրնամ յազթել այս երկիւղին: Ու անհրաժեշտ է յազթել այս երկիւղին ալ, ինչպէս ամէ՛ն երկիւղի:

Ընթերցող, կը խնդրեմ քեզմէ որ զիս չդատես անմիջապէս: Դատէ՛ զիս իմ գործիս մէջ: Ու այս գործը անսահման է, որովհետև անսահման են հայն ու մարդը: Կը խնդրեմ քեզմէ՛ որ իմ բոլոր ըսածներուս մօտենաս սիրով, ինչպէս ես մօտեցած եմ անոնց, ինչպէս ես նետուած եմ անոնց մէջ: Բայց կասկածդ թող ըլլա՛յ կենդանի և առոյգ, երբ կը սկսիս դատել զանոնք, զի՛ս ու քեզ: Աւելի՛նս նախ կասկածէ՛ քու դատողութեանդ, քու մըտայնութեանդ, քու մտքի՛դ վրայ:

Ու կը խնդրեմ քեզմէ, ընթերցող, որ անմիջապէս համամիտ չըլլաս ինծի հետ: Ես կը ստրտափի՛մ անմիջական հաւանութիւններէ, ինչպէս անմիջական մերժումներէ և ժխտումներէ: Ու վըստա՛հ եղիր. — քու համամտութենէդ աւելի, քու մտքիդ ընդդիմութեան է որ կը սպասեմ ես: Ու քու մտքիդ ընդդիմութեանը մէջ՝ քու պարկեշտութեանդ, քու մտաւորական ուղղամտութեանդ և քու ներքին ու բնական լոյսիդ: Ու մի՛ տարուիր այս առաջին հատորէն: Անիկա գործի մը սկզբնաւորութիւնն է ու ամէ՛ն սկզբնաւորութիւն մարդուն մէջ, բնութեան մէջ ու մանաւանդ՝ մեր ժողովուրդին մէջ, գեղեցիկ է: Իմ պարտականութիւնս է յիշեցնել ասիկա քեզի: Ու յիշեցնել նաև. — հասկցի՛ր զիս իմ ըսածներուս մէջ նախ և ո՛չ թէ՛ իմ ըսածներուս քու մէջդ արթնցուցած խլրտումին մէջ: Բայց յետոյ՝ մտոցի՛ր զիս: Մտոցի՛ր զիս բայց ո՛չ դո՛ւն գրեզ: Ես ճամբայ մըն եմ միայն: Ու

յիշեցնել նաև. — առանց քեզի, ընթերցող, ինչպէս առանց Հայաստանին, այս գործին այս սկզբնաւորութիւնն իսկ գոյութիւն պիտի չունենար: Չէ՛ր կրնար ունենալ: Հաւատա՛ անկեղծութեանս:

Մնաս բարո՛վ, ընթերցող: Թող Աստուծոյ քաղցր գթութիւնը, թող Աստուծոյ քաղցր խոնարհութիւնը, թող Աստուծոյ անհուն սէրն ու անհուն ազատութիւնը քու վրա՛դ ըլլան, քու շո՛ւրջըդ ըլլան, քու մէ՛ջդ ըլլան:



|||

ԻՄ ՄԱՐՄԻՆԻՍ ՄԷՋ...

Ի՛մ մարմինիս մէջ ինչպէ՛ս մէջն իմ մըտքիս ու հոգւոյս,
Կան դեռ կեանքի գանձով լի՛ քարանձաւներ մըթասոյգ,
Որոնց խորքէ՛ն, մերթ կանչեր՝ զերդ հըրթիւններ կուտան խոյս...

Օ՛հ այս ձայներն ինձմէ՛ զատ չեն կանչեր ո՛չ մէկ էակ,
Օ՛հ այս ձայներն ո՛չ ոքի չեն լսելի՛, արեգա՛կ,
Ու ոչ մէկ ձայն չկրնար տալ պատասխան մը յստակ...

Ե՛ս եմ ազատ մէջն անձի՛ս ու աշխարհի՛ն ու մարդո՛ց,
Այս կարելի զօրութեանց գաղտնիքներով լուսաբոց,
Որոնք զիս մի՛շտ անձանօթ ըրին ինձի՛ եւ այլոց...

Այն որ կրնար ինձ օգնել իմ ճիգիս մէջ գերագոյն,
Ինկած է մէջն ի՛ր քունին հեղեղներո՛ւն մահագոյն,
Արմատախի՛լ ու ծաղկած ծառի մարմնոյ մը հանգոյն...

Պիտի մեկնի՛մ, Աստուած իմ, հանգըրւանէն բնութեան,
Առանց երբե՛ք ըլլալու ճշմարտութեանս ովսաննան,
Ու իմ ներքին ուսերուս բարձած ցաւին այս շղթան...

Ա՛հ, ես անո՛վ եմ միայն ապագայիս մէջ ամբո՛ղջ...:

1937

ՈՂՁ ԵՄ ՄԷՋՆ ԵՍ...

Ո՛ղջ եմ մէջն ես զիշերի՛դ խաւարներուն ու մահւան,
Ո՛վ ժողովուրդ՝ որ ես դեռ, կուշտին վըրայ մարդկութեան,
Նիզակներով թունաւոր՝ բացւած վէրքի մը նըման...

Ի լուր ո՛ր մեծ հըրեշին կանչին՝ ծուէն առ ծուէն,
Կը փախչիս մի՛շտ, իմ ներքի՛ն կարկառումիս առջեւէն,
Թըռիչքն որուն դո՛ւն ես լոկ դըրած յիս իբր ապաւէն...

Մինչ առանձի՛ն, մինչ խըռո՛վ ու մինչ քեզմով անձկագին,
Ես կը քալեմ լռութեան մէջէն ճամբուն ահագին,
Քու արիւնովդ ոռոգւած քու փրկութեան տեսիլքին,

Հեռուներէ՛ն, մօտերէ՛ն նըման ծագող աստղերու,
Նո՛յն չափին մէջ տըրոփին եւ նո՛յն չափին սէրերու,
Կը զգամ քայլերն ես ուրի՛շ եղբայրակից սըրտերու...

Ու կը յորդի՛, կը յորդի՛ ինքն իր մէջ սի՛րտն իմ ամբո՛ղջ...:

1938

Վ Ե Ր Ա Դ Ա Ր Ձ Մ Ը (1)

Մասյլ ու կարծր ոյժ մը, յանկա՛րժ, կը բանայ իմ կոպերս, անգութօրէն բռնելով զանոնք իր մատներուն մէջ, անգութօրէ՛ն, թուզերու նման ձեղքելով զանոնք ու անգութօրէն կը պահէ զանոնք բա՛ց ու պրկուած: Իմ էութեանս խորութեան անտեսանելի ու անծանօթ մեկ հիւլէէն ցնցում մը կը ժայթքի, կը թափի ինքն իր վրայ ու կը տարածուի՛, ալի՛ք առ ալի՛ք, իմ ամբողջ էութեանս մէջ: Թրթռո՛ւնս թեթե՛ւս Ու պայծա՛ռս Նման այն թըրթըռուն ցնցումին զոր ջութակի լա թելը կ'ոճնենայ, երբ բըթամատի ուժգին ու միա՛կ հարուած մը կ'ընդունի իր վրայ, իր առանձնութեանն ու իր ոչնչութեանը մէջ: Ու այս հարուածով ան իր առանձնութեանն ու իր ոչնչութեանը մէջ կ'ըլլայ ինքզինքը, ըլլալէ յետոյ նախ ինքզինքը՝ ինքն իր մէջ: Հսկազդեցութիւնները կը նետեն իրականութիւնները իրենց սեփական տեղւոյն վրայ: Ու ամէ՛ն իրականութիւն, իր տեղւոյն վրայ միայն իրականութիւն մըն է, այսինքն՝ ինքզինքն է: Չեմ գիտեր ուրկէ՛ ու չեմ գիտեր ինչպէ՛ս է՝ եկած իմ ներքին մշուշնե-

(1) Այս պատմուածքը գրուած է 1933ին սկիզբը: Հոս հրատարակուածը, որ սկիզբն է պատմուածքին, լոյս տեսած է, 1934ի ցի՛ղզ վերջաւորութեան, Բարիզ հրատարակող «Ապագայ» թերթին մէջ, «Հատուած» վերնագրին ներքեւ: Առանց փոփոխութեան է որ անիկա պիտի երևայ այս էջերուն վրայ, հակառակ իմ բարեկամներու անոր ոճին մասին ջրած դիտողութիւններուն: Ու ասիկա՛ որովհետեւ պատմուածքին ոճին մէջն իսկ փորձած եմ զնել հոգեկան վիճակը այն հայ երիտասարդին, որ կը ներկայանայ հոս: Ո՞րքան յաջողած եմ մտադրութեանս մէջ: Չայն դատելը իմ պաշտօնս չէ: Ու ամբողջ պատմուածքը, իր մե՛ծ մասով, ներքին մենախօսութիւն մըն է ու այս ներքին մենախօսութիւնը, այս հայ երիտասարդին պարտադրող անհրաժեշտութիւնը, Հայ ժողովուրդին ներկայ մտաւորական իրականութիւն իսկ է, ըստ իս:

րուս մէջ մորթուած գլուխ մը, որ կը դողդղայ, որ իր վրայ անհուն բռն մը ունի և որ, կարծե՛ս, յատկապէս ինձի կը բերէ զայն: Որ դանդաղօրէն կը մօտենայ իմ աջ ականջիս, և մեղմութեամբ, և գուրգուրանքով կը փսփսայ ինձի.— Ըլլա՛լ: Ըլլա՛լ ինքզինքը՝ ինքզինքին մէջ: Լեցնել իր օրջանակը՝ ինքզինքով: Ու վերջին բառին հետ, գլուխը կը քակուի ինքն իր մէջ ու կը կորսուի իմ մէջս, ինչպէս սիկարէթի ծուխը՝ օդին մէջ: Ե՛ս, այլ լայլած ու վախցած, ե՛ս, անհամբեր ու շնչառութիւնս բռնած, կը հսկեմ այս մորթուած գլխուն իւրաքանչիւր բառը: Ու նոյնպէ՛ս, ու նոյն ատեն, այլայլած ու վախցած, անհամբեր ու շնչառութիւնս բռնած, ես կը հսկեմ անոր իւրաքանչիւր շարժումին վրայ... Հիմա՛, ես կը հսկեմ ես զիս, քաշուած ես իմ մէջս մութ անկիւն մը: Ինձմէ ներս՝ լուռութիւն և ամայութիւն: Ու մէկէ՛ն կը պոռամ ես ինձի, ես իմ մէջս ու առանց ձայնի, ինչպէս մաքդ կը պոռայ կանչելու համար մէկը՝ որ հեռո՛ւն է.— Հսկե՛լ, հսկե՛լ: Կոռայ կանչելու համար մէկը՝ որ հեռո՛ւն է.— Հսկե՛լ իր իւրաքանչիւր բառը: Հսկե՛լ իր իւրաքանչիւր շարժումը: Հսկե՛լ իր մէջէն անցնող իւրաքանչիւր շուքին վրայ, իւրաքանչիւր լոյսին վրայ, իւրաքանչիւր երգին վրայ, իւրաքանչիւր աղմուկին վրայ, իւրաքանչիւր լուռութեան վրայ: Հսկե՛լ իր շուքէն ու իր մէջէն ստնող իւրաքանչիւր ձեռքին ու բռնին վրայ, իւրաքանչիւր աչքին ու կուրծքին վրայ, իւրաքանչիւր կենդանի էակին ու մեռելին վրայ: Հսկե՛լ իր մէջէն թըռչող իւրաքանչիւր զգացումին, իւրաքանչիւր զգայնութեան, իւրաքանչիւր մտածումին վրայ: Իմ ամբողջ անձս հսկումի գիշեր մըն է կարծես: Դարերէ ի վերս: Ու ո՛չ ոք, թերեւս ո՛չ ոք հըսուածի գիշերուան խորհուրդին մէջ չէ իջած այնքան խորերը, որքան ե՛ս: Ե՛ս: Իրողութիւն մը, սխալ մը, ճշմարտութիւն մը հասկնալու համար, նախ պէտք է այդ ճշմարտութիւնը, այդ իրողութիւնը, այդ սխալը ըլլա՛լ ինքզինքին մէջ: Ու կարենալ ըլլալու համար զայն, նախ պէտք է ըլլալ ոչնչութիւն մը անոր առջեւ ու անոր մէջը: Ըլլա՛լ: Այո՛, ճշմարիտ էր այս մորթուած գլխուն ինձի ըսածը: Բայց ո՞վ էր այս գլուխը: Իմ ներքին ու մեռած անձերէս մէ՞կը... բարեկամ մը... հրեշտ... Ա՛հ, ո՛չ, ո՛չ ոչ... Թերեւս այն բազմաթիւ կարելի անձերէն մէկը որ ես կըրնամ ըլլալ տակաւին: Տակալի՛ն... Կարելիութիւններ, կարելիութիւններ... Երիտասարդը ամբողջ անտառ մըն է կարելիութիւններու... Մանուկն ալ: Բնութիւնն ալ: Իմացականութիւնն ալ: Ժողովուրդներն ալ: Ու մանաւանդ՝ մեր ժողովուրդը: Մե՛ր ժողովուրդը... Որովհետեւ... Մեր ժողովուրդը մանուկ մըն է գեւա: Մեր ժողովուրդը բնութիւն է գեւա: Մեր ժողովուրդը, երի-

մատներու մէջ : Ան կը լեցուի շուքերով : Ան կը լեցուի լոյսե-
րով : Ան կը լեցուի դէմքերով : Ես կը տեսնեմ յանկարծ ժամա-
նակը այս տարածութեան վրայ : «Ժամանակին մէջ միջոցը և մի-
ջոցին մէջ՝ ժամանակը» կ'ըսեմ ես ինծի : Ու այս բառերուն ի-
մաստը՝ որ կը կարծէի բռնել այս բառերուն մէջ ու այս բառե-
րը՝ իմ մէջս, կը սահի, կը թափի ու կը կորսուի, ինչպէս դժուր՝
որ կը սահի ձեռքերէդ, որ կը շրջի և որուն ջուրը կը թափի ու
կը կորսուի մութ ու խորունկ հորին մէջ :

Հիմա բառեր միայն կան իմ մէջս, պարտապ ու անիմաստ,
ինչպէս դժուր՝ ձեռքերուդ մէջ : «Ինձմէ նե՞րս թէ՛ ինձմէ դուրս»
կ'ըսեմ ես ինծի ու կը նայիմ ես իմ մէջս և նոյն ատեն՝ ես կը
նայիմ ինձմէ դուրս : Ի՞նչ կը փնտռեմ : Լուսթի՛ւն : Եռքեր իմ
մէջս : Իրենց շարժումը : Իրենց յառաջխաղացումը : Իրենց նա-
հանջը :

Շրթներս կը փսփոսն կարծես իրենք իրենց համար, և շարժում-
ներով և ձայնով մը որ մէջն է անոնց միսերուն : — «Իմ զգա-
ցուններս, իմ մտածումներս, իմ զգայութիւններս կը կորսուին
ինձմէ դուրս թէ՛ ինձմէ ներս : Ես կը կորսուեմ ես իմ մէջս : Ես
կը կորսուեմ մէջը այն իրողութիւններուն որոնք կը գտնուին
ինձմէ դուրս : Նե՞րսը թէ՛ դուրսը : Ե՞ս եմ որ կը կորսուիմ դուր-
սին մէջ՝ թէ՛ դուրսը՝ իմ մէջս : Քիչ առաջ վախցայ : Անոր հա-
մար որ ես ամբողջութեամբ ես իմ մէջս էի : Մարդը կը վախնայ
ինքզինքէն : Ա՛հ... Ես մի՛տս վախցայ ես ինձմէն : Կը տեսնեմ : Կը
հասկնամ հիմա : Ես դեռ կը վախնամ ես ինձմէ... Պէ՛տք է վախ-
նալ բնութենէն : Բնութիւնը նշան մըն է ու նշանները, քանդելով
անվտանգութիւնը մարդուն մէջ, կը քանդեն վախը : Նշան մը
պատկեր մըն է : Ինձմէ դուրս եղող բոլոր իրողութիւնները նը-
շանները են : Ինչ որ դուրս կ'ելլէ ինձմէ, կ'ըլլայ նշան : Ինչ որ
ինձմէ դուրս կ'ելլէ, նիւթ կ'ըլլայ : Նշանները իմ ներսս կը կա-
պեն դուրսին, կամուրջ առ կամուրջ : Քիչ առաջ ընկղմող շոգե-
նակին պատկերը... Ո՛չ : Անիմաստ է դուրսը ժխտել : Խենդերը
միայն կը ժխտեն դուրսը : Խենդը ամբողջութեամբ Եսն է : Միայն
Ի՛նչ որ կայ իմ մէջս իբրեւ ներքին, իմ սեփական խենդու-
թիւնն է : Ամէն մարդ ունի իր սեփական խենդութիւնը : Բնու-
թիւնը խենդութիւն չունի : Բնութիւնը զիս բերու այս աշխար-
հին վրայ : Թող բնութիւնը տանի զիս այս աշխարհէն...»

(Կը շարունակուի)

Ն Ա Մ Ա Կ Ն Ե Ր

Նամակներու այս շարքը ճիգ մըն է, հայ քահանային, հայ
Երիտասարդին, հայ գրագէտին, հայ ուսուցիչին և հայ կուսակ-
ցականին անձին խղճմասնքն ու գիտակցութիւնը արթնցնելու,
զանոնք լուսաւորելու և բեղմնաւորելու և հայ քահանան, հայ ե-
րիտասարդը, հայ կուսակցականը, հայ գրագէտն ու հայ ուսու-
ցիչը հրաւիրելու իրենց խղճմասնքին ու գիտակցութեան առջեւ
ու մէջը ու առջեւն ու մէջը Հայ ժողովուրդին ներկայ իրակա-
նութեան և Հայ ժողովուրդին բնութեան : Ու մասնաւոր ընելու
բոլոր այն յարաբերութիւնները որոնք գոյութիւն ունին այս
խղճմասնքներուն և գիտակցութիւններուն, Հայ ժողովուրդին
բնութեան և Հայ ժողովուրդին ներկայ իրականութեան միջեւ և
հաստատելու այն նմանութիւնը, աւելի՛ն, ինքնուրիշեր այն Եր-
մանուրեան որ կա՛յ այս բոլորին մէջ : Ու յետոյ այս ինքնութեան
մէջ զանոնք կանչելու մասնակցութեան, գիտակցութեան, ներ-
կայութեան, մտածումի և գործի :

Պատրանքներ են այս բոլորը և այս պատրանքներն են որ
կը սնուցանեն զիս ու կը սնուցանեմ ես զանոնք : Ո՛չ անշուշտ : Ու
ասիկա՝ որովհետեւ ես գիտեմ՝ թէ ժամանակ ըստած բան մը
կայ ու ի՛նչ է այդ բանը : Ու ժամանակին պատճառովս իսկ, ան-
կարելի է այս բոլորը իրականացնել անմիջապէս : Որովհետեւ ես
գիտեմ՝ թէ ճիգ մը ինքն իր մէջ չունի տեւէ արժէք ու ճիգին արժէքը
ճիգին կրկնութեան մէջն է միայն ու ես պիտի չզաղարիմ իմ ճիգս
կրկնելէ : Որովհետեւ ես գիտեմ՝ թէ իմ յոյսս ես դրած եմ հայուն և
մարդուն վրայ ու ես կը հաւատամ հայո՛ւն և մարդուն : Որովհե-
տեւ ես գիտեմ՝ թէ իմ հաստատումներս չեն անցնիր սահմաննե-
րը իմ մտածումիս ու իմ մտածումս չանցնիր սահմանը ա՛յն ան-
ձին որ ես եմ ես իմ մէջս, Հայ ժողովուրդին ներկայ իրակա-
նութեան մէջ և մէջը՝ մարդկութեան : Ու վերջապէս, որովհետեւ,
ինչ որ ես կը սպասեմ ուրիշներէ, նախ ինքզինքէս կը պահանջե-
մ զայն : Ու մարդկային էակը որ ինքզինքէն կը պահանջէ տե-

Լականօրէն ինքզինքը, մարդ մըն է՝ որ գիտէ թէ՛ իր փրկութիւնը իր կամքին ու իր յոյսին մէջն է: Այսինքն՝ մարդ մըն է, որուն համար ամէն բանէ առաջ ու ամէն բանէ վեր, իրական է արարքը իր մտածումին: Մեր ժողովուրդին փրկութիւնը մեր ժողովուրդին մտածումին արարքին արարք պատրանք է միայն ու մտածման իւրաքանչիւր արարքը, կամքին իրականացումն է ու նոր յոյսի մը մարդեղացումը: Իմ մտածումիս արարքէն զատ ո՛չ մէկ խոստումի չեմ հաւատար: Ու ո՛չ ոքի, իմ մտածումիս արարքէն զատ ուրիշ ո՛չ մէկ խոստում չեմ տար:

ՆԱՄԱԿ ՀԱՅ ՔԱՀԱՆԱՅԻՆ

Երբ կը մտածեմ ձեր մասին, Տէր Հայր, երբ կը մտածեմ մեր ժողովուրդին պատմութեան մասին, մեր պատմութեան մէջ մեր եկեղեցիին կատարած գործին մասին, մեր ժողովուրդին ներկայ իրականութեան մասին ու այս իրականութեան մէջ, մեր եկեղեցիին ընկելիք գործին մասին, (որ իր պարտականութիւնն է) կը տեսնեմ, կը մտածեմ ու կը հաւատամ որ՝ հայ կուսակցականէն աւելի, հայ գրագէտէն աւելի ու աւելի՛ նոյն իսկ հայ ուսուցիչէն, հայ քահանայն է որ, իր պաշտօնին մէջ, ունի՛ նուիրական պարտականութիւն մը Հայ ժողովուրդին հանդէպ: Ու այս հաստատումը ինծի կուտայ գիտակցութիւնը ձեր պաշտօնին ու կը փափաքէի որ, սնիկա տո՛ր նաև նոյն գիտակցութիւնը ձեզի: Ու ձեր պաշտօնը, Տէր Հայր, կոչումով և հաւատով, այսինքն՝ ազատօրէն և բնականօրէն ընտրուած պաշտօն մըն է: Ու այս պատճառներով իսկ, սնիկա պաշտօն մը ըլլալէ աւելի բան մըն է:

Մեր ժողովուրդը, բոլոր ժողովուրդներուն նման, իր եկեղեցիին ձեւակերպած է իր բնութեան սեփական կարելիութիւններուն և անհրաժեշտութիւններուն մէջը: Ու մեր եկեղեցիին մէջ միայն, սնիկա կրցած է ինքզինքը ըլլալ, այսինքն՝ տեղ մը գրաւել միջոցին ու ժամանակին մէջ: Ու մեր եկեղեցին, մեր ժողովուրդին նման, յատկանշանականօրէն ինքնուրոյն է: Ու անհրաժեշտօրէն, մեր եկեղեցիին պաշտօնները ինքնուրոյն են:

Ու դարձեալ անհրաժեշտօրէն, բոլոր սնունք որոնք կանչուած են այս ինքնուրոյն պաշտօններուն, ինքնուրոյն պաշտօնեաներ են: Պէ՛տք է որ ըլլան: Ու կարելի է ըլլալ սնիկա, պատճենայ մը ըլլալէն աւելի բան մը ըլլալով միայն: Այսինքն՝ մեր եկեղեցիին բնութիւնը, իր ամբողջութեանը մէջ իրականացնելով միայն: Այսինքն՝ հաւատարիմ մնալով այն երդումին՝ որ իւրաքանչիւր հայ քահանայ կնքած է, իր օծումի պահուն, ընդունելով հայ եկեղեցին իր ամբողջութեանը մէջ: Ու իւրաքանչիւր հայ քահանայի վտխճանը, ինչպէս սկիզբը, յաւիտենականօրէն, իր երդումին մէջն է:

Տէր Հայր, ներող եղէք որ այս բոլորը կը յիշեցնեմ ձեզի: Ու կը յիշեցնեմ մանուանդ. — մեր եկեղեցին սահմանադրական եկեղեցի մըն է: Ձեր օծման պահուն, հայ եկեղեցիին մէջ, եթէ մեկ հասիկ հայ մը մերժեր, զձեզ, գիտէք թէ, հայ եկեղեցին ալ ձեզ կը մերժէր: Ուրեմն, Հայ ժողովուրդը, ձեզ արժանի համարած է Հայ եկեղեցիին, ուստի՛ և իրեն: Տէր Հայր, մեր ժողովուրդին նման, դուք ալ, ձեր խղճատանքին մէջ, Հայ եկեղեցիին ու Աստուծոյ առջեւ, դուք ձեզ արժանի կը գտնէ՞ք Աստուծոյ, Հայ ժողովուրդին և Հայ եկեղեցիին: Ձեր բերնին տուած պատասխանը երբեք չկրնար ըլլալ պատասխանը այս հարցումին: Այս հարցումին պատասխանը, Տէր Հայր, ձեր վարքին մէջն է:

ՆԱՄԱԿ ՀԱՅ ԵՐԻՏԱՍԱՐԴԻՆ

Կը կարգատ այս էջերը ու ես կը տեսնեմ այն քմծիծաղը՝ որ կը ծագի դառնայորդ շրթներուդ մէջ ու կը տարածուի դէմքիդ վերայ, պղտոր ու իր պղտորութեամբն իսկ ծանր լոյսի մը նման: Ու կը բռնե՛մ զքեզ, ամբողջովին ո՛ղջ ու վայրի թռչունի մը պէս, քու քմծիծաղիդ մէջ: Անմիջապէս ըսեմ քեզի. — Ես այս քմծիծաղը չե՛մ տեսած ո՛չ մէկ ուրիշ դէմքի վրայ ու սնոր բընութիւնն ու ներկայութիւնը քու դէմքիդ վրան, զիս կը վաւատանեցնեն որ դուն հայ ես ինծի նման ու նման ուրիշ բազմութիւ հայ երիտասարդներու: Ու քու հայ ըլլալդ բաւական է ինծի ու կը փափաքեմ որ սնիկա բաւական ըլլայ նաև քեզի համար: Մեր ամբողջ տարբերութիւնը հոս է. — Քու հայութիւնդ ու ես հայ ըլլալդ երբե՛ք բաւական չեն քեզի համար: Եւ որով-

հետեւ անոնք անբուսական են, կը մերժեն ու կը ժխտեն զանոնք դուն քու մէջդ ու քեզի՛ համար, առանց կարենալ զանոնք մերժելու և ժխտելու օտարներուն ալ առջեւ, ինչ որ երբեմն կը տենչա՛ս ջերմապէս: Ու քու այս տենչանքէդ դուն կ'ամբշնաս, կը վախնաս ու կը տառապիս: Իմ ամբողջ յոյսս քու զգացած ամօթի՛դ, վախի՛դ ու տառապանքիդ մէջն է: Ու ասիկա՝ որովհետեւ քու այս զգացումներդ աւելի՛ իրական են քան քու տենչանքդ ու առանց քու տենչանքիդ անոնք քու մէջդ պիտի չի յայտնաբերուին: Քու տենչանքդ կը հաստատէ անանց գոյութիւնը քու մէջդ ու կուտայ՝ անոնց կենդանութիւն, իրականութիւն և արժէք: Ու այս արժէքը, սեփական արժէքն է քու անձիդ:

Մի՛ կարծեր որ՝ հոն ուր հասած եմ ես ներկայիս, հասած եմ առանց որոնումներու, առանց խղճմտանքի խորո՛ւնկ ըզկտումներու ու առանց բնագոյնական տաղանայնորու: Մի՛ կարծեր նաև՝ թէ իմ տեղս հանգստաւէտ տեղ մըն է ու դուն կ'ատեն հանգիստը, որովհետեւ ամէ՛ն ներքին հանգստութիւն մահուան տանող ճամբայ մը կը նկատես: Հանգստութեան որոնումը փախուստին մէջն իսկ է ու ամէ՛ն մերժում, փախուստ մըն է: Ճշմարտութեան սկիզբը աշխարհն ու ինքզինքը ընդունելն է նախ: Ու ասիկա՝ որովհետեւ իրապաշտութիւնը աշխարհին ու մարդկային էակին մէջն է ու առանց իրապաշտութեան, ճշմարտութիւն գոյութիւն չունի:

Դո՛ւն կը չորնաս դուն քու մէջդ, որովհետեւ դուն կարօտը կը քաշես ա՛յն բանին որ չունիս ու այս պատճառով իսկ, կ'անտեսես այն բանը որ ունիս: Ու դուն չես գտներ ու կարօտը կը քաշես ա՛յն բանին որ կ'ուզես ունենալ, որովհետեւ դուն չես գիտեր թէ՛ քու փնտաւածդ, քու չունեցածդ, քո՛ւ անտեսածիդ մէջն է: Այսինքն՝ քու ունեցածիդ մէջն է: Այսինքն՝ քու մէջդ է: Սիրէ՛ դուն զքեզ ու հաւատարիմ եղիր քու սիրոյդ մէջ: Առանց հաւատարմութեան սէր չկայ ու առանց սիրոյ՝ ոչի՛նչ չկայ: Ու ասիկա՝ որովհետեւ առանց սիրոյ Աստուած չկայ:

ՆԱՄԱԿ ՀԱՅ ԿՈՒՍԱԿՑԱԿԱՆԻՆ

Ամէ՛ն բանէ առաջ, հայրենակի՛ց, կ'ուզեմ որ գիտնաս.— Ես երբե՛ք չեմ պատկանած ունէ կուսակցութեան ու ներկայիս ալ, կուսակցական չեմ: Հակառակ որ բազմաթիւ անգամներ ունեցած եմ փափաքը կուսակցութեան մը մէջ մտնելու, բայց ես մի՛շտ վախցած եմ պատասխանատուութիւն մը ստանձնելով, ինքզինքիս դաւաճանելու կրնաս հարցնել.— ո՞ր կուսակցութեան մէջ մտնելու փափաքը ունեցած ես կը տեսնեմ քու հարցումիդ դրդապատճառը ու քեզ՝ քու հարցումիդ մէջ: Ու առանց ամօթի ու առանց երկիւղի ես կը պատասխանեմ.— Ոեւէ մեկ կուսակցութեան մէջ: Ու ասիկա՝ որովհետեւ... բայց ներէ՛ որ իմ այս առաջին նամակիս մէջ չըսեմ քեզի շարունակութիւնը իմ նախադասութեանս: Ուրի՛շ անգամ: Այսօր տարբեր ըսելիքներ ունիմ քեզի:

Ու կ'ուզեմ որ գիտնաս նաև.— Քու կուսակցական մը ըլլալդ, իմ մտքիս ու սրտիս մէջ, ունէ չափով և ունէ՛ կերպով զքեզ շինուստացներ ու քեզ չի պակսեցներ քեզմէ: Ընդհակառակը՝ Ես մի՛շտ հիացումով նայած եմ քեզի ու խոստովանի՛մ, մի՛շտ ազնիւ նախանձ մը ունեցած եմ, ի տես այն ներքի՛ն խոյանքին որ քեզ տարած ու նետած է կուսակցութեան մը գիրկը: Ու ի տես քեզի, ես խո՛րապէս զգացած եմ իմ տկարութիւնս ու տկարութեան այս զգացումը, ինձի ցոյց տուած է իմ կոչումս: Ու կը հաւատամ՝ որ մեր կոչումները նոյնը չեն: Բայց կը հաւատամ՝ նաև.— մեր կոչումներուն այս տարբերութիւնը մեզ չի քանդէր իրարու մեջ և իրարու համար: Անիկա կը լրացնէ՛ մեզ իրարու մէջ և իրարմով: Ու ասիկա՝ որովհետեւ դուն ալ ինձի նման հայ ես ու ես ալ հայ եմ քեզի նման: Ու նաև՝ մարդկային էակներ ենք մենք: Մարդ մը մարդ ըլլալէ աւելի ի՛նչ կրնայ ըլլալ:

Բոլո՛ր կուսակցականներուն մէջ, անխափ՛ր կերպով, ես գըտած եմ հետեւեալ իրականութիւնը որ ինձի տուած է մի՛շտ խոսեմուցիութիւն և մի՛շտ անձկութիւն: Կուսակցականներուն համար, իրենց կուսակցութիւնն ու իրենց կուսակցական ըլլալը, վախճաններ են միշտ: Այսինքն՝ այն հայը որ կուսակցական եղած է անգամ մը, այլևս յաւիտեանս յաւիտեանից փրկուած կը նկատէ ինքզինքը: Աւելի՛ն: Իր կարծեցեալ փրկութեան մէջ, իրեն հետ անիկա փրկուած կը նկատէ ամբողջ Հայ ժողովուրդը: Ու իր

կուսակցութիւնը, իրեն համար, ամբողջ Հայ ժողովուրդն է։ Ուստի Հայ ժողովուրդին փրկութիւնը միայն իր կուսակցութեան մէջն է։ Ըստ իս, այս մտայնութիւնը կը սպաննէ կուսակցութիւնն իսկ ու եթէ կա՛ն կուսակցութիւններ մեր մէջ, որոնք ունին այս մտայնութիւնը, պէտք է անվարանօրէն ըսել. — անոնք մեռած կուսակցութիւններ են։ Մտածած ես, հայրենակի՛ց, որ կուսակցութիւնը (ոեւէ կուսակցութիւն մը) պարզապէս միջոց մըն է փրկութեան համար, այսինքն՝ ինքզինքը իրականացնելու համար և ո՛չ թէ՛ վերջ մը։ Ու ասիկա՛ որովհետեւ պէտք է ամէն վայրկեան ու ամէն անգ փրկել ինքզինքը։ Եթէ չես մտածած մինչեւ հիմա, կը խնդրե՛մ, հայրենակի՛ց, մտածէ ու գրէ ինձի այս մասին։ Այսինքն՝ քո՛ւ մասիդ։ Ինձի համար կարեւորը դո՛ւն ես ու դո՛ւն միայն։

ՆԱՄԱԿ ՀԱՅ ՈՒՍՈՒՑԻՉԻՆ

Մեր ժողովուրդին պատմութեան վերջին շրջանին մէջ, հայ ուսուցչութիւնը ու իր կատարած դործը, համբուրելի արժէքներ են։ Մինչեւ 1915, հայ ուսուցչութիւնը, Հայաստանի բոլոր գաւառներուն մէջ, կեդրոնն էր զօրութեան մը ու այս մտաւորակա՛ն, բարոյակա՛ն ու ոգեկան զօրութիւնը, մեր ժողովուրդին մէջ գործունէութեան զնաղը, անոր նշանակութիւն և ասորդութիւնն ասուողն էր անիկա։ Ու այս պատճառաւ իսկ, Հայ ժողովուրդին մէջ, հայ ուսուցչութիւնը կենդանի՛ իրականութիւն մըն էր և այս կենդանի՛ իրականութիւնը, կը կրէ՛ր ի՛ր մէջ կոչում մը, ուստի՛, նպատակ մը կը հետապնդէր։ Ու այս նպատակը, աւելի՛ն, հայ ուսուցչութեան այս կոչումը, հայ ուսուցիչներու մէջ Հայ ժողովուրդին անհրաժեշտութիւնն իսկ ստեղծած էր։ Ու ասիկա՛ որովհետեւ հայ ուսուցիչը Հայ ժողովուրդէն չէ՛ր բաժնուած, ինչպէս է՛ ներկայիս ու չէ՛ր ուրացած Հայ ժողովուրդը։

Ներկայի՛ս, Հայ ժողովուրդ մը կայ, ինչպէս հայ ժողովուրդ մը կար անցեալին մէջ։ Ու Հայ ժողովուրդը գործունէութեան մղող գաղափարները, իրենց խորքին մէջ մի՛շտ նոյնն են։ Ուրեմն՝ Հայ ժողովուրդը նոյն ժողովուրդն է։ Ու անշո՛ւշտ՝ Հայ ժողովուրդը նոյնն ըլլալով հանդերձ, անիկա ներկայիս կը գտնուի տարբեր իրականութեան մը մէջ ու այս իրականութիւնը ունի՛ իր սեփական անհրաժեշտութիւնները, որոնք Հայ ժողովուրդին անհրաժեշտութիւններն են և որոնք, սակա՛յն, գոյութիւն իսկ

չունէին ժամանակին։ Ուրեմն՝ Հայ ժողովուրդին այս նո՛ր ու ներկայ անհրաժեշտութիւնները աւելցած են Հայ ժողովուրդին վրայ։ Ու այս անհրաժեշտութիւններուն հետեւանքով, հա՛յ ուսուցիչին, ինչպէս հա՛յ քահանայի՛ն, հայ կուսակցականի՛ն, հայ գրողի՛ն ու հա՛յ անհատին պարտականութիւններն ու պատասխանատուութիւններն ալ աւելցած են։

Այս երկու հիմնական հաստատումները ընելէ վերջ երբ կը նայիմ քեզի՛, հայ ուսուցիչ, ես քեզ չե՛մ գտներ Հայ ժողովուրդին վարժարաններուն մէջ։ Ու այս բացակայութեան պատճառը, թե՛րեւս հետեւեալն է. — Անոնք որոնք քեզ կանչած են վարժարանին մէջ, քեզ իբրեւ պատճառեայ մը միայն կը նկատես։ Կամ՝ դուն քեզ միայն պաշտօնեայ մը կը նկատես։ Ա՛րդ, ինչպէս հայ քահանան, նոյնպէս դո՛ւն, հա՛յ ուսուցիչ, պատճառեայ մը ըլլալի աւելի բան մըն ես։ Պէ՛տք է ըլլաս։ Ու ասիկա՛ որովհետեւ դուն հա՛յ ես և որովհետեւ քու կոչումիդ խոյանքովն է որ դուն ազատօրէն ընտրած ես քու ասպարէզդ։ Բայց ո՛րն է այն կոչումը որ դուն կը զգաս քու մէջդ։ Բայց ո՛րն է այն նպատակը որ կը հետապնդես դուն, Հայ ժողովուրդին վարժարանին մէջ։ Ըսել կ՛ողզեմ. — որն է այն յարաբերութիւնը որ կայ քո՛ւ և Հայ ժողովուրդին ներկայ իրականութեան միջեւ։ Այսինքն՝ ո՛րն է քու արժէքդ։ Ո՛րն է Հայ ժողովուրդին այն արժէքը որ դուն գործունէութեան մէջ կը դնես, Հայ ժողովուրդին ներկայ իրականութեան մէջ, այս իրականութիւնը ոտքի բռնող հայ պատանիներէն ներս, լոյսի կենդանի՛ աղբի՛ր բանալով։

Հա՛յ ուսուցիչ, ուսուցիչները չեն՝ որ ոտքի կը բռնեն վարժարանները, ինչպէս քահանաները չեն՝ որ եկեղեցին կը բռնեն ոտքի։ Բայց ինչպէս քահանաները եկեղեցին, նոյնպէս ուսուցիչները վարժարանները կը քանդեն։ Ու ա՛յնքան տան որ Հայ ժողովուրդը, իր ներկայ անհրաժեշտութեան համար անհրաժեշտ եղող ուսուցչութիւնը չունենայ, պարտալին մէջ դարձող ջրբաղաններու նման, զո՛ւր են Հայ ժողովուրդին վարժարանները։ Ու դո՛ւն, հայ ուսուցիչ, դո՛ւն ես որ կրնաս և պարտաւոր ես ստեղծելու անհրաժեշտ հայ ուսուցչութիւնը։ Ու այս ստեղծագործութեան համար, անհրաժեշտ է որ, բարոյական արարքով մը, դուն վերադարձնաս Հայ ժողովուրդին և ընդունիս զայն, իր ներկայ իրականութեան մէջ այնպէ՛ս ինչպէս որ է անիկա։ Այսինքն, մասնակցի՛ս Հայ ժողովուրդին կեանքին, ինչպէս կը մասնակցէին ժամանակին անոնք որոնք այս օր արհամարանքով և հեղնանքով «վարժապետ» կը կոչես դուն ու քեզի նման՝ բողմութիւ ուրիշ հա՛յ մտաւորականներ։ Ու այս «վարժապետները» ու

րոնք թերեւս քեզմէ աւելի տգէտ էին, բայց իրենց տգիտութեան մէջն իսկ, էին քեզմէ՝ աւելի արժեքաւոր: Ու կարեւորը, ամէն տեղ ու ամէն ժամանակ արժէքն է:

ՆԱՄԱԿ ՀԱՅ ԳՐԱԳԵՏԻՆ

Կ'ընդունի՛մ քու վիճակիդ ողբերգական հանգամանքը ու կը խնդրեմ քեզմէ՝ որ դուն ալ ինձի հետ ընդունիս հետեւեալ հաստատումը. քու ողբերգական վիճակիդ պատճառը մեր ժողովուրդը չէ, ա՛յլ այս պատճառը դուն իսկ ես: Այսինքն մեր ժողովուրդին մէջ քու բռնած զիրքդ է ու այս դիրքը՝ ուրացում մըն է: Արդարեւ Ո՞վ ես դուն մեր ժողովուրդին ներկայ իրականութեան մէջ: Ի՞նչ կ'ընես դուն Ո՞րն է այն յարաբերութիւնը որ կայ քո՛ւ և մեր ժողովուրդին միջեւ: Աւելի՛նս Ո՞րն է այն անհրաժեշտութիւնը որ դո՛ւն կը ներկայացնես մեր ժողովուրդին համար: Ու ի՞նչ իրաւունքով, տեւականօրէն դուն զքեզ կը պահանջես մեր ժողովուրդէն, առանց դուն զքեզ մեր ժողովուրդին տալու: Բացայայտ է— Դուն կը մերժես դուն զքեզ մեր ժողովուրդին, ինչպէս կը մերժես դուն մեր ժողովուրդը քու մէջդ ու ինքն իր մէջ:

Հակասութիւնները, մեր ներկայ իրականութեան մէջ, ամէն տեղ ներկայ են, գիտե՛մ: Բայց այս հակասութիւնները, ո՛չ մէկ գործի և ո՛չ մէկ անհատի մէջ այնքան անպատշաճօրէն չեն որքան քու գործիդ և քու մէջդ, հայ գրագէտ: Ու բազմաթիւ են պատճառները այս անպատշաճութեան որ բոլ անփական անպատշաճութիւնդ է: Ես կը յիշեմ հիմա, անոնցմէ մէկը միայն, որ անշուշտ գլխաւորն է և որ կը պարփակէ իր մէջ բոլոր միւսները: Ահաւասիկ. Դուն գրագէտ մըն ես կամ՝ տեւականօրէն կը տեսնուես գրագէտ մը ըլլալ միայն մեր ժողովուրդին մէջ ու քու այս տենչանքդ իսկ, կը դատապարտէ զքեզ մեր ժողովուրդին ներկայ իրականութեան մէջ: Ու ամէն գրագէտի մէջ կայ արուեստագէտը ու ամէն արուեստագէտի մէջ՝ ազատութիւնը: Ու ազատութեան մէջ մարդկային էակը է ա՛յն ինչ որ է ի՛րապէս: Ու դուն հակասութիւններու անտառ մըն ես: Ու քու գործիդ հակասութիւնները քու անձիդ հակասութիւններն իսկ են: Ու ես կը սիրեմ յուսալ որ՝ քու հակասութիւններդ կը բխին քու տգիտութենէդ, քու անգիտակցութենէդ և քու յուսահատութենէդ:

և ոչ թէ՛ քու վատութենէդ և քու այլասերումէդ: Ու այս յոյսն է որ զիս կը մղէ գրելու քեզի այս նամակը, որուն բառերը կ'ուզէի որ ըլլային պարզ, մէկի՛ն ու խաղաղ:

Հայ գրագէտ, ամէն անգամ որ ես կը մտածեմ իմ մասին կը մտածեմ նաև քու մասին: Ու ասիկա՝ որովհետեւ մեր միջև կայ եղբայրակցութիւն մը որ կը կառուցանէ մեր ինքնութիւնը, այսինքն՝ ինքնութիւնը ա՛յն սերունդին որուն մասերն ենք մենք, ինչպէս այս սերունդը մէկ մասն է մե՛ր ժողովուրդին: Ու այս եղբայրակցութիւնը, իմ մէջս կ'արթնցնէ՛ Քօրնէյի ս՛ա տողին ամբողջ տարողութիւնը ու իրաւունք կուտայ ինձի, գրեթէ ամէն օր պոռալու զայն՝ նայելով քեզի, կանչելով քեզ ինձի հետ: Թերեւս գիտես. — Քօրնէյ զայն դրած է հայ իշխանի մը քերնին մէջ ու հայ իշխանը կը պոռայ զայն ուրիշ հայ իշխանի մը՝ մտածելով ի՛ր, իր ընկերոջ և Աստուծոյ Որդւոյն մասին, մինչ ես կ'արտասանեմ զայն, մտածելով քո՛ւ մասին, մտածելով ի՛մ մասին ու մտածելով՝ մեր ժողովուրդին մասին:

Allons mourir pour lui, comme il est mort pour nous!

Ու ինձի համար անկարելի է չմտածել հոս, Աստուծոյ Որդւոյն մէկ պատգամին մասին — եթէ սերմը չմեռնի... 111

Ու անշուշտ, հայ գրագէտ, գրականութեամբ չէ որ կրնաս դուն մտնել և կենա՛լ, (մեռնի՛լ և ծնիլ և զարգանալ) Հայ ժողովուրդին ներկայ իրականութեան մէջ, ինչպէս այս հրատարակութեան ընթերցողները ինձմով չէ որ կրնան մտնել ու կենալ: Հայ ժողովուրդին ներկայ իրականութեան մէջ, այլ՝ իրենց անձնական ու ներքին արամովը, որ իրենց գերագոյն ճշմարտութիւնն է: Այսինքն՝ իրենց մասնակցութեամբ: Այսինքն՝ մեր ժողովուրդին ներկայ իրականութեան մէջ իրենց բերած կենդանի վկայութեամբը: Ու ես գիտե՛մ, հայ գրագէտ, որ այս ճշմարտութիւնը ամենէն աւելի մե՛ծ է քու մէջդ, որովհետեւ մե՛ծ է քու անձնական արամդ: Ու Հայ ժողովուրդին անհրաժեշտ եղողը քու մասնակցութիւնդ է, քու կենդանի՛ վկայութիւնդ է: Ու քու ամբողջ արժեքդ Հայ ժողովուրդին ներկայ իրականութեան մէջ բերած քու մասնակցութիւնդ է: Բու վկայութիւնդ է:

ՎԱԻԵՐԱԹՈՒՂԹԵՐ

ԺԱՄԱՆԱԿԱԿԻՑ ՊԱՏՄՈՒԹԵԱՆ ՀԱՄԱՐ ՀԱՅ ԺՈՂՈՎՈՒՐԴԻՆ ԵՒ ՊԱՏՄՈՒԹԵԱՆ ՀԱՄԱՐ ՄԱՐԴԿՈՒԹԵԱՆ

Յաճախ կը մտածեմ քու մասիդ, ո՛վ մարդ, որ պիտի ծնիս ու սպրիս մեր ժամանակէն դարե՛ր յետոյ, ու իմ ամբողջ էութիւնս կ'ողողուի երջանկութեամբ, ի տես քու մարդկային գիտակցութեանդ: Ու դուն պիտի ամչնաս ներկայ մարդկութեան համար, ինչպէս ես կ'ամչնամ հի՛մա, քու տեսիլքիդ առջև, ինքզինքիս համար, մեր ժողովուրդին համար ու մանաւանդ՝ ներկայ մարդկութեան համար: Ու քու դատողութիւնդ ծա՛նր պիտի ըլլայ, գիտեմ:

Իայց որպէսզի, մեր ժողովուրդին վրայ բերած քու դատողութիւնդ աւելի արդա՛ր ըլլայ ու մեր ժողովուրդին պատճառաւ քու զգացած ամօթդ՝ նուազ կարծր ու նուազ այրող, ես քու ուշադրութեանդ կը յանձնեմ այս էջերը: Անոնց մէջ դուն պիտի գտնես այն արժէքները, որոնք մեր ժողովուրդին ներկայ իրականութեանն են և որոնք կ'անտեսուի՛ն մեր մտաւորականութեան կողմէ: Եթէ մեր գիրքերն ու մեր թերթերը տային՝ մեր ժողովուրդին ներկայ իրականութեան այս արժէքները, ես քաջութիւնը պիտի ունենայի լութեան և խաւարին մէջ մեռնելու: Իայց մեր մտաւորականութիւնը կը մոռնայ զանոնք: Ու ես կ'ողբեմ յիշեցնել քեզի.— ես չե՛մ մոռնար զանոնք ու չեմ մոռնա՛ր մանաւանդ՝ ուրիշներու մոռացումէն զանոնք փրկելու անհրաժեշտութիւնը: Հայ ժողովուրդը իր ներքին ու արտաքին վտանգներէն փրկելու յուսկանութիւնը չէ՛ որ կայ մէջս և որ կը մղէ զիս մտածելու և գործելու, այլ՝ իմ մէջս կայ կա՛մքը փրկելու իմ անձիս մարդկութիւնն ու իմ հայ անձ մը ըլլալու հանգամանքս: Ու այս փրկութիւնը՝ իմ մէջս ու մէ՛ջը մեր ժողովուրդին ու մէջը մարդկութեան ու տիեզերքին: Աւելին, իմ մէջս կայ կամքը փրկելու պատիւը իմ մարդկային էութեանս ու իմ հայ անձ մը ըլլալուս պատիւը: Ապացո՛յց.— ինձի համար կարեւորը իմ իրաւունք ունենալս է և ո՛չ թէ՛ իմ իրաւունքիս

ճանաչումն և հաւանութեան արժանանալը բոլորին կողմէ: Այսինքն ո՛չ թէ՛ շա՛նք իմ իրաւունքիս: Ու ասիկա՛ ոչ միայն երբ ես կանգ կ'առնեմ իմ անձիս առջև, այլ նաև՝ երբ ես կանգ կ'առնեմ առջևը մարդոց ու առջևը աշխարհին:

Ու գիտցի՛ր, ո՛վ մարդ.— ո՛չ մէկ տեղ և ո՛չ մէկ ատեն և ո՛չ ոքի առջև, ես երբե՛ք չուրացայ իմ մարդ մը և հայ մը ըլլալս ու ես երբե՛ք չամչցայ իմ հայ մը ըլլալուս և իմ մարդ մը ըլլալուս համար: Ու ասիկա՛ որովհետեւ ես իմ մեզս, այսինքն՝ Հայ ժողովուրդին ներկային մեզն իսկ տեսակետով ես զսա՛յ արժեքներ ու այս ներկա՛յ արժէքներուն միջոցաւն է որ ես կրցի բռնել և ըմբռնել Հա՛յ ժողովուրդին անցեալին արժէքները:

* * *

Ամէ՛ն հայու ծանօթ է, Ֆրանսահայ երիտասարդութեան պարտադրուած զինուորական ծառայութիւնը: Ու անշուշտ, հետու չէ այն օրը, ուր զինուորական ծառայութիւնը պիտի պարտադրուի հայ երիտասարդութեան՝ որիչ գաղութներու մէջ ալ:

Ու այս նոր իրականութեան մասին, մեր օրաթերթերը հըրատարակեցին խմբագրականներ, ինչպէս իրենց բարի սովորութիւնն է: Սակա՛յն, ո՛չ մէկ խմբագրականի մէջ, ես չհանդիպեցայ գիտողութեան մը, որ մտանանիշ ըներ, այս նո՛ր իրականութեան իսկ պատճառաւ, Հա՛յ ժողովուրդին բնութեան ցուցայայտած արժեքները: Ընդհակառակը: Ինչ որ գրուեցաւ մեր թերթերուն մէջ, անպատուաբեր էր մեզի համար: Ու ասիկա՛ որովհետեւ անիկա չէր արտայայտութիւնը, այս նո՛ր իրականութեան դէմ, մեր ժողովուրդին բռնած ճշմարիտ դիրքին: Նոյն իսկ, հայ խմբագիր մը համարձակեցաւ գրելու՝ թէ հայ երիտասարդութիւնը կը խուսափի ու կը վախնայ զինուորութիւն ընելէ, որովհետեւ «վարժուած չէ՛ տիտիպլինի»: Ու յետոյ՝ որովհետեւ «Ֆիզիքական տոկունութիւն» չունի: Ես հիմնովին սխալ կը գտնեմ այս երկու գիտողութիւններն ալ. մանաւանդ՝ երկրորդը: Ու կ'ընդօրինակեմ հետեւեալը՝ որ գրած է Ֆրանսա բնակող հայ երիտասարդ մը.— «Հաստատապէս կ'ըսեմ թէ՛ զինուորութիւնը ո՛չ մէկը չէ սարսափեցուցած, սակայն, բոլորը կը զայրացնէ այն պարզապէս թէ, ինչու տասնեակ մը տարիներով իբր անպէտ՝ եկտրօտարներ՝ հազար ու մէկ նեղութիւններով, գլուխ ծռած գերիներու պէս՝ հարածուէինք հոս ու հոն, քանի որ մեզի Ֆրանսայի պիտանի են նկատելու և կ'ենթարկեն այն պարտադրութեան որ յատուկ է Ֆրանսացիին»: Ե՛ս եմ որ կը ստորագծեմ:

Թեոյ՛ կ'ընդօրինակեմ նաև հետեւեալը նամակէ մը՝ որ գը-

րած է ինծի Ֆրանսա բնակող պարզ և գործաւոր երիտասարդ հայ մը.—

«Եւ սակայն, զինուորութեան խնդիրը՝ որ թէև 22 տարեկանէն վեր եզոզներուն առ այժմ ոեւէ կարգադրութիւն չկայ, եւ սակայն միտքս կը զբաղեցնէ, ինչպէս շատերուն (միտքը)։ Երբեմն կը խորհիմ, առաջին առթիւ երթալ զինուորագրուիլ, երբեմն ալ կ'ըսեմ՝ մնամ «Տայմաթլոս» (անհայրենիք, բախտախընդիր, բառը գերմաներէն է)։ Ամէն պարագայի տակ, քաղաքացի ըլլալը սիրտս շատ շիտիք, երբ այդ զեռնի մըն է (faveur) եւ ոչ թէ իրաւունք մը, ինչպէս Ամերիկայի մէջ։ Նոյն իսկ աւելի՛ գէշ բան մըն է ասիկա։ Կարծես մուրացկանի մը արուած ողորմութեան նման ինծի արուած ողորմութիւն մըն է։ Եւ այս պարագան (իրականութիւնը ըսել կ'ուզէ իմ բարեկամս) զիս խորապէս կը վիրաւորէ իմ արժանապատուութեանս մէջ։ Խորուելու աստիճան ալ միամիտ չեմ, որ հաւատամ թէ՛ նոյն իսկ այս շնորհը, այս ողորմութիւնը, միմիայն իմ բարիքիս համար է։ Անիկա ցուցամօլիկ քրիստոնիսի մը ըրած բարիքին նմանող բան մըն է, որմէ ամենեւնի առաջ ի՛նքը կ'ուզէ օգտուիլ։ (Բոլոր ստորագծումները իմ կողմէս են)։

* * *

Կ'արտաստպեմ հետեւեալը «Յուսարեր» օրաթերթէն որ ինքն ալ, իր կարգին, արտաստպած է «Ազգակնէն ու այս վերջինը՝ Հալէպ հրատարակող ֆրանսերէն թերթէ մը։

«Պոթան Փաշա» հայկական նոր թաղին մէջ հաստատուած կարգ մը հայ գաղթականներու գէժ վերջերս իրենց բնակարաններէն արտակսման վճիռ արուած էր, Հալէպի տեղական դատարաններուն կողմէ։ Ի՞նչու պարզ անոր համար որ, անոնք ծայր աստիճան թշուառութեան մատնուած ըլլալով, չեն կրցած վճարել փոխարժէքը իրենց գնած հողերուն։

Անցեալ շաբաթ օր, Մէլտանի պահակատունէն զրկնւած տասնեակ մը ոստիկաններ կը հասնին հայկական թաղը, դատարանին վճիռը գործադրելու համար։ Սակայն, անոնք կը բախին բռուն ընդդիմութեան մը, երբ կը փորձեն իրենց բնակարաններէն դուրս նետել խնդրոյ առարկայ հայ թշուառ գաղթականներուն ընտանիքները։

Արդարեւ, այրերը բացակայ ըլլալով տուներէն, կիները պարտք կը համարեն իրենք պաշտպանել իրենց բնակարանները և կը փորձեն արգիլել անողորմ վճիռին գործադրութիւնը։

Ոստիկանները կիներու բողոքներուն կը պատասխանեն նախ

կողիտ նախատինքներով և ապա-բիրտ յարձակումներով, որոնց իրենց մասնակցութիւնը կը փութան բերել նաև ոստիկաններուն ընկերացող կալուածատէրերն ու բեռնակիրները։

Կարծես այսքանը բուռն կան չըլլար, շուտով այս վերջիններուն օգնութեան կը հասնին տասնեակ մը ոստիկաններ ևս, որոնք անյուր հայհոյանքներով կը նախատեն հայ հէք կիները ու իրենց ձեռնափայտերով կը յարձակին անոնց վրայ։ Բայց զոհերը, իրենց յուսահատական դիմադրութեան մէջ կը յաջողին խել յարձակողներէն շատերուն ձեռնափայտերը, փախուստի մատնելով զանոնք։

Պահ մը վերջ դէպքին վայրը կը հասնին 25 ոստիկաններ ևս, կեդր. քովսէրին առաջնորդութեամբ և «կարգը վերահաստատելու» համար, իրենց կարգին կը յարձակին դրդուած բազմութեան վրայ ու կը սկսի զարհուրելի խոշտանգում մը որ կը տևէ ամբողջ երեք ժամ։

Տասնեակներով հէք կանայք կը ծեծուին անօրինակ վայրագութեամբ մը և գործէն նոր վերադարձող բազմաթիւ ընտանիքի հայրեր կը ձերբակալուին։ Հալէպահայոց Առաջնորդի միջամտութեան շնորհիւ, սակայն, վերջ կը գտնէ խոշտանգումը, երբ Սրբազան Հօր պահանջով կը հեռանան ոստիկանները և շուտով կը վերահաստատուի հանգարտութիւնը։

Բազմաթիւ կիներ վիրաւորուած են և շատեր վիժում ունեցած, սաստիկ վախէ և յուզումէ։

Վ Կ Ա Յ Ո Ւ Թ Ի Ի Ն Ե Ր

Կ'արտատպեմ հետեւեալ բերթուածը, Աթենք հրատարակող «Արեւազալ» ամսաթերթէն: Անոր հեղինակն է Սար. Սահակեան՝ որ արդէն հրատարակած է «Զորավանք» անուան ներքեւ, բանաստեղծութիւններու հատոր մը:

Ա Յ Ս Ք Ա Ն Տ Ա Ր Ի ...

Այսքան տարի՝ կը շնչեմ այս արեւին տակ օտար,
Առանց որ թե՛ մը կապէ զիս դեռ հողին ու ջուրին.
— Արմատախիլ ու հազիւ տարատնկուած իբրեւ ծառ,
Ոստերն որուն ամէն օր հետըզհետէ կը ծիւրի՛ն:

Հողին վըրոյ, այլ սակայն գերթ թաղարի մէջ անձուկ,
Զերմանոցի մը իբրեւ բանտարկըւած ծածքին տակ...
— Կ'անցնին հովեր խնդութեան, ընդվըզումի հովեր տաք՝
Առանց որ գէթ այցելէ ոստերուս դո՛ղ մը ծածուկ...

Ինչպէ՛ս գըրել անանուն ողբերգութի՛ւնը երբեք՝
Անհայրենիք մանկութեան, պատանութեան սրտաբեկ,
Ու տարագիր աշնանալ ըսպառնացող օրերուն...

Ո՛ւր փոթորիկ մը ներքին կամ փոթորիկ մը ուրիշ՝
Որ խըլէր ծառն՝ իր ամուլ մենութենէն ամբարիշտ,
Ու զայն նետէ՛ր վերըստին հայրենի խօ՛ւ հովերուն...:

Կ'արտատպեմ հետեւեալը յօդուածէ մը, որ հրատարակուեցաւ վերջերս «Արեւ» օրաթերթին մէջ: Ֆրանսարնակ հայ երիտասարդ մըն է զայն զըջողը, որ կը ստորագրէ Ա. Ռազմունի եւ որ անձանօթ է ինծի:

«Ես երիտասարդներու բանակէն մին եմ, որ կ'ընդվզիմ անցեալ սերունդին դէմ, սակայն առանց կիրքի ու ցաւելով իրենց ապադարձ թշուառութեան ու մեր երիտասարդ ծերութեան վրայ: «Ի՞նչ պատրաստեց ու մեզի ի՞նչ տուաւ հին սերունդը: Անո՛նք որ դիտել գիտեն ու կը դատեն իրենց խղճին համաձայն, այդ հարցումին առանց խօսք կսկիծի և սուգի չեն կրնար պատասխանել, որուն մէջն է մեր քառորդ դարու թշուառութիւնը: «Արդարեւ մենք նախ քան մեծ եղեռնը չարութեան անգիտակ պատանիներ էինք ու կը սիրէինք մեր հայրերը, մեր նմաններն ու մտքերնուս չէր կրնար անցնիլ իրարու դաւաճանել, մէկդմէկու միս ուտել:»

«Ողջակեզի օրերուն անօթի, մերկ և հուրի-սուրի մէջ, մենք չար չէինք ու իրարու հանդէպ նեցուկի տեղ կը ծառայէինք: Մէկ պատու հացը կը կիսէինք մեր նմանին հետ ու վիշաք մէկուն՝ անտարբեր չէր թողեր միւսը: Անցան դժոխային օրերը: Աշխարհի հրաքուխը՝ ըստ երեւոյթին խաղաղեցաւ ու մենք մեզ քտանք հեռաւոր երկիրներու մէջ:»

«Հակառակ մեր ուժասպառ վիճակին, մեր սիրտը կը բաբախէր անցեալին ու մեր ապագային հեռանկարով: «Այն օրերուն եթէ գտնուէին խղճամիտ ու անաչար մեր հայրերը, եթէ ըլլային հեռատես ու մեզ կազմակերպէին ապագային համար, կասկածէ դուրս է թէ՛ այսօր կ'ունենայինք մեծով փոքրով մէկ կամք ու կը պատկանէինք նո՛յն զանգուածին: Այդ օրերուն (1923էն սկսեալ) մեր մէջ չարութիւն չկար ու հայ անունէն խօսողը մեր սրտին կը խօսէր ու կը մեծնար մեր աչքին: Այդ օրերուն ի՞նչ որ հրամցուեցաւ մեզի՝ առանց կասկածի, մխրճուեցաւ մեր սրտին: Մենք խմո՛ր էինք ու կաղապարուելու պէտք ունէինք: Այդ դժուար դորձ չէր:»

«Ոսումը մը մարդիկ, բոլորն ալ հայ, անցեալով զանազան քաղաքական կուսակիցներ, այլ և այլ անուններով մօտեցան մեզի ժպիտով, խոստումով, մեծամեծ յոյսով և համողիչ հաւատքով: Դժուար չէր կողմնակիցներ ճարել, դժուար չէր կէս ժամուան ճառէ մը ետքը կուսակիցներ արձանագրել ու անոնց վրայ տուրք մը հաստատել, ու դժուար չէր անոնց սրտերը բաբախել տալ

անցեալի դրուազներով ու զիրենք կապել աներեւոյթ ապագային:

«Եթէ գիտնայիք թէ ի՞նչ խանդավառութեամբ կը ծախանահարէինք հերոսներու յիշատակը, եթէ գիտնայիք թէ հոգեկան ինչօպիսի՞ գոհունակութիւն էր լսել յուսադրիչ խօսքեր, որոնք մեզ կը տանէին մինչև կոյր պաշտամունքի, անպայման պիտի համոզուէիք թէ մեր պատանիները աւելի՞ քան հայ էին և պատրաստ՝ ամէն գոհողութեան յանուն ազգասիրութեան, յանո՛ւն հայերու անբաժան երայրութեան: Այս ճշմարտութիւնը, սակայն, մնաց պատանիներու սրտին մէջ ու երբե՛ք չհասկցո՞ւցաւ նոր կազմակերպող գաղութի ղեկավար տարրին կողմէ: Այդ ղեկավար տարրը, մտածելով, գործելով մէկ մաքով, ոչսինքն՝ իրեն կուսակիցներ ճարել, ժամանակ չի գտաւ անդրադառնալու թէ ըրածը՝ օգտակար գործ էր թէ նոր ձեւի թշուառութեան մը սկզբնաւորութիւնը:

«Բոլորիս հասկնալի է պատանեկութիւն մը, որ լեզուապատառ ազատած էր անորակելի սպանդէն, թողլով հայրենի երկիր, սիրելիներու անշիրիմ գիւր ու հեռացած մորմոքուած սրտով, վրէժխնդի՛ր զգացումով ու անկայուն, լքուած ներկայի մը սարսափով: Բոլորս կ'ըմբռնենք այժմ, թէ այդպիսի սրտերը զէպի բարին կամ չարը տանիլ պատանական մարդոց կողմէ իսկ, խաղալիք մըն էր այդ օրերուն:

«Դժբախտաբար այդ անձերը պատանական անձինք չեղան, որոնց մէջ գուցէ խղճամիտներ գտնուէին, այլ նախկին կազմակերպութիւններու տիպոսաւոր ղեկավարներ եղան, որոնք մեր անգիտակ հոգիները լեցուցին, մեր նոր բացուող աչքերը շլացուցին իրենց պերճախօս անցեալով և շողշողուն տիպոսաւոր զարդանշաններով:

«... Այս (ներկայ) երիտասարդութիւնը տարիներով ճ առեր, դաստիարակութիւններ է լսէր, անհամար յօդուածներ է կարդացեր ու այսօր կը մտածէ այդ բոլորին առաջ բերած օգուտներուն և մեասին մասին: Երիտասարդութիւնը այսօր հաստատապէս կ'ըմբռնէ՝ թէ այդ բոլորը ո՛չ միայն ակնբախ օգուտ մը չէ ունեցած մեր միակամութեան տեսակէտով, այլև մեզի գրգռեր է իրարու դէմ, շարացուցեր է վասն ոչինչի և ի շահ այս կամ ա՛յն կազմակերպութեան, որուն հետեւանքները եղան այսօրուան մեր անկազմակերպ վիճակը, իրարու հանդէպ անհաւատութիւնը, և սարսափելի կասկածը որ կոյ մէկ անհատէն միւսը և մէկ կազմակերպութենէն միւսը: Մինչդեռ, իրականութեան մէջ, մե՛նք, իբրև իրաւազուրկ, հայրենազուրկ ու բախտակից՝ պէտք էր մէկըզմէկու նեցուկ ըլլայինք, ազգային միակամ մարմին մը ունենայինք, ամէ՛ն բանի պատրաստ:

ԸՆԹԵՐՑՈՒՄՆԵՐ

Ի սէր յատկութեան, ի սէր ճշգրտութեան ու ի սէր կարգապահութեան ու մանաւանդ՝ ցոյց տալու համար՝ թէ ևս ամէ՛ն բանէ առաջ, պատասխանատուութիւն մը կը ստանձնեմ, կուտամ, այս էջերուն համար հետեւեալ բացատրողականը: Ու ասիկա՝ անշուշտ, իմ կարելիիս սահմաններուն մէջ, քանզելու համար այն պղտորութիւնները, այն անճշգրտութիւններն ու այն անիշխանականութիւնը մտքի ու սրտի, որոնք մեր մտաւորականութեան յատկանիշերն են և որոնք ողորած են մեր կեանքը:

Այս էջերը բաժնուած են երկու մասերու: Առաջին մասին մէջ, ամէ՛ն տեսակ հայերէն գիրքերու վրայ է որ պիտի գրեմ, մի՛շտ հետամուտ ըլլալով գանելո՛ւ և մտանանիչ ընելու անոնց մէջ, ինչ որ գտնուէր կը բռնէ սաքի, ինչ որ մեզի համար անհրաժե՛տ է անոնց մէջ և ինչ որ կրնար անհրաժե՛շտ ըլլալ անոնց մէջ, մեզի՛ համար, և որ բացակայ է: Ուրեմն, այս էջերուն միջոցաւ ևս պիտի՛ չպատմեմ նիւթերը գիրքերուն, արուեստի մտահոգութիւններ պիտի չուենեմ նկատի և ոչ ալ՝ սկզբունքներ է որ պիտի փորձեմ սահմանել: Այս էջերուն մէջ քննադատութիւն մը չէ որ ի գործ պիտի դրուի և ոչ ալ միայն տպագրութիւններ պիտի արտադրուին: Այսինքն՝ ո՛չ այն գրախօսականները որոնք կ'երեւան մեր թերթերուն և ամսագրերուն մէջ և որոնք զուրկ են ուրե՛ք՝ առաքինութենէ և ուրե՛ք՝ արդիւնագործութենէ:

Աւելին: Ես մտանաւորաբար պիտի արտադրուեմ ա՛յն գիրքերուն մասին, որոնցմով, հեղինակները ո՛չ թէ միայն ճառ մը կը խօսին մեզի, այլ՝ մեր ներկայ իրականութեան մէջ, կը բերեն իրենց մասնակցութիւնը, իբրև կենդանի՝ վկայութիւն մը:

Իրկորոգ բաժնին մէջ պիտի գրեմ օտար գիրքերէն անոնց մասին միայն, որոնք, ուրե՛ք, օգտակարութիւն մը կրնան բերել մեր ժողովուրդին և ոչ թէ՛ իմ բոլոր կարգացած գիրքերու մասին: Ու այս բնորութիւնը պիտի չբռնեմ, օտար հեղինակներուն մեր ժողովուրդին հանդէպ նպաստաւոր գիրք մը բռնած ըլլալուն համար և այս գիրքին մէջն իսկ գանելով անոնց արժէքը, ինչպէս սովորութիւն է ընել մեր մէջ, այլ՝ նկատի առնելով հետեւեալ երկու մտահոգութիւնները միայն, որոնք այս ընտրութեան պատճառներն են—

Առաջին. — Իբր օտար գիրքերու յայտնաբերած ճշմարտութիւնները, առանց մեր ժողովուրդին համար ալ նշանակութիւններ ըլլալու, կրնա՞ն մեր ժողովուրդը սխալ քայլերէ հեռացնել, իբրև աղբարարութիւն մը ծառայելով մեր ժողովուրդին:

Երկրորդ. — Երբ օտար գիրքերու յայտնաբերած ճշմարտութիւնները, կը լուսաւորեն և կը բեղմնաւորեն մեր ժողովուրդին մարդկայնութիւնը ու հայ անհատին մէջ կ'արթնցնեն մարդը:

Այս երկու մասնագութիւնները միայն ու առիկա՝ որովհետեւ մնացեալը զո՛ւրկ է կարեւորութենէ, զո՛ւրկ է անհրաժեշտութենէ, զո՛ւրկ է արժէքէ: Ու բոլո՛ր այն գործերը, որոնք զո՛ւրկ են կարեւորութենէ, անհրաժեշտութենէ և արժէքէ, բաժինն են առնո՛ց՝ որոնք զուրկ են կարեւորութենէ, անհրաժեշտութենէ և արժէքէ:

ԱՅՅԵՐԷՆ ԳՐԲԵՐ — ՐԱՅՅԻ ԵՒ ԻՐ ԳՈՐԾԸ

Հետեւեալը ամփոփումն է այն յօդուածին որ գրած եմ վերոյիշեալ գրքին մասին: Ամփոփման պատճառ՝ հատորին ծաւալը:

Րաֆֆին, ինքն իր մէջ, աւելի մեծ կարեւորութիւն և արժէք ունի քան ա՛յն որ մեզի կը արուի այս գրքին մէջ: Ու բոլո՛ր անոնք որոնք փորձած են զայն ներկայացնել, աւելի՛ կ'արժեն քան իրենց գրութիւնները: Պէտք չէ գոհանալ այս հաստատումներով ու ապաստանիլ զայրոյթի, դաւանութեան և արհամարանքի մէջ նայելով այս գրքին ու սիրոյ և վստահութեան մէջ՝ նայելով Րաֆֆիին: Որովհետեւ այս գիրքը կը հաստատէ ա՛յն ախար որ հայ մտաւորականութեանն է և որ ազգային ու մարդկային արժեքներու ուրացումն է: Ամէն ուրացում կը պարփակէ ազիտութիւն, անգիտակցութիւն, յուսահատութիւն կամ վստահութիւն:

Ամէ՛ն դատողութիւն, ամէ՛ն բան ըլլալէ առաջ, դատողին հասկացողութեան և արժէքին վրայ տարուած դատողութիւն մըն է: Հո՛ս, իւրաքանչիւր յօդուածագիր, ինքզինքն է որ կը դատէ: Առանց սերունդի հարցի.— միա՛յն մէկ երիտասարդ գրող իր մտանկողութիւնը բերած է գրքին: Ուրեմն՝ այս գրքին պարունակութիւնը՝ երէց սերունդին Րաֆֆիի վրայ բերած դատողութիւնն է ու Րաֆֆիի ընդմէջէն՝ ինքն իր վրայ բերած դատողութիւնը: — Դարձեալ առանց սերունդի հարցի.— ի՞նչու նոր սերունդը չի բերեր իր դատողութիւնը Րաֆֆիի մասին: Առիկա անհրաժեշտ է մեր ներկայ իրականութեան: Բազմաթիւ պատճառներով.— նախ՝ իրական գործունէութիւն մը երիտ. սերունդին համար: Այս գործունէութիւնը զայն կը ներմուծէ ժողովուրդին մէջ, իբրև կենդանի՝ իրականութիւն: Այս իրականութիւնը հազորակցութեան մէջ կը դնէ զայն, ժողովուրդին հետ: Այս հազորակցութեամբ ժողովուրդը զայն կը ճանչնայ ու իր արժէքը: Ու իր գործով, անիկա կը մտնէ մեր ժողովուրդին պատմութեան մէջ, որմէ մի՛շտ կը խուսափի: Այս գործը ներկայութիւն մը և վկայութիւն մըն է: Կո՛սն նաև երեք պատճառներ.— առն՝ այս հատորին 15-16 էջերը:

Ես կը պատրաստեմ.— որոնք են այն մտաւորական ու բարոյական արժէքները գործ ներկայ հայ երիտասարդութիւնը կրթնայ գտնել Րաֆֆիի գործին մէջ.— որոնք են այն արժէքները, զորս Րաֆֆիի ժամանակակիցները գտած են առար մէջ: Բազմատեղիւն: Ես յանձն կ'առնեմ երիտասարդներու Րաֆֆիի մասին գրուածները հրատարակել:

Տպարան ԱՍՏԻՆՆԱՅԻՆ Գրական



Տաշուղ հասո՛րներով կը հրատարակուի ին.—

Ա. ՓՈՐՁԵՐ

Մարդ մը կ'ուզէ ապրիլ.

- Ա. մաս - Ժողովուրդի մը գաւազն կը խոստովանի.
- Բ. մաս - Ես ներկայ եմ.
- Գ. մաս - Ես զինուոր եմ.

Հայ մարդ մը ինքզինքը կ'որոնէ.

Բ. ԲԱՆԱՍՏԵՂ ԾՈՒԹԻՒՆՆԵՐ

Ռաճաստեղծութիւններ.
Մեծախօսութիւն Գիշերուան մէջ } Բերումներ
Սէր
Արտատաղ Առաջին — ողբերգութիւն.

Գ. ՊԱՏՄՈՒԹԻՒՆՆԵՐ

Անգործ հայ մտաւորականի մը օրագիրը.
Քանգուած կամուրջներու առջև.
Մրրկահաւը.
Լոյսեր խաւարին մէջ.

Դ. ՎԷՊ.

Մռայլ ոյժեր.

Ե. ՈՒՍՈՒՄՆԱՍԻՐՈՒԹԻՒՆՆԵՐ

Մեր պատմութեան, Եկեղեցիին, Ժողովուրդին մասին.
Անդրանիկի, Կոմիտաս Վարդապետի, Ինճոբայի, Թլկատեցիի, Ն. Օտեանի, Վարուժանի, Միամանգոյի, Բաճճիի, Վ. Թէֆեանի, Ե. Օջականի, Ա. Ահարոնեանի. Ն. Արմ. Դուրեանի մասին.
Ներկայ Հայ Նրիտասարդութեան, Գրականութեան, Բաղականութեան մասին.
Ալէնի, Բլտեղի, Ժիտի, Պենայի, Մոռասի, Պառնսի, Տէֆարդի, Պղատանի, Սրինոզայի մասին.

Զ. ՎԼԱՅՈՒԹԻՒՆՆԵՐ.

Է. ԸՆԹԵՐՑՈՒՄՆԵՐ.

Ը. ԱՆՏԻՊ ՆԱՄԱԿՆԵՐ ԵՒ ԹՈՒՂԹԵՐ

Թլկատեցիէն, Վարուժանէն և Ն. Օտեանէն.

«Ազգային գրադարան»



910142842

ARCHAM DADERIAN

29, Rue Faggalah, Le Caire - Egypte.

Բաժանորդագրութեան պայմաններ

Չորս հասորի համար

ԵԳԻՊՏՈՍ } Գաղափարական բաժանորդագրութիւն:
 } Նուազագոյն բաժանորդագրութիւն 20 Ե.դ.

Ամերիկա. — Նուազագոյն բաժանորդագր. 1½ տլար.

Ֆրանսա . — » » 30 Ֆրf.

Մնացեալ երկիրներ. — » » Եգպտ. դրամի հաւուով:

Գին 5 Ե.դ.